



RUKUN NEGARA

Bahawasanya Negara Kita Malaysia

mendukung cita-cita hendak:

Mencapai perpaduan yang lebih erat dalam kalangan
seluruh masyarakatnya;

Memelihara satu cara hidup demokrasi;

Mencipta satu masyarakat yang adil di mana kemakmuran negara
akan dapat dinikmati bersama secara adil dan saksama;

Menjamin satu cara yang liberal terhadap
tradisi-tradisi kebudayaannya yang kaya dan pelbagai corak;

Membina satu masyarakat progresif yang akan menggunakan
sains dan teknologi moden.

MAKA KAMI, rakyat Malaysia,
berikrar akan menumpukan
seluruh tenaga dan usaha kami untuk mencapai cita-cita tersebut
berdasarkan prinsip-prinsip yang berikut:

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN**

(Sumber: Jabatan Penerangan, Kementerian Komunikasi dan Multimedia Malaysia)

KURIKULUM STANDARD SEKOLAH MENENGAH

BAHASA SEMAI

TINGKATAN 3

Penulis

RASILA BINTI YAS
SHAEMAS A/P MAT
SUHAIMI A/L HUSIN

Editor

WAK KARTINAH A/P BAH GOLI
MOHD 'UDZAIR BIN DEPANAİK
MOHAMAD ARSHAD BIN SULAIMAN

Pereka Bentuk

KHAIRUL AZAM BIN ZAIN

Ilustrator

AINUL MURSYIDAH
BINTI KHAIRUL AZAM



DBP

Dewan Bahasa dan Pustaka
Kuala Lumpur
2018



**KEMENTERIAN
PENDIDIKAN
MALAYSIA**

No. Siri Buku: 0085

KK 499-221-0102081-49-2083-20101

ISBN 978-983-49-2083-8

Cetakan Pertama 2018

© Kementerian Pendidikan Malaysia 2018

Hak Cipta Terpelihara. Mana-mana bahan dalam buku ini tidak dibenarkan diterbitkan semula, disimpan dalam cara yang boleh dipergunakan lagi, ataupun dipindahkan dalam sebarang bentuk atau cara, baik dengan cara bahan elektronik, mekanik, penggambaran semula mahupun dengan cara perakaman tanpa kebenaran terlebih dahulu daripada Ketua Pengarah Pelajaran Malaysia, Kementerian Pendidikan Malaysia. Perundingan tertakluk kepada perkiraan royalti dan honorarium.

Diterbitkan untuk
Kementerian Pendidikan Malaysia oleh:
Dewan Bahasa dan Pustaka,
Jalan Dewan Bahasa,
50460 Kuala Lumpur, Malaysia.
Telefon: 03-21479000 (8 talian)
Faksimile: 03-21479643
Laman Web: <http://www.dbp.gov.my>

Reka Letak dan Atur Huruf:
Pustaka Yamien Sdn. Bhd.

Muka Taip Teks: Times New Roman
Saiz Taip Teks: 11 poin

Dicetak oleh:
Aslita Sdn. Bhd.,
Lot 20, Jalan 4/10B,
Springcrest Industrial Park,
Batu Caves,
68100 Kuala Lumpur.

PENGHARGAAN

Sekalung penghargaan dan ucapan terima kasih ditujukan kepada semua pihak berikut:

- Jawatankuasa Penambahbaikan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Pembedulan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Naskhah Sedia Kamera, Bahagian Buku Teks, Kementerian Pendidikan Malaysia.
- Pegawai-pegawai Bahagian Buku Teks, dan Bahagian Pembangunan Kurikulum, Kementerian Pendidikan Malaysia.
- Jawatankuasa Peningkatan Mutu, Dewan Bahasa dan Pustaka,
- Jawatankuasa Pembaca Luar, Dewan Bahasa dan Pustaka.



KENANDUG

Pemulak v

Penepete vii

TEMA: DUNIAK ENG

Unit 1 Penejagak Dirik 1

Unit 2 Menacak Gertak Lemu 7

Unit 3 Eng Ku Sekolah 13

Unit 4 Bepikir Ru Ui Penutos 19

Unit 5 Lensa 25

Unit 6 Nilei Peringak 31

Unit 7 Gah Ju Borneo 37

Unit 8 Mennan Tradisi 43

Unit 9 Koperasi 49

Unit 10 Peneindustri 55

TEMA: DUNIAK CERITE

Unit 11 Cermor 61

Unit 12 Cerite Wenares 67

Unit 13 Cerite Sejarah 73

Unit 14 Komuniti 79

Unit 15 Kerjaye Penileh 85

Unit 16 Potensi Sains 91

TEMA: DUNIAK CERITE

Unit 17	Gaye Sinui Sihat	97
Unit 18	Sukan	103
Unit 19	Tokoh	109
Unit 20	Ekonomi Nutempat	115

TEMA: DUNIAK LEMU PENANEI

Unit 21	Sains Ru Teknoloji	121
Unit 22	Seni Budaya	127
Unit 23	Kazanah Alam	133
Unit 24	Duniak Herbe	139
Unit 25	Peneurur Belanjak	145
Unit 26	Penedidek	151
Unit 27	Penetani Nanek Peneniage	157
Unit 28	Isu Kemasarakat	163
Unit 29	Integrati	169
Unit 30	Malaysia Negare Eng	175

Info Bahasa	181
Glosari	182
Nerujok	183
Indeks	184








PEMULAK

Pakej Bob Teks Bahasa Semai Tingkatan 3 bigunak ku tahut 2019 berupe transformasi Kurikulum Standard Sekolah Menengah (KSSM) ru kipeteros nej senambong Kurikulum Standard Sekolah Rendah (KSSR) de na bimulak ju tahut 2011.

KSSM Bahasa Semai Tingkatan 3 kicot pengrek bementok modular de kibuleh nujap cenempet engrok iaajeh, cenempet cerngai ru belwal, menacak, menules, seni engrok ru sistem engrok biog tenenkan ru kikep pokes de seimbang.

Pakej bob adeh bibeh ju nik tema ru jap tema bicerlah jijoi unit tetentuk. Tema de mong kateh bob adeh ialoh Duniak Eng, Duniak Cerite ru Duniak Lemu Penanei. Tema adeh rimdij mong 30 unit. Dokumen Standard de bigunak kateh KSSM kitekan ha penggabongjenalen rimdij jap cenempet, berengkep lemu ru hipersui nilei murni. Ikon-ikon kiwakel rimdij cenempet kateh KSSM rah:

	<p>Cerngai ru Belwal</p> <p>Ikon adeh ialoh pokes de utame kaha ujik cerendig mureb naiha cerngai, belwal, becerite ru bebincang secare bengwal. Cenempet adeh jugak kihod mureb saleng naibelwal.</p>
	<p>Menacak</p> <p>Ikon adeh ialoh pokes de utame kaha ujik cerendig mureb bebacak naipaham ru menaakol bebegei bahan ru betol ru tepat.</p>
	<p>Menules</p> <p>Ikon adeh ialoh pokes de utame kaha ujik cerendig mureb naiha beh tenules ru ha perlei maklumat betules nu mai kilek.</p>
	<p>Seni Engrok</p> <p>Ikon adeh ialoh pokes de utame kaha ujik cerendig mureb naiha sebot, paham ru regak engrok de bor jijoi berajal de sernuk secare didek hibor.</p> <ul style="list-style-type: none"> • Besajak • Besyaer • Bedindag • Besewang • Bepantut • Becerite • Belakon
	<p>Tatamengwal</p> <p>Ikon adeh ialoh pokes de iutame kaha ujik cerendig mureb naiha berkep ru gunak tatamengwal ru betol jijoi kontek:</p> <ul style="list-style-type: none"> • Engrok asal bahasa Semai • Engrok majmok • Engrok muh • Engrok neimboh • Engrok Gob • Ayat dasar • Engrok kerjak • Ayat tunggal • Engrok edjektif • Ayat ektip • Engrok gande • Ayat pesip • Ayat majmok • Espek tandak bacak • Pola bipesemak hurop • Neije engrok peninyap • Neije engrok dasar ru

	Ektiviti Ikon adeh ialoh ikon de kihod mureb naibeh ektiviti de mong ku kateh bob teks Bahasa Semai.
	Audio Ikon audio ialoh ha kitingkat pungsi bob teks jijoi bahan audio.
	Lenateh Ikon lenateh ialoh ikon de kihod mureb naibeh lenateh de biog.
	Standard Berajal Ikon adeh kipenyate standard berajal ha muke surat ajeh. Nombor standard berajal de bikale ceher ialoh pokes utame.
	Kenukoh Ikon adeh ialoh ikon de kihod mureb naibeh ektiviti naiha pekukoh pengham ha topik de mong kateh nunanek unit.
	QR Code Ikon adeh ialoh ikon de kiog maklumat tenamah ju sumber Internet.
	Info Ikon adeh ialoh ikon de kiog maklumat ha nanek pekare.
	KBAT Ikon adeh ialoh ikon de kiog maklumat ha nanek pekare bekenaet unsur Kemahiran Berfikir Aras Tinggi (KBAT).

Sebegei hiipejeoi nej penanei ru cenempet mureb, pengrek kilek de biper muj ialoh aspek kreativiti ru Inovasi, neusahawan, ru Teknologi Maklumat ru Komunikasi (TMK). Ju segik penesembah, genabong antare teks, audio, grapik ru menan kaler bigunak dek nujap henalam kiog mureb pengalaman peneberajal de bor ru beregak. Teknologi QR Code jugak bigunak kusus ha kimuat bahan bantu berajal ha cenempet cerngai ru belwal kateh mentok audio ru ha kitampung maklumat tenamah ju sumber Internet. Selaen ju ajeh, sebegei usehe ha pejadik Bahasa Semai bahase lemu de lasik, bebegei banse bahan benacak biper muj dek daye peniker ru minat bebacak mureb boleh biperhuj nej.

Penules beharap guru kep kigunak bob adeh secare optimem dek boleh kipetingkat lemu penanei ru kitulug mureb berkep cenempet engrok kek bekesan. Semoge ru usaha adeh mureb Teningkat 3 enai kep penanei ru cenempet de begunak kateh sinui hunen ru nungar.

Panel Penules:

RASILA BINTI YAS

SHAEMAS A/P MAT

SUHAIMI A/L HUSIN



PENEPETE KENANDUG

Bil.	Tema	Unit	Tajuk	SP	Genre/sistem	KBAT	i-Think
1	Duniak Eng	1	Penejagak Dirik	1.2.2, 1.1.1, 3.2.3, 4.1.4, 5.5.1	Sewang Engrok muh		Peta Alir
		2	Menacak Gertak Lemu	1.4.2, 2.2.1, 3.2.2, 4.2.1, 5.1.3	Engrok genanti muh		
		3	Eng Ku Sekolah	1.2.4, 2.1.2, 3.2.1, 4.2.1, 5.1.2	Engrok genanti muh tok tentu		Peta Buih
		4	Bepikir Ru Ui Neputos	1.4.4, 2.2.4, 3.5.3, 4.2.1, 5.3.1	Engrok gantik muh ternyul	Menganalisis Menilai	
		5	Lensa	1.2.3, 2.3.3, 3.2.1, 4.4.4, 5.4.4	Nepetik Ayat sahareh	Menilai	
		6	Nilei Peringak	1.5.2, 2.2.1, 3.4.1, 4.2.4, 5.1.3	Laguk Engrok benilag		Peta Pokok
		7	Gah Ju Borneo	1.2.1, 2.1.2, 3.2.1, 4.2.3, 5.1.2	Penjudoh benilag	Menganalisis	Peta Alir
		8	Menan Tradisi	1.2.3, 2.3.1, 3.3.2, 4.2.3, 5.1.3	Engrok sendi muh		
		9	Koperasi	1.4.2, 2.3.1, 3.2.4, 4.2.2, 5.3.1	Engrok edjektip		Peta Bulatan
		10	Peneindustri	1.4.3, 2.1.2, 3.4.1, 4.5.2, 5.3.2	Engrok kerjak		Peta Dakap
2	Duniak Cerita	11	Cermor	1.2.1, 2.5.1, 3.4.4, 4.2.2, 5.3.2	Engrok hubug genabung		
		12	Cerite Wenares	1.2.3, 2.1.2, 3.4.4, 4.3.1, 5.1.3	Ayat ektip ru Ayat pesip		
		13	Cerite Sejarah	1.6.4, 2.2.2, 3.2.2, 4.2.2, 5.5.3	Engrok tenayak	Menganalisis Menilai	
		14	Komuniti	1.4.1, 2.5.1, 3.1.5, 4.2.1, 5.4.4	Dialog Engrok seru		
		15	Kerjaye Penileh	1.6.3, 2.1.2, 3.3.4, 4.4.4, 5.1.2	Engrok penguat		

Bil.	Tema	Unit	Tajuk	SP	Genre/sistem	KBAT	i-Think
		16	Potensi Sains	1.4.2, 2.1.4, 3.2.3, 4.5.4, 5.1.2	Laguk Engrok napi		
		17	Gaye Sinui Sehat	1.5.1, 2.2.2, 3.5.4, 4.1.4, 5.5.3	Engrok peninyap		Peta Pokok
		18	Sukan	1.5.4, 2.2.4, 3.5.3, 4.4.2, 5.1.3	Engrok penegas		
		19	Tokoh	1.1.1, 2.2.1, 3.2.1, 4.5.4, 5.3.1	Cerpen Engrok ernor		Peta Buih
		20	Ekonomi Nutempat	1.4.3, 2.1.4, 3.1.2, 4.3.4, 5.1.3	Pola ayat dasar		Peta Bulatan
3	Duniak Lemu Penenei	21	Sains Ru Teknolugi	1.2.1, 2.3.2, 3.4.2, 4.2.3, 5.2.3	Engrok neimboh		
		22	Seni Budayae	1.1.2, 2.1.4, 3.4.4, 4.1.1, 5.3.2	Engrok majmok		
		23	Kazanah Alam	1.2.4, 2.1.1, 3.3.1, 4.2.2, 5.1.3	Sajak Kate gande		
		24	Duniak Herbe	1.3.3, 2.3.2, 3.3.1, 4.3.3, 5.1.3, 3.2.4	Nepetik Pola ayat		Peta Buih
		25	Peneurur Jerengkeh	1.5.1, 2.1.3, 3.2.1, 4.2.1, 5.5.1	Ayat majmok		Menilai
		26	Penedidek	1.2.1, 2.2.4, 3.4.3, 4.2.1, 5.1.3	Syaer Engrok seru		Peta Pelbagai Alir
		27	Penetani Nanek Peneniage	1.2.1, 2.4.4, 3.4.4, 4.3.1, 5.4.1	Engrok napi		
		28	Isu Kemasarakat	1.2.4, 2.2.1, 3.2.1, 4.2.3, 5.4.4	Pantut Ayat tanyak		
		29	Integriti	1.1.3, 2.2.3, 3.5.1, 4.1.2, 5.3.2	Laguk Ayat perintah		Peta Pelbagai Alir
		30	Malaysia Negara Eng	1.1.1, 2.3.2, 3.3.1, 4.3.4, 5.4.4	Ayat Penyate ku Ayat Sensual		Peta Dakap




UNIT 1

PENEJAGAK DIRIK



CERNGAI ru BELWAL

Keterampil Dirik Nanek Yenakin



Duniak Eng



Ektiviti

1. Bacak nepetek ku kemil adeh.
2. Senarei nej care hod jadik segak ru semiyak. Kungsi peniker ru mai englag ru telas ajeh kungsi ku nanek kelas.
3. Ma penenteng keterampilan dirik.

1.2.2
2.1.1



Tip Pileh Siknuj Renis de Sesuei

Sebegei mureb de gu raknak penejagak renis mongloh nanek penerlu. Renis senalo tededah ku kenutor ru amen tok biberseh an kikayat masalah begei mon ru renis bibakek seralem ru tok bemaye. Nutrien ju produk penejagak renis jugak terik ha biserap.

Kek siknuj renis de sesuei ru renis masig-masig mongloh tip de had asas sekali. Pernah tok engkek telas suj renis getek renis kenenjip tegang ru pelit. Mong jugak jenim telas suj renis kijadik sot. Ha selese masalah adeh, engkek hod panei mong limak banse getek renis begei ku kerop.



1. Getek renis normal

Kirujok nu seimbang ju segik lenembap, senem ru tenahan.

2. Getek renis seralem

Getek renis de bekilat ru seralem telas memerip jam bisuj. Kek siknuj renis ru pH de rendah ha sernang kiwes senem.



3. Getek renis sot

Liang roma ku renis sukar bibakek telas memerip jam bisuj. Ama gunak produk de mong alkohol menda kikayat nej sot getek renis. Ama jugak gunak produk besenem.

4. Getek renis sensetip

Getek renis rah adeh senalo kenjip renis tegang ataopen behej ru kerap alegik bile tekenak bahan kimia tetentuk ju produk de bigunak. Ama gunak siknuj de mong unsor pewangi, senem ataopen bahan kimia de tok bor ha getek.



5. Getek renis kombinasi

Renis banse kombinasi kirujok englag renis beseralem, englag nej sot ataopen sensetip. Senalo getek beseralem ku zon T ru sot ku benahagi renis kilek. Ama gunak sabun mahnuh. Kek siknuj renis de selun ku getek ru suj gunak teu.

Iserengkol, penejagak renis mongloh penteng ru tenampel imej mureb ku mai kilek. Penededah awal an kibantuk engkek kot penutos de tepat ha jagak renis. Telas ajeh, getek renis an kijadik sehat ru bebas kenutor.



Ektiviti

1. Bacak nepetik ku kemil ru senarei kateh mentok peta *i-Think* de sesuei.
2. Senarei banse-banse produk den engkek gunak ru bentang lenebeh jap produk.



Pupok Nilei Murni

Nilei murni berupe neamal bor de perlu mong nujap mureb dek rimdij tenindak naitepimpin ru tok nailanggar norma-norma sosial de bihod kateh masarakat. Neamal adeh penteng ha kimentok insan bor kateh kenalag masarakat. Ku kerop adeh mongloh engleg nilei de bor buleh bijoi ya mureb-mureb.



Ektiviti

1. Tules peniker engkek kateh bob bekenat gambar ku kemil.
2. Beh nanek neulas ibernor neamal nilei murni icenreg 80 lei 100 nekate.



SENI ENGROK



AUDIO 1

Sewang Jis Pai Nong Pai



La... la... la... la
 Jis pai... tahut pai
 jik bejulag ha semanj nong pai...
 neng dirik lihik
 hodloh kemas ru semiyak
 berog sehat senalo
 bei... bei... bei

Jis pai nong pai
 jagak muh apak amek
 engrok cikgu hijoi
 jik semat nu enteh
 berkat apak amek ru cikgu jik kek...
 bei... bei... bei

La... la... la... la...
 ibernor amen hik bepenelajar
 budaye penedidek hik pupok
 berajal teneros ged berentik
 jok hik bejanya berajal ibernor
 ha pigoidoh hod bejaye
 bei... bei... bei

Tetaploh sengik jik nunanek
 jik joi lei imol nong
 bukakloh sengik jik rimdij
 agar senang jik kep lemu
 pesenangloh nong jik kot
 la... la... la... la...

(Irama: Sewang Semai)



Ektiviti

1. Cerngai ru dindang laguk sewang ku kemil. Telas ajeh og ceti laguk.
2. Hod jadik sengoi bejaye hodloh mong azam. Kungsi azam engkek ku kawat-kawat.



TATAMENGWAL

Engrok Muh

Penejagak Renis



Duniak Eng

Jengoi mai remaja bicuai mon ketike beumor benelas tahut. Mimang runsing amen renis kicuai mon. Namun gikjeh, ama pit mon ru cengros mende kikayat rimdij renis an bitebeg ru mon de pai. Hal adeh mende tejadik jenangkit kuman. Ged penegunak kosmetik de beasas senem, ged cak caknak de beleus ru suj renis ru teu seep nar noh nujis. Genunak siknuj renis de selun, telas ajeh higep penyegar ku seluroh renis ru gunak kapas de kaanj ha tutop liang-liang roma. Amen mon kicuai birel jeoi, borloh remaja terbuk doktor haui renawat ru kep nasehat.



Ektiviti

1. Bacak teks ku kemil ru kek engrok muh.
2. Beh ayat daiilog bekenaet care-care ha suj renis.

5.5.1
3.3.3



Info

Engrok Muh:

1. Engrok muh ialoh engrok de kipermuh nunanek was, mende, menatang ru nukilek.
2. Engrok muh rah engrok muh has, engrok muh am ru engrok muh ternyul.



BLOG SENIHAT



Kek

Penenteng Bukbet

Ma igah... Selamat tibak nu blog eng. Jis adeh eng ha kungsi bekenaeet bukbet. Bukbet mong pungsi de lebeh ju sekadar hibeparik berog taleh. Nenumom de gek bukbet buleh kikayat neingat teganggu. Hasel kenaji de biui ya peneselidek kiperneng bukbet tok taleh kilindung memori ju pengarah luar tapik jugak kipekuat neingat. Enai de bukbet lebeh leu an kiperhol hormon stress de huj bikenal sebegei kortikosteran de kigangguk pembiak sel ku kelop.

Iumom, waktu bukbet normal nenumom mongloh antare tujuh jam nujis. Namun, jengoi mai de kiperdij waktu beparik 5 jam taleh. Waktu beknet de tok normal adeh buleh kitamah nej risiko masalah kardiovaskular. Kardiovaskular birujok nu risiko genanggu jantung ru senalur bihip lei kikayat denenyut jantung bepungsi secare tok normal. Hamaka, bukbet berupe penglai de bor kateh masalah adeh. Penetumboh organisme berog kimulak tejadi semase hik bukbet. Icountoh, bukbet buleh kiperhuj hormon penetumboh ru kigantik sistem imun hik. Mai engrak de gek bukbet buleh kijadik tenekan terok. Kateh keadaan gek bukbet de terok an kikayat tenekan gu betamah laluk tok kep bepiker ru bor ru kidurong kes perdat dirik tejadi.


Bukbet kateh keadaan lampu tebukak an kimudarat senihat hik. Berog kihod suasane kelap ha kihasel bahan kimia begei melatonin kateh berog. Melatonin ialoh hormon de biui ya kelenjar pineal iaajah kelenjer macot ku kelop. Melatonin jugak kibantuk kikendali kenitar semase bukbet ru kus bukbet. Hormon adeh kep kiberentik atao kipelingah penesebar kanser ru kijadik sistem tenghan berog lebeh kuat ju bebegei senerang nyaknik.



Ektiviti

1. Bacak teks ku kemil ru senarei isik-isik penteng kateh mentok peta *i-Think*.
2. Gunak renujok tenamah, og ceti kanser ru posisi bukbet de bor.





CERNGAI ru BELWAL

Memupok Budaya Genmar Menacak



Duniak Eng



Ektiviti

1. Neng gambar ku kemil ru semiyak ru belwal jijoi gambar de biog.
2. Hurei kenenjip engkek ha care-care hik pupok budaye genmar menacak kukenalag masarakat. Tules henurei kateh bob ru icengreg hodloh tok lebeh ju 100 nekatte.

1.4.2
3.2.1

Neamal Menacak

“Menacak ajeh gertak lemu,” berupe nanek engrok hikmat de jelos kiperneng penenteng neamal menacak kateh sinui hik. Masarakat Malaysia senalo naianggap neamal menacak nyiknyuk sekadar ha lulos peperiksaan taleh tetapi jugak ha panei keadaan semase, peluas lemu penanei ru isebegei. Hamaka nujap pehak hodloh enai laksane peranan masig-masig ha pupok sikap genmar menacak katehkenalag rakyat Malaysia.

Apak amek berupe insan de kiman peranan de penteng ha pupok tabiat genmar menacak katehkenalag rakyat Malaysia. Jijoi Confucius, “peringak berupe unit asas penementok masarakat.” Hamaka sebegei insan de rek ru kekenon, apak amek hodloh ubai amal neamal menacak ku ingar kekenon samak mong menacak paper, bob ilmiah ru novel rah cogan kate, “penimpin ju teladan.”

Nyiknyuk ajeh taleh, apak amek hodloh naibelanjak gek ju berengkep ha belik bahan benacak ha ikekenon. Enai hodloh naisedar jerengkeh de bibelanjak tok sie-sie ru bakal jadik nunanek de begunak ha ikekenon sebegei peneraju pigoidoh rah engrok nuurag tokoh, “mase pigoidoh ajeh bibelik ya mase hunen.” Selaen ajeh, ikekenon an lebeh senang ru tok perlu naiet nu belok-belok ha naiberkep bahan benacak sekaligus kiperhuj minat genmar menacak nu kekenon.

Pehak sekolah jugak kigol tanggungjawab ha pupok minat menacak katehkenalag masarakat Malaysia. Kateh hal adeh guru berupe insan de penteng memupok minat menacak kateh dirik mureb. Ektiviti de buleh menarek minat mureb icuntuh penetandig becerite. “Melentur awat biarloh ju irebog,” jelas kiternyul kateh usaha mementok peribadi nuurag, hik hodloh mementok ju sayet. Hamaka, guru-guru hodloh man peranan ha pupok minat menacak nu mureb sekaligus mementok masarakat Malaysia bependidekan lasik.

Selaen ajeh, pehak kerajaan jugak kiman peranan ha pupok tabiat menacak katehkenalag masarakat Malaysia. Pehak kerajaan buleh naiui kempen-kempen de kigalak mai menacak ju media massa atao media elektronik. Hal adeh mende jiwa masarakat senalo lebeh tetarek ru duniak henibor. Ku samping ajeh, kerajaan buleh naiog bob pecuma nu genulong mai hajap dek menarek minat menacak nukenalag rakyat Malaysia gu tecapei. Pehak kerajaan tok perlu naisengoh amen usaha naitok bejaye rah pender Phytagoras, “genagal nyiknyukloh beceti menusnah tetapi jadikloh genagal ajeh sebegei nelonjak ha capei jenaye.”

Iserengkol, sebegei rakyat Malaysia hik hodloh mong inisiatip diubah dirik ha pupok minat menacak kateh dirik hik mende “ku belok mong heknod, ku pajeh mong nong.” Agok hik telalu beharap pehak kilek kateh mementok peribadi hik mende rimdij de belakuk mongloh penileh lihik.



Ektiviti

1. Bacak ru paham teks ku kemil adeh jijoi laras engrok de betol.
2. Kernal pasti neungkap de buleh kiog motivasi kateh nepetek.

Kempen Menacak

IPEMULAK






- Kempen menacak mukim Muallim
- Kempen biui ku 8 Mac nu Dewan Serbaguna Slim River
- Neanjor kelab kebajikan ru sosial mukim Muallim

ISIK-ISIK PENTENG

Objektip Kempen

- Og senedar nu masarakat ha penteng budaye menacak
- Masarakat setempat buleh kierat silaturahmi sesamak lienai
- Og peluang nu masarakat naimuj penetandig de biui

Ektiviti De Biui


1. _____ 
2. _____ 
3. _____ 
4. _____ 
5. _____ 

Acare Kilek

- Forum tebukak bineng ya pengunjong
- Penebincang de beket an kitarek minat jengoi mai ha kumpol ku ingar pentas

PENUTOP

- Kempen hodloh biui ju semase ku semase
- Kigalak masarakat terutame mabek sayet naiminat menacak
- Sahut hasrat kerajaan dek hiterap budaye menacak kep bicapei
- Para pengunjong enai kerakmik mende buleh enai tanyak sensual teros nu ahli panel
- Kempen de nanek noh biui kep senambut
- Penganjor enai kerakmik mende rimdij ektiviti kicip secare lancar

 **Ektiviti**

1. Jijoi maklumat ku kemil, bincang kateh gu bekenae ektiviti de biui semase kempen menacak.
2. Beh nanek kenarang bepormat lenapor kempen menacak jijoi isik de bibincang.

3.2.2
5.5.4



SENI ENGROK



AUDIO 2

Pantut Rajit Menacak

Kelem mingguk nu pasar tamu,
Cekcip samak maknok ru kenei;
Menacak ajeah gertak lemu,
Kimentok dohjih jenerasi panei.

Salmah kicerngai syaer bemadah,
Syaer bipasag nujap jis Selase;
Menacak bob pekare bepaedah,
Nanek care kihengak mase.

Sernuk isengik simbang rancak,
Ngej canak kiui tok panei;
Jei manpaat ru menacak,
Luwas kenenjip ru ipenanei.

Kawat bor Ali ru Muse,
Huj meskar nik iruda;
Agok jeoi hipecj mase,
Bei bebacak kicelik minda.

Pelek nangka kahacak ya rajak,
Bidek ku kemil sengoh doh bisip;
Amen jeoi hik bebacak,
Lemu bitamah sinui beprinsep.

Bernor bekaler teknaj ragak,
Kibelik mahal ya tatak Ramu;
Alau hihod sinui de behergak,
Bacakloh bob tuntotloh lemu.

Hik taj selak pulut ketupat,
Ente rendang kenjip hacakcak;
Kempen menacak merate tempat,
Kiseru rakyat rajit bebacak.

Ceeh tehempas gelas kacak,
Engrok engku manik lebat;
Masarakat maju rajit bebacak,
Kiperyos insan pakar ru hebat.



Ektiviti

1. Lapas pantut ku kemil jijoi nada ru intonasi de betoi.
2. Bincang kateh gu ru og iceti nujap rankap pantut ku kemil.



Engrok Genanti Muh

Mingguk Bahase

Bengwal antare nik rakan ku sekolah naibincang naihamuj penetandig sempena mingguk bahase.

Bah Rijal: Yama lingah jerkek, ya leu eng poj padeh?

Bah Mizan: Jar singgah ku bilik guru nok, jar tulug cikgu anj iarap jeoi. Ma ihal hek cerek jar Rijal?

Bah Rijal: Mong ka jerkek cerngai peneumom huper nek? Ku penehimpon nek Cikgu Aina ki urok mingguk nungar mingguk bahase. Jeoi ektiviti na birancang ya Panitia Bahasa Melayu. Mabek mureb bigalak hod muj penetandig atao ektiviti de biui doh. Kayat ajeh eng ajak jerkek adeh ha bincang bekenaet ektiviti de boleh hik muj.

Bah Wan: Eng mong ngcerngai huper nek. Mimang jeoi ektiviti iantare penetandig benacak bob de birel jeoi ku pusat sumber, penetandig becerite, syaer, sajak, teke silang kate, syarahan, mennan peribahase ru kilek-kilek nej.

Bah Mizan: Amen begei ajeh, eng ha muj penetandig becerite. Begeiharok ru jerkek?

Bah Rijal: Eng kenjip ha muj penacak bob birel jeoi. Hek nek Bah Wan, ma hamuj?

Bah Wan: Eng pen hamuj penetandig samak rah hek mende eng minat menacak bob. Eng ha besaeng ru hek. Hahahaha...

Bah Mizan: Bor jugak, jerkek boleh bebacak bebegei banse bob. Jeoi paedah amen hik rajit bebacak adeh, selaen boleh tamah lemu penanei boleh jugak tamah penebendahare kate.

Bah Rijal: Amen gikjeh juk hik et nu pusat sumber ha pinyap bob. Eng nyek alah ru hek Wan. Hihhihi...

Bah Mizan: Jok lek, eng pun ha kek bahan benacak. Samak-samak hik betulug doh.

Bah Wan: Jok lek peksendok engrok luceng.



Info

1. Engrok genanti muh nanek – *eng, patik, beta, hamba*
2. Engrok genanti muh nar – *hek, jar, hik, tuan hamba*
3. Engrok genanti muh nik – *enai, ilei, baginda*



Ektiviti

1. Gares engrok genanti muh dirik kateh daiilog ku kemil ru beh ayat kilek.
2. Bacak secare pintan ru jelos. Gunak senembot ru intonasi de betol.





Benacak Ekstensip

Benacak ekstensip ialah benacak meluas de kitekan ektiviti-ektiviti menacak de biui ku beg kelas. Benacak senalo kiog tenumpu ku memerip aspek penekukoh asas benacak, kitamah cenempet memamah ru menaakol isik benacak, kiperhuj gij menacak, kibeh ru kikukoh minat menacak ru benuleh kikek isik-isik penteng. Jijoi menacak ekstensip adeh mureb an kep pnuas ru senukak kusampeng bepeluang kitimbe lemu penanei.

Konsep benacak ekstensip berupe nanek geniat menacak de biui mured ku pabeg kelas titok benimbeng guru. Bahan benacak hodloh luas, sesuei ju sengik penebendahara kate, minat, umor, jantina, kenenjip, sikap ru cite-cite mureb ajeh. Ibahan benacak ekstensip hodloh ju bahan-bahan de bebize. Bahan benacak ekstensip kiandai mureb menacak nunanek bahan tanpe senukar ru benacak adeh kiog mureb kikep pnuas, senukak ru tehibor.

Benacak ekstensip mong peranan ilei ikhusus kateh peneberajal bahase. Antare iperanan ialah kiperhuj penaham mureb nu bahan benacak. Selaen ajeh, kiperhuj ketrampilan bebahase katehkenalag mureb. Kateh hal adeh, bahan benacak ekstensip kep kitulug mureb ha kenal nekate ru simbol-simbol de mong kateh bahan benacak. Benacak ekstensip buleh kitamah kosa kate. Kenaji kiternyul sayet-sayet tok jeoi kipanei ru kikuase kosa kate ju peneberajal secare pormal isebalik penekuase kosa kate jeoi biperoleh ju bahan benacak.


Kusampeng ajeh, benacak ekstensip buleh kitulug mureb kateh penetules. Kenaji kiberkep sayet atao mureb de jeoi bebacak buleh kibetules ru bor. Pekare adeh belakuk ya penekuasa lemu ru penanei de kikep ya mureb ajeh. Benacak ekstensip buleh memotivasi mureb ha bebacak. Bahan benacak de bigunak ha benacak ekstensip hodloh besesuei ru penerlu, minat ru cite-cite mureb. Pekare adeh hodloh biog penerhati sebegei usahe ha tarek minat ru motivasi mureb ha bebacak. Adeh jugak buleh kipekukoh penanei bahase de na biperajal. Aspek-aspek bahase de na biperajal peksendok adeh kateh bilek darjah buleh biog penekukoh ru penetekan serte buleh biaplikasi kateh peneberajal bahase ku pigoidoh.

Selaen ajeh, benacak ekstensip kiyaken mureb ha bebacak teks cereg. Senalo peneajar benacak de biui kateh kelas jeoi kigunak teks de patik ru ringkas serte tenumpu de terhad nu memerip aspek tatamengwal ru kosa kate. Kateh benacak ekstensip kiog yenaken nu mureb ha teroke aspek-aspek bahase de lebeh mencabar. Benacak ekstensip kadang kala kilibat penanei manah de bikep ya mureb. Pekare adeh buleh kiperhuj cenempet haui jenangke. Penanei adeh jeoi kibantuk mureb naiui jenangke nunanek jenadik atao jenim de mong kateh bahan benacak. Pekare adeh an senang nu mureb ha paham ru ui tenapser nu bahan benacak de kibacak ru lebeh senang ru deras.



Ektiviti

1. Baca teks ku kemil secare entoi.
2. Tules neulas ha peranan benacak ekstensip tok lebeh ju 100 nekate kateh bob tenules.



CERNGAI ru BELWAL

Senelamat Sekolah



Kenawal senelamat



Pelan senelamat

Ciri-ciri Sekolah Selamat



Alat kenawal kebakaran



Senelamat nong rayak



Ektiviti

1. Bincang secare bergu bekenacet gambar-gambar ku kemil secare belwal.
2. Peterang maklumat bikep gunak senembot ru intonasi de betol.
3. Og isik tersurat ru isik tersirat nujap gambar ru beh neulas kateh bob tules.



Isu Senelamat Ku Sekolah

Isu senelamat de babit mureb ru jugak sekolah senalo kitarek nengneng jengoi. Pai-pai adeh, jeoi insiden de belakuk samak mong kateh was sekolah atao ku pabeg pagar sekolah lei kijejas tahap senelamat mureb. Malah, mong de kibabit kemalangan perdat nyawak de cetus kenebimbang kateh masarakat.

Sengik risau apak ru amek terhadap senelamat kekenon amen cip ru jug sekolah termujloh semase mong ku kateh sekolah mimang mong asas de kukoh. Hal adeh bepunca ju mong peristiwa kateh timpoh empat jis, nik urag mureb sekolah naidat bilanggar kerite ku nong utame ku ngar sekolah. Cuntuh, pernah belakuk ku Bagan Serai, Perak, ku Dungun, Terengganu ru ku Alor Gajah, Melaka. Akibat ju peristiwa adeh, pehak Kementerian Pengangkutan kikit tenindak tegas iaajeh, naiwarta peraturan biged kenderaan nyeh kigunak nong ku was sekolah ku waktu puncak.

Selaen ajeh, isu senelamat mureb-mureb nyiknyuk setakat kemalangan taleh, malah jeoi nej insiden de turut kidedah mureb-mureb ku pelbegei risiko rah kes culik mureb sekolah de belakuk semase hod cip atao jug sekolah. Penculik jugak kiperjadi pabeg was sekolah sebegei lokasi de strategik ha naiculik mureb sekolah. Hal adeh, perlu hik hiog nengneng serius demi senelamat mureb-mureb.

Ku sampeng ajeh, mong jugak insiden kilek de belakuk kateh was sekolah de perlu bipantau. Antare ikes ialoh kes buli atao pendera. Kes buli ku sekolah hunen gu parah lei mong mangsa buli de trauma ru naidat. Kes-kes nyeh kilek rah gangsterisme, penyalahgunaan dadah ru pelbegei jenayah kilek de kilibat sekolah turut timul sengik risau apak ru amek.

Insiden kemalangan ku sekolah turut kiog risau jeoi pehak, icuntuh peristiwa numom mureb kidat bile cenol gol ku sekolah jer kitimpak mureb ajeh. Pekare adeh berlakuk mende sekolah gagal bibeh selenggare ru bor. Hal adeh, wajar biog penerhati de serius. Pelbegei pehak wajar lienai neng aspek senelamat sekolah secare menyeluruh. Was kateh ru pabeg sekolah patot bijadik antare lokasi de paling selamat ha kekenon hik.

Iserengkol, pehak kerajaan perlu begandig gelpal ru pehak sekolah ru masarakat ha lienai naiseleseise isu-isu senelamat sekolah ru serius dek sekolah boleh bijadik was de selamat ha mureb-mureb.



Ektiviti

1. Bacak nepetek ku kemil gunakan gaye intonasi de sesuei.
2. Gunakan isik-isik penteng kateh nepetek, hurei:
 - a) Og cenadang engkek, begehharok hik boleh hipejadi sekolah tempat de selamat ha mureb-mureb?
 - b) Ma tenindak pehak sekolah ha ujudkan sekolah selamat.



Sekolah Harmoni

Ma iceti sekolah harmoni? Sekolah harmoni ialah sekolah de ujud suasane de bor, damai ru tenteram de sesuei bijadik was ha berajal. Sekolah harmoni biyap kep kiperyos kenon didek de cemerlang.

Mong memerip paktor de kisumbang ku neujud sekolah harmoni adeh. Iantare ialah neujud suasane berajal de kondusif. Nujap mureb tentuk lienai perlu menudah rah mije, kerusi, bilik darjah de lenkap ru bob-bob nerujok. Pusat sumber berupe nanek tempat de had strategik sebegei tempat berajal mende bisedie suasane de bor de had biperlu ya mureb.

Selaen ajeh, sekolah harmoni jugak mong kerileng sekolah de berseh ru cerie. Amen kerileng sekolah bijagak ru bor na tentu hik tok an hiterimak sebarang masalah de an kiganggu hik. Emosi mureb jugak tentu teganggu ru niat ha naituntut lemu an tejejas amen ujud kerileng rah jeoi ked, berngoi sok, terayel tesumbat ru biganggu menatag perusak. Hamaka, rimdij warge sekolah hodloh besamak-samak kilaksane tanggungjawab masig-masig ha perwer hal adeh tejadik.

Ku sampeng ajeh, sekolah harmoni jugak tok mong sebarang masalah disiplin de kilibat pelajar rah vandalisme, gangsterisme, kes buli, ponteng sekolah ru kilek-kilek nej. Masalah disiplin rah adeh boleh kijejas muh bor sekolah, malah an kijadik punca segelintir mureb kenjip sengoh ha nu sekolah. Adeh secare tok langsung kicemar harmoni nunanek sekolah.

Ku idanij, sipat kerjaksamak katehkenalag warge sekolah berupe nanek tunjang nunanek sekolah harmoni. Rimdij warge sekolah hodloh begandig gelpal kateh jenaye sekolah harmoni. Jeoi ektiviti de boleh hik hibeh ha kiperek henubug warge sekolah rah begutong-ruyong, ceramah senelamat, sukan ru kilek-kilek nej.

Iserengkol, sekolah harmoni kep birealisasi ru sarat rimdij pehak saleng bekerjaksamak ha biujud sekolah adeh. Pekare adeh tok mustahil ha bicapei, begei engrok penateh “besatu hitegoh, hiweswes hitateh.”



Ektiviti

1. Ceryak ru catat isik penteng de mong kateh nepetek.
2. Ku peniker engkek, ma an tejadik amen sekolah engkek tok harmoni?

3.2.1
1.4.3



SENI ENGROK



AUDIO 3

Sekolah Neidam Eng

Duniak Eng

Ku padehloh...
 tempat pemulak eng ngkernal hurop
 tempat pemulak eng ngcerdig kenirak
 tempat pemulak eng ngpanei bekawat
 Pelbegei lemu eng ngkep
 Mulak eng ngkernal iceti berajal.

Ku padehloh...
 pemulak eng ngbine neimpi
 Ngcipte cite-cite amen engrak
 Mulak beusehe ngukir prestasi
 Dek ma nghod an tacepei.

Sekulah eng...
 Nujap jis eng ngpribit ibernor
 Udare nghirup segar
Belaar sengej mat nengneng
 Nujap jis ku sekolah
 Sengik eng ngsernuk, kerakmik ru selese.

Sekulah eng...
 Mong guru de hebat
 Kernyim, **tentot** ru neajar
 Kiisik ruang ibernor ku sekolah
 Teg macot hek cikgu
 Kimentok jiwe ru peribadi hebat mureb
 Rimdij adeh bemulak ku sekolah.

Cenagoh eng...
 Terusloh berseh ha bernor binengneng
 Kekalloh damai belaar sengej
 Tetaploh jadik sekolah neidam
 Mengkah lemu de teros eng ngriag.



Info

Mentok Sajak

- Benilag rangkap kateh sajak
- Benilag bares nujap rangkap sajak
- Jumlah engrok nujap bares.
Cuntuh: *Padehloh haknuk eng cuai*
- Jumlah iengrok ialoh empat.
- Jumlah suku engrok nujap bares
Cuntuh: *pa/deh/loh hak/nuk/ eng /cu/ai*
- Jumlah suku engrok ialoh lapan
- Rima akhir nujap rangkap sajak
Cuntuh:
Padehloh haknuk eng cuai
Biar lekat sui
Lekat kembang kicapei sagup
Sanggup eng ngep
Alaupen beribuk tahut.
- * Rima akhir rangkap sajak adeh ialoh a, a, b, c.



Info

Tentot iceti selurok



Ektiviti

1. Deklamasi sajak ku kemil adeh ru gaye intonasi de betol.
2. Secare bergu, ceryak iceti sajak adeh.
3. Hurei mentok sajak ku kemil adeh.



Engrok Genanti Muh Tok Tentu

Wak Dina ru Bah Izat sedang naicak sambel belwal ku kantin sekolah.

Wak Dina: Bah Izat, hek cerngai ka cerite memerip urag mureb sekolah hik naitelibat kateh kes buli?

Bah Izat: Betol ka, Wak Dina? Eng tok cerngai ma-ma cerite pen ha hal adeh.

Wak Dina: Betol... henlep, nar urag mureb teningkat 3 bipal ya memerip urag mureb teningkat 4. Eng pen pengawas de kiyap ru kipasal ya Cikgu Liza.

Bah Izat: Terok bernor, bok-bok pen de beh kelakuk buli ajeh mimang tok patot ru patot bihukom.

Wak Dina: Eng ngcerngai Cikgu Liza kipasal, mureb teningkat 4 ajeh naicubak peras ugut semanj jerengkeh tapik mureb teningkat 3 ajeh nainyek og mende ajehloh lienai bipal.

Bah Izat: Eng betol-betol geram ru urag de genmar buli mai kilek. Kelakuk buli hunen gu serius belok-belok was pen mong belakuk temujloh ku universiti.

Wak Dina: Eng ngkenjip loh mesti pembuli ajeh an bihukom gantung sekolah atao biwes sekolah.

Bah Izat: Mimang patot pen bihukom rah ajeh, biar jadik peneajar.

Wak Dina: Luceng beengrok, jukloh cip nu kelas.

Bah Izat: Oo... Wak Dina hek agok sip ya, mingguk nungar bile-bile hek mong mase hik bincang ha projek sejarah.

Wak Dina: Hoooh loh, mingguk nungar eng ngog panei nu hek ye.



Info

Engrok genanti muh tok tentu ialoh nekate de bigunak ha ganti mai, benda, mase, tempat ru pekare de tok tentu. Cuntuh: bok-bok, ma-ma, bile-bile ru belok-belok.



Ektiviti

1. Kernal pasti engrok genanti muh tok tentu kateh dailog ku kemil adeh.
2. Beh ayat jijoi engrok genanti muh tok tentu de bikep.



Merukok



Mureb bekelahik



**Gejale negatip
ku sekolah**



Pej ked merate-rate



Vandalisme

 **Ektiviti**

1. Jijoi gambar ku kemil adeh, og ru hurei isik-isik tesurat ru isik-isik tesirat ha nujap gambar.






Piker Rasional Canuk

Bah Amri, Yok Saifol, ru Erta tepileh ha najjoi program Motivasi ru teknik menjawab PT3 ku Kuala Lumpur neanjor Jabatan Kemajuan Orang Asli (JAKOA). Program adeh seleneu nik jis nar kelem. Enai kenjip betuah mende bipileh ya cikgu bebanding mureb kilek. Penepileh enai jijoi penecapei akademik de bor ju teningkat satu nej ru ikelakuk de bor.

Kateh program adeh, mong nanek peristiwa de belakuk semase berkes. Bah Amri kisolat ku bilek sementare ikawat naibeparik ku pabeg. Selese solat, Bah Amri kisip kot kunci ibilek mase terbuk ikawat. Haj pintuk tekunci. Bah Amri kijaik ikawat terbuk pegawai betugas namun biged ya Yok Saifol. Yok Saifol ru Erta mong idie hod selese masalah ajeh. Enai naicadang ha bukuk pintuk bilek jijoi bilek englag. Mase enai cubak tulak lemari tepik tingkap ku bilek englag, haj lemari ku tingkap kiyog nu katil. Lemari ru katil pajeh rusak terok.



Ektiviti

1. Ma dil tenindak enai ku peneanjor, sekolah ru dirik enai?
2. Tules cenadang tenindak enai sepatut de biui, telas ajeh kungsi peniker engkek kateh kelas.



Cenempet Ui Penutos ru Seleseai Masalah

Cenempet bepiker secare kritis ru kretip mongloh cenempet ha seleseai masalah ru kimentok serengkol atao penutos de tepat. Mong empat banse senilap senalo biui ya nunumom semase ui penutos begei bepiker sabar, teburu-buru, becelaru atao sempit. Nik unсор utame de kibuleh hik seleseai masalah ru betol mongloh penikir kretip, pengham ru jenelas.

Tentuk hik hod perwer ju ui penutos de merugik dirik. Hamaka, hik gedloh bepiker secare teburu-buru. Hik hodloh gunak sumber maklumat de beasas serte penetimbang bebegei penileh de bor. Hik jugak hodloh rasional, sabar, bepiker cereg dek penutos de hik ui ajeh tepat, kekal ru muktamat tanpe sebarang renagu ru renugik.

Langkah-langkah haur penutos:

Kernal pasti heknod atao objektip ui penutos

Ceryak penileh de mong


Piker dil, nealas, menungkin ru nilei jap penileh

Tentuk penileh de bor jijoi nilei ru kriteria



Cuntuh kenaji kes: ma de engkek hod ui amen rikroj ku serag. Adeh cuntuh ui penutos.

Ma eng hod penutos?




Info

Serait iceti sunyik



Seleseai masalah ru ui penutos berupe cenabar nu nunumom. Hik an besunggoh-sunggoh amen hik tedesak ha seleseai masalah. Amen jeoi dil negatip make penileh ajeh hodloh bipertimbang nej atao hitolak. Antare bernor ui penutos de bor ru tepat mongloh hik hikep kenal ru og neutame ku masalah ajeh. Selaen ajeh, pruses peniker secare tesusut an kipergek tenenkan ku nunumom ru kep seleseai masalah ru kiog hasel de bor. Sebegei tenamah nej, cenempet adeh kipergek genunak sumber mase, kengwat ru berengkep.

Iserengkol, cenempet bepiker ru selesai masalah adeh hod nunumom berajal amen ui penutos. Pruses seleseai masalah adeh hodloh bipupok ju sayet ru secare tenerus. Secare tok langsung hik an jadik lebeh behemah kateh ui penutos ru deras matang kateh seleseai ma-ma masalah.



Ektiviti

1. Bacak kincang ru peterang maklumat ku kemil ru ma penutos engkek amen rikroj ku serag ku kemil.
2. Ma penutos engkek amen kerita rusak ku padek nong serag de **serait**. Mase ajeh engkek mong beempat urag de tedirik ju dokter kerdor, kerdor makok ru pemandu kerite keral. 🌂

2.2.4
3.3.4



Sepakat Besamak

Nanek jis hek joi progem sekolah ku taman mennan de bianjor ya kelab pengguna sekolah. Progem ajeh cekcip lancar ru bor. Namun, nyak ju sudot sengik hek timul nanek kenenjip sedeh bile kerileng taman kutor ru semak. Selaen ajeh, terayel tesumbat ru mong kelindai. Sebegei individu de betanggungjawab, hek kenjip pekaradeh hodloh bikot tenindak ya pehak bekuase. Hek becadang ha ui surat rasmi ku enai. Isik surat neadu ajeh hodloh binilei ya guru sekolah peksendok bingeng nu pehak bekuase. Ku kerop adeh mongloh keadaan taman mennan de tok biselenggere.

Duniak Eng



Info

Kelindai iceti kenon sebej



Ektiviti

1. Hurei isu kemil adeh kateh gu secare teperinci ru kiog dil ku masarakat.
2. Beh ayat neadu bekenae ha taman mennan ku kemil.



SENI ENGROK



AUDIO 4

Kus ju Genagal

Senalo hik gei ku centag
 ma pen penutos de hek kot
 piker sekateh-kateh
 ui penetimbang de wajar
 mende kiog kayat de bor
 ru mampuk kibahagie hik
 lei dij sinui
 penutos de bijak
 kitentuk mase pigoidoh hik


Ged kenjip tok mampuk
 de tok mampuk mongloh mai alah
 gedloh kenjip sengoh hik hodloh beranik bekurban
 gagal nunoh tok gagal seleneu
 beranik gagal ged jerled dirik
 pecayak Nyenang mong kineng

Bejuangloh ru ged sengoh gagal
 ged kenjip tok gahyak mende kiui hek kaku
 ged kenjip segat ru sengoh gagal
 beranik kot risiko nong nu jenaye

Gagal nunoh ged meyerah kalah
 ajeh nanek peneajar de begunak
 bejuang ged sengoh
 ubah mase pigoidoh
 hod berjaye tok tekirak



Ektiviti

1. Deklamasi sajak kemil adeh gunakan intonasi ru nada de betol.
2. Genagal nyiknyukloh nanek takder.  Hujah peneyate adeh.

4.2.1
 3.5.1



Info

Gahyak iceti tok bedaye



Engrok Gantik Muh Ternyul

- 1 Engrok muh ternyul bigunak ha biternyul numom, bende atao tempat.
- 2 Mong nar banse engrok ganti muh ternyul iaajeh:
 - a) Engrok muh ternyul umom
 - b) Engrok muh ternyul tempat
- 3 Engrok muh ternyul umom rah adeh ru ajeh bepungsi ha genantik muh tempat.

Amri: Bor huper Zairol... bei madeh.

Zairol: Bor huper Amri... boleh ma ihal.

Amri: Zairol... serwal eng cacegloh... isengrai gecat waktu melompat nek. Eng ha piker ha jug... boleh tulog neng pintuk pagar ateh ka samak mong cikgu mong atao walah.


Zairol: Mane boleh Amri... hol sekolah nanek senalah. Amen jadik ma-ma bok ha betanggongjawab?

Amri: Eng ngkenjip selsel ha terbuk cikgu.

Zairol: Gikdehloh Amri... eng terbuk cikgu betugas neng begehharok cikgu boleh kitulug. Hek poj padeh.

Amri: Hoooh... 10 minit taleh panei... eng tok boleh leu kateh adeh. Tengor kui eng.

Zairol: Hehehe... hoooh eng janyik... poj padeh yer.



Ektiviti

1. Kek engrok gantik muh ternyul.
2. Kateh gu, beh 10 ayat gantik muh ternyul ru bentang.



Ektiviti

1. Jijoi menudah Internet, kek sejarah penekembang kemere.
2. Kot gambar boleh kijane berengkep. Ulas pekare adeh. 🌸

1.2.3
3.4.1





Kejaye Sebegei Jurupoto

Sebegei jurupoto propesnel, Ronnie Bahari de mesra bikenal sebegei Bah Selah kipejadik minat ru ihobi sebegei sumber tenamah berengkep. Ilei betugas ku Politeknik Ungku Omar, Ipoh sebegei jurupoto sepenoh mase. Senibok tugas ku pejabat nyiknyukloh nealas ha wes duniak potografi. Ilei lekat mampuk kiluang mase kibetandang jenemput sebegei perakam saat-saat bahagie bakal pengantin pai ku kenalag Orang Asli ru serate Malaysia.



Minat Ronnie kateh potografi bemulak ju zaman penesekulah

rendah nej. Namun, ihasrat ha berkep kemere tok lei mende iperingak tok mampuk. Ajeh tok kijadik penghalang ku kek mende bebegei sumber lemu

bekenaet duniak potografi kiteroke jijoi bob ru majalah. Ilei na kicerot pelajaran nu perinkat de lasik ku kolej swasta telas kiperdij Sijil Pelajaran Malaysia (SPM) ku tahut 1996. Telas ajeh, ilei kibekerjak ru sarikat swasta ha memerip tahut. Ilei kiteros ikerjaye kateh penehidmat awam bemulak tahut 2007.

Jijoi ilei, hasel berengkep de kikumpol ju awal kikerjak kateh sarikat swasta kikep belik kemere de kiidam. Bebekal kemere haknuk ajeh, ilei kimulak langkah kikit gambar peringak nikah ru mai de rek. Kualiti gambar kikit jadik penateh pelanggan ru mai kerileng. Secare tok langsung, penehergak ajeh memotivasi ha teros kilabor ru berajal kateh bidang adeh secare serius.

Penerubah teknolujji duniak bekembang ru deras lei telepon pintar pen mong ciri-ciri kemere DSLR. Menudah adeh nanek lenebeh mase hunen mende bok-bok buleh berajal kot gambar. Ronnie jugak bekungsi lemu asas kompisisi de hodloh ru wajib biberajal peksendok kot gambar. Lemu de biperajal adeh hodloh biserte ru lenateh de teneros.



Rusiye ha berkep gambar bor mongloh titek punce tenarek atao subjek utame. Hamper rimdij gambar kihod nanek subjek utame sebegei cerite utame nunanek gambar. Latar nu ngar ru latar kenok jugak hodloh bikot nyeh dek subjek utame bineng sui ru bepokes.

Selaen ajeh, daknek subjek genunak konsep *rule of third* jugak kep benantuk penehasel gambar de bor. Gambar an



bicerlah ku sembilan kutak ru empat genares. Titek nengneng de lebeh dinamik mongloh ku titek penetemu antare jap genares.

Tip nombor nik kateh kot gambar mongloh kenemas latar kenok. Numom jurugambar de bor hodloh kipanei begehharok ha berkep sudut ru latar kenok de bor.

Tip nombor empat mongloh kihad pokes ru seneimbang. Kihad pokes beceti subjek de penteng kateh potograpi hod bineng tajap kateh gambar ru elemen de gek penteng an kijadik sabur. Seneimbang nej buleh bicipte ru kijadik kompisisi de bor ha perwer gambar bineng nyeh englag.

Idanij, Ronie kitegas bahawe berengkep empat kompisisi despilin kot gambar mampuk kipupok penanei asas de kukoh peksendok perwer nu kemere. Minat kot gambar adeh an yos ru ilei amen bidedah ju sayet. Minat de nong positip hodloh bigalak ya rimdij pehak teutame peringak. Teros beusahe berkep lemu ju bebegei sumber mende lemu ajeh begunak kateh sinui.



Ektiviti

1. Bacak teks kemil adeh ru pileh ayat de sesuei hod ui sensual.
2. Beh nanek neulas ha teks kemil adeh icenreg 80 lei 100 nekate.

2.3.3
3.3.2

Lenapor Ektiviti Kelab Potograpi nu Taiping

TENTETIP PROGEM

16 Mac 20

7:00 pegelap – Betulak ju sekulah
40 urag mureb ru limak urag guru

11:00 pegelap – Lenawat nu Bukit Larut
2:00 berkes – Seni potograpi Muzium Taiping

5:00 berkes – Daptar muj nu hotel
7:00 kelem – Sesi potograpi nu pasar kelem Taiping

10:00 kelem – Bukbet

17 Mac 20

7:00 pegelap – Cakcak pegelap ku hotel

8:00 pegelap – Lenawat kilang jengkah

12:00 dijis – Juk nu sekulah

4:00 berkes – Lei nu sekulah

CUNTOH PORMAT LENAPOR

Lenapor Lenawat

Perenggan 1:

Mase, tareh, benilag mureb ru guru, was tenuju ru kilek-kilek nej.

Perenggan 2:

Ektiviti jis petame.

Perenggan 3:

Ektiviti jis petame.

Perenggan 4:

Ektiviti jis kedue.

Perenggan 5:

Ektiviti jis kedue.

Lenapor bisedie ya, 20 April 20

()

Setiausehe

Persatuan Potograpi

SMK _____



Ektiviti

1. Bincang ru tules lenapor jijoi nota reningkas ku kemil.



Peksendok sekulah dij, Bah Awi kiet terbuk Cikgu Azman ku bilek disipen sekolah. Ilei kicerite bekenae mureb kerdor kianj kemere digital ru kijar bile bisoal. “Bah Awi... abor haknuk... pegelap huper eng ngeselesi kes adeh, mureb ajeh ju kelas 4 Aktip... hek cereg ilei” begei Cikgu Azman kipanei taleh ha mureb ajeh.

Ipegelap huper, telas penehimpun pegelap Bah Awi kikek mured kerdor ajeh.

“Wak Anu...” Bah Awi mulak kibese mureb kerdor ajeh de kicip ru ikawat nu kelas. Telas bipejelas tenuju, ubai nar pen terbuk Cikgu Azman. Tok... tok... tok... pintuk bilek bigadok ya Bah Awi.

“Cikgu, adeh eng ngngeng mureb de cikgu hod terbuk kelemnek” besemangat Bah Awi kijelas. Renis mureb kerdor ajeh keer begei asap begei kipanei kiui salah entoi.

“Muh hek Wak Mila? Mureb ju SMK Sri Beringin ru pai hek jek padeh?” tanyak Cikgu Azman ku mureb ajeh.

“Ye cikgu... eng pai ngjeg nu sekolah adeh” Wak Mila kitunduk irenis nu kerop.

“Hek panei yama Bah Awi kianj hek nu padeh? tanyak Cikgu Azman nej.

“Kayat eng nganj kemere kan apak? Kemere ajeh kan eng ngkot ku mije jun ha Kelab Potografi sekulah” neucap nada besahaje ku Cikgu Azman.

Nus eng rah ceeh begei kacak yog bile panei Wak Mila ajeh kenon Cikgu Azman. “Pai eng serangik waktu beparik kelemnek ku dewan sibok ru sesi potografi... yok selsel ha dendat” bebicare kateh sengik Bah Awi.

“Betol jeh... alau pengawas naitanyak kemere bok, og panei teros ru ged kerdik. Bah Awi eng ucap abor haknuk ku hek mende hek ui tugas de bor sekali. Hek sensitip ru keadaan kerileng” Cikgu Azman bebicare sambil kitepok ku kenok eng.

“Baik engkek boleh muj kelas, kes adeh kirak selesi mende salah paham macot taleh” tenamah Cikgu Azman nej. “Abor haknuk Cikgu Azman” balas eng. Kenon Cikgu Azman pon kiog salam nu iapak ru kimuj kelas sambel kerenyim keer ku eng. Pekare de belakuk adeh nanek peneajar ketike betugas senelidek secare behemah peksendok lapor ku cikgu.



Ektiviti

1. Beh lenakon ru bacak.
2. Og cenadang secare betules, yama hik tok boleh betindak teburu-buru.



TATAMENGWAL

Ayat Sahreh

Ayat sahreh tejadik bile prediket ayat bianj nu depan ayat ru hader peksendok subjek. Pruses adeh bisebot pruses penedepan.

Duniak Eng

Ayat biasak	Ayat sahreh
1. Kemere digital adeh hak apak.	
2. Album gambar nikah ajuh tentuk ju Bah Aras.	
3. Jurupoto ajuh kiet nu majeles nikah.	
4. Bah Abu kibacak majalah potograpi ku perpustakaan.	
5. Wak Ani ru Wak Maria an nalet krusus potograpi ku Melaka.	
6. Amin kikekjet bile biuomom sebegei pemenang penetandig potograpi.	
7. Atan kibekerjak ku kedei gambar jap jis.	
8. Kemere digital de bijuwal ku kedei ajuh had mahal.	
9. Kelas potograpi dij pukul limak berkes.	
10. Menara Berkembar Petronas de birel lasik.	



Ektiviti

- Beh ayat sahreh ju ayat biasak.
- Tules 10 ayat bekenaeet ayat sahreh ru bentang.

Peringak Bahagie



Ektiviti

1. Secare bergu, bincang ru hurei nujap maklumat de biog ku kemil adeh.
2. Og peniker engkek, ma de an bitejadik amen ahli peringak senalo bekelahik ru tok hurmat antare nanek samak kilek?

**Care-care Berkus Peringak Bahagie****Ya: Yok Denan a/l Alang**

Mong peringak bahagie jadik neidam nujap urag. Peringak bahagie ialoh peringak sejahtera ru harmoni. Tugas neujud peringak bahagie nyiknyuk loh tugas apak ru amek taleh tapik kijadik tanggungjawab rimdij anggota peringak. Ma icare ha perkus peringak bahagie?

Antare icare ha perkus peringak bahagie ialoh apak ru amek naiternyul cuntoh teladan de bor nu kekenon. Apak ru amek hodloh najadik teladan nu kekenon mende lienai monglah genulong de senalo mong ru kekenon. Hodloh besipat supan-santun ru lemah-lembut nu penasang ru kekenon. Sipat negetip rah bekelahik, bernus ru penedere nu kenah ru kekenon hodloh biperwer. Keharmonian kateh peringak adeh pasti an kijoi ya kekenon.

Selaen ajeh, apak ru amek hodloh naiog haknuk ru nailuang mase besamak kekenon. Kekenon hik naiperlu haknuk ru nengneng de cukup nu apak ru amek. Na pasti kekenon an kerakmik amen hik sebegei apak amek hiternyul haknuk ru hiluang mase bekualiti ru kekenon. Icuntoh, hik buleh hiperop kekenon naibeh ektiviti rah menman, besiar-siar, becuti atao pen bekelah. Tenindak adeh pasti an peerat henubug apak amek ru kekenon.

Ku sampeng ajeh, nujap ahli peringak hod saleng hurmat antare nanek samak kilek. Hodloh ternyul suasane ru sipat hurmat adeh kateh peringak. Agokloh hik hibiar kekenon belwal tok supan ru ahli peringak de kilek. Sipat saleng bantuk jugak perlu biterap kateh dirik kekenon.

Komunikasi antare nanek samak kilek jugak berupe nanek care hik mentok peringak bahagie. Komunikasi de sek an timul impak de tok bor nu peringak rah bekelahik ru beweswes. Amen gensir ru kenah mong konflik hodloh lienai luah rimdij masalah de mong ru bincang secare tebukak. Og ruang nu penasang ha kiluah penandag ru cerngailoh lenuah ilei ru bor.

Iserengkol, nujap ahli kateh peringak hodloh beperanan ha kimentok peringak bahagie. Sipat tulak ansor, saleng hurmat ru saleng pengham hodloh bipupok mende peringak bahagie berupe tunjang nu hik himentok masarakat haknuk ru maju.

**Ektiviti**

1. Bacak rencana ku kemil adeh.
2. Beh peta penikir de sesuei jijoi rencane ru tules kateh bob tules.
3. Og peniker engkek, ma icare kilek de buleh hik berkus peringak bahagie?

Senambut Jis Amek

Gambar ku kerop adeh kiternyul memerip cuntoh ektiviti de buleh hik beh semase senambut Jis Amek.



Kekenon naibantuk ku degwal




Kekenon naiog hadiah nu amek



Kekenon ru apak amek bekelah



Kekenon naisambut jis amek



Kekenon naicepit berog amek



Kekenon naibantuk berseh deg ru til abat

Ektiviti

1. Tules nanek cerite kenenjip Senambut Jis Amek jijoï gambar ku kemil adeh.
2. Ku peniker engkek, ma ikayat hik hod sambut Jis Amek ru Jis Apak?

Info
naicepit iceti naiurut



Haknuk Kateh Peringak



Ektiviti

Man peranan ha kiog benantuk nu amek dek amek kep beparik ru keramik.



Ektiviti

Man peranan ha og bingsat nu menang engkek dek bedamai ru bekungsi mennan de mong.



Ektiviti

Man peranan ha engkek ha ej nu tenek ru og bingsat dek tok kiulang kelakuk ajeh.



Ektiviti

Man peranan ha engkek mor sipat menang mende kelakuk de tok bor.



Ektiviti

1. Beh ektiviti man peranan jijoi jenim ku kemil ajeh.
2. Hurei penenteng yama hik perlu bekomunikasi ru ahli peringak secare besupan?



Engrok Benilag

BANSE-BANSE ENGROK BENILAG

Engrok benilag tentu

Engrok benilag tok tentu

Engrok benilag kenumpol

Engrok benilag penecah

Duniak Eng

Senambut Jis Ulang Tahut Jeknek Apak ru Amek

Jis-jis istimewa kateh peringak perlu birai ha kiternyul penehergak nujap ahli peringak. Sebegei penehergak nu apak ru amek hik buleh rai senambut jis ulang tahut jeknek lienai. Apak ru amek de ya jekjeg bepuloh tahut pasti kenjip bange amen rimdij kekenon bekumpul ru rai lienai.

Mimang mong dij apak ru amek de tok kisah amen jis ulang tahut jeknek lienai tok birai. Tapik nujap kenon patut nairai jis istimewa adeh sebegei tandak penehergak nu apak ru amek de jeoi ijasak peentoi kekenon. Buleh biyap englek ju sinui lienai bekurban demi kekenon.

Kekenon perlu nairancang majeles senambut ru segale de birancang hodloh bibeh awal. Memerip kekawat apak ru amek buleh bijemput ku majeles adeh. Senambut buleh bibeh secare macot taleh ru gunakan belanjak de gek. Tok payah belanjak beribuk-ribuk janyik senambut meriah dek apak ru amek kerakmik.



Ektiviti

1. Bacak nepetek ku kemil adeh.
2. Ceryak enam engrok benilag kateh nepetek ru beh ayat kateh bob tules.




Care-care ternyul haknuk nu tatak ru jajak




Ektiviti

1. Peterang care-care hik ternyul haknuk nu tatak ru jajak jjoi gambar ku kemil adeh.
2. Selaen gambar ku kemil, ma icare kilek engkek buleh ternyul haknuk nu tatak ru jajak.



CERNGAI ru BELWAL



Bikenal sebegei muzium sui, Kampung Budaya Sarawak adeh biui ha jagak ru kiperneng wenares budaye Sarawak. Kampung Budaya adeh de mong ku Pantai Damai Santubong ru tok nyak ju bandar Kuching iaajeh 32 km. Was adeh sesuei berajal budaye ru care sinui masarakat pribumik pasak.

Ilingwas 17 ekar, mong lebeh 100 sengoi naigei ku kampug adeh. Sengoi padeh naiperneng ektiviti tradisonel nujis ju bebegei suku kaom ku Sarawak rah care pruses sagu ru ui yas teg. Enai jugak naiperage penakei tradisonel ru naigengsang ha hibor tengloh.

Penduduk padeh naisedie maklumat bekenae budaye tradisonel ru care sinui enai. Mai nandang jugak kep neng replika benabangun de kilambang nujap gu etnik utame ku Sarawak rah deg cereg Mai Iban, Mai Bidayuh ru Orang Ulu ru deg lasik Mai Melanau.



Ektiviti

1. Teks ku kemil bekenae ru ma?
2. Kek nej neistimewe Kampung Budaya Sarawak sebegei maklumat tenamah.





Gengsag Sumazau

Gengsag Sumazau berupe gengsag tradisional suku kaom Kadazandusun. Nekate Sumazau beasal ju “sazau” de buleh bineng beasas teg nenumom bile naibegengsag. Gengsag adeh jijoi generak ju nuikor cep kelag de kiheg.

Jis hunen, gengsag Sumazau senalo bikenaet ru Tadau Kaamatan atao Perayaan Pesta Menuai de bisambut ku 30 ru 31 Mei jap tahut. Mase Perayaan Pesta Menuai, Tarian Sumazau bipesembah kateh **majeles** entoi ha perneng ku mai. Walah gengsang Sumazau nanek majeles tok lenkap ru jenim tok meriah. Ku sampeng ajeh, gengsag Sumazau senalo jugak bijadi acare pentas atao acare de memeriah nej nanek majeles jegjeg. **Gengsag** adeh tesirat ru cerite dongeng de bikaet ru upacare pemujak ruwai bak.

Penari Sumazau ialoh nupasang penari keral ru kerdor. **Rimnar** penari adeh nailog bajuk serbe belak. Penari keral nailog sigar ru penari kerdor nailog sarong. Enai gengsag jijoi rentak penalu tujuh atao lapan ketawak. Imulak rentak tenari pelahat mende rimdij ketawak tok bipalu serentak. Semase gengsag Sumazau, teg naiyoh nu ngar ru nu kenog serentak serte yoh jug kentop ru jug kengwil. Ceknip gengsag begei adeh kiperlei iceti ruwai tabang kateh neusahe ceknet bak. Lei hunen, suku kaom Dusun maseh naiamal semangat **begutong-ruyong**. Senalo ahli masarakat naiperuntuk nujis naitulog kerjak-kerjak bendang atao sawah bak penunyak **jiran tetangge**. Hal adeh samak turot naiui ya jiran lienai ru care adeh kerjak nyeh kijadik hanyok. Bile rentak penalu ketawak harmonis, kaom keral an surag, “he... he...” surag adeh itandak bahawe lei mase ha naitukar gerak gengsag.

Gengsag Sumazau adeh jugak sebegei kinyate jenim senukak mende Bambaroyan atao ruwai bak ya kiog hasel bak de jeoi ku tahut ajeh. Telas surag, rimnar teg naidepak nu enlag ru pegelangan teg naiyoh nu kemil ru kerop. Langkah gengsag adeh mongloh teniruk ceknet cep. Ceknip adeh bekaet ru sipat Bambarayon de senalo kilindung ceknet bak ru neancam anaser perusak bak.

Hunen gengsag Sumazau kep tempat ku sengik masarakat mende **prumusi** de biog ya rimij pehak. Mong identiti Sumazau bipermuj kateh musik moden imisal kateh laguk “Aku Anak Kampung”

bidindag ya Jimmy Palikat. Selaen ajeh, peranan de biman ya pehak kerajaan jugak kateh pelihare budaye adeh mampuk kiteros lenangsung neunik masarakat Sabah. Bebegei budaye mong ku Malaysia hodloh kijadik nanek benanggak ru wadah penepadu.



Ektiviti

1. Bacak teks ku kemil secare pintan.
2. Beh ayat jijoi nekate bibelek ku kemil.



MENULES

Ambuyat

Ku Sabah, ambuyat berupe caknak tradisi kaom peribumi. Ambuyat atao kateh sembot bahasa Melayu bikenal sebegei sagu. Caknak adeh kilambang bebegei neunik masarakat Sabah kateh menu berencet. Ku kerop adeh berupe pruses penesedie ambuyat.



Duniak Eng



Ektiviti

1. Jijoi gambar ku kemil, kek maklumat tenamah bekenat renamu haur ambuyat. Tules kateh kertas sebak ru bentang.
2. Telas ajeh, hasel nanek kemarag care penesedie ambuyat kateh bob tules.

3.2.1
5.4.1



Borneo Tik de Betuah

Borneo oh tik nggei
tik was bihip eng kijod
ipulau bor nej de jik hok
de ngpuje secengreg mase

Lod Kinabalu gagah jinjeg
belaer sekerileng hik nengneng
pulau ku laot jeoi tebantang
tok jemu mat eng nengneng

Sungguh ibernor Bumik Kenyalang
Lengrik de kaya senem
teu Rajang identiti lengrik
tekenal ku serate tempat

Sarawak, Sabah oh lengrik eng
Pusake wenares ya moyang
tetap sentose hisui merdeka
tik saruk bihip betuah eng
(ulang nar kalik)

(Irama: Malaysia Tanah Airku)

Duniak Eng



Ektiviti

1. Cerngai laguk ku kemil ru nyanyik besamak-samak.
2. Begeiharok care ha pupok henubong kateh kenalag rakyat Malaysia de bebegei kaum? 🌸



Penjudoh Benilag

1. Penjudoh benilag bigunak peksendok engrok am ha ternyul jumlah ru benilag.
2. Cuntuh penjudoh benilag rah batag, kebek, ekor, urag ru kilek.

Bil.	Nekate	Ayat
1	doktor	Limak urag doktor ju Hospital Kuala Lumpur naibetugas ku Hospital Umum Sarawak.
2	sempak	
3	kapal terbang	
4	Sungai Rajang	
5	orang utan	
6	bajuk Sumazau	
7	rumbia	
8	tik	
9	penari keral ru kerdor	
10	ambuyat	
11	gesuk	
12	peruluk	



Ektiviti


1. Jijoi nekate ku kemil, beh ayat ru gunak penjudoh benilag.
2. Telas ui ayat lenkap, bentang ku kateh kelas.



Kenal Identiti Sarawak ru Sabah




Bendera Sarawak



Bendera Sabah



Jata Sarawak




Jata Sabah



Ektiviti

1. Kek ceti jap bendera ru jata Sarawak ru Sabah kateh mentok peta *i-Think* de sesuei.



Mennan Manah



Batu Seremban



Tujuk Selipar



Konda Kondi



Tujuk Tin



Ektiviti

1. Gunakan menudah Internet, pileh nanek mennan ku kemil ru peterang care mennan ajeh. Pileh nanek mennan ku kemil ru bincang bekenaeat peneator mennan ru beh kateh peta alir.

1.2.3
3.3.1





Gaseng

Mennan gaseng beasal ju Mekah de biman ju 450 peksendok masihi. Telas ajeh, bianj nu Tanah Melayu ya pedagang Arab. Hamaka, mennan adeh ya bipekernal ju jaman Kesultanan Melayu Melaka. Ju Melaka, gaseng bipekenal ku lengrik-lengrik gop de kilek ru jadik mennan de tekenal. Hunen gaseng kekal sebegei wenaes budaye masarakat gop.

Ju sumber Terengganu, gaseng beasal ju mennan **jenawel** pelek berembong. Pelek berembong bementok bulat, selej ru **pepan**. Pelek de senang biberkep ku beg pantei adeh senalo bigunak ya ahli silat sebegei lenateh ha pekuat **jaras teg**. Kateh mennan **pelek berembong**, pelek **de birel** leu ijenawel bikirak ipemenang. Gaseng bicipte bijoi mentok pelek berembong. Nekate gaseng beasal ju genabug nar nekate iaajeh ‘gah jenawel’. Gah kateh istilah mennan gaseng iceti jenawel ru ligat ru tegak.

Mong bebegei banse gaseng iaajeh gaseng jantung, gaseng gerper, gaseng pengleg, gaseng perenang, gaseng tanjung ru gaseng pangkah.

Gaseng merupe nubanse mennan de buleh bejawel ku ipaksi sambel kiimbang ku nanek titik. Gaseng biui ju jehuk bebaru, kemuning, merbau, rambai, sempak ru kundang. Jehuk ajeh an **bitakuk-takuk** ru bikikis lei jadik mentok gaseng. Cog gaseng biui ju **cekop** jehuk bebaru tapik hunen cog gaseng biui ju cog pelastek. Cog gaseng beukur 300 lei 450 sentimeter jijoi sukat kerileng gaseng. Cengreg cog gaseng begantung ku cengreg teg nulumon. Senalo 1 meter cengreg.

Senem jeer bigunak ha peselej penegerak gaseng, salah nanek **imol** cog ku nukepig logam sebegei penahan teg semase kihayun gaseng manakala imol cog nej bilekat dek tok **sahso**. Kateh mennan adeh, mai menman hod mong cenempet jenawel, kipangkah, kiangkat, kitergak ru kibela uri gaseng. Senalo gaseng biman telas **gus** mai cekcet bak. Pemenang bipetandig antare kampug. Pemenang bikirak jijoi timpoh mase gaseng buleh kibejawel.

Gaseng mennan tradisional sengoi Gop ju manah entem. Kaom etnik de telibat kateh mennan tradisional adeh ialoh masarakat ku Pantai Timur Semenanjung Malaysia teutame Kelantan ru Terengganu. Mennan tradisional gaseng adeh senalo biman ya kaom keral tetapik mong jugak kerdor de beminat kateh mennan tradisional adeh. Jengoi mai de man gaseng adeh ju mai Gop. Alau begehharokpen bangsak kilek bigalak menman mennan tradisional adeh. Hunen mennan adeh bikenal ku Melaka, Kedah ru Negeri Sembilan.



Ektiviti

1. Bacak nepetek ku kemil adeh secare entoi jijoi senembot ru intonasi de betol.
2. Kernal pasti kosa engrok bekaler belak ru og iceti?
3. Kek maklumat de sesuei, ui peta alir care-care mennan gaseng.

Care-Care Ha Hasel Wau



Awat bikoh joi neukor de bipileh ha biui kenyeg, jaag celod wau ru engleg kilek. Awat bibelah ru semiyak dek samak entoi ru senang bisor.





Engleg jaag celod wau bibelah jijoi neukor de bihod ru sesuei ru kenyeg. Penesedie jaag celod wau dek sempurne antare engleg kui ru engleg sentak.





- Ektiviti**
- Gunak renujuk tenamah, lenkap tempat kusong ku kemil ru gunak ayat lilei.
 - Tules nej rimdiy ayat ku kemil kateh bob tules.

3.3.2
5.5.2



SENI ENGROK



AUDIO 7

Laguk Jan Jan Jalak

Jan jan jalak
jalak itik jalak pug
merip lubog becog
seratus limak puluh
cereg cik dayang
cak sireh nyinyoi rengai.

ulang
4 kalik

Care menman

1. Pileh nar urag sebegei ketue ru enai jadik pintuk gerbang.
2. Mai menman enai beator kateh nanek benares ru naikawal wog kawat ku ingar.
3. Ketue an pileh muh gu masig-masig.
4. Mai menman de beator naidindag laguk Jan Jan Jalak sambel naicip kerop pintu gerbang ru kerileng pintu gerbang.
5. Bile laguk dij naidindag, pintu gerbang bipecerleh ru ubai ketue baicap nanek urag ju sayet menman de nailaluk ku kerop nek.
6. Telas ajeh sayet debicap nek bior pileh gu de kihod ru kijinjek ku kenog iketue.
7. Ulang nej mennan adeh lei dij sayet bicap.
8. Amen dij, beh nanek gares ku semakdek sebegei tandak antare rimnar gu.
9. Telas ajeh mabek sayet naikawal wog kawat naikuingar ru ketue masig-masig ubai cecap teg.
10. Amen biurok “mulak” rimnar gu an nai herhir samak lienai.
11. Gu de kilintas tandak gares an bianggap alah.



Ektiviti

1. Cerngai laguk bidindang ju audio ru dindang nej laguk ajeh secare didek hibor.
2. Bincang care menan ru kawat jijo i nearah de biog, menman ru kekawat.



Engrok Sendi Muh



Duniak Eng

Sipak Ragak

Sipak ragak ialah mennan timbang bula ragak kateh benulat ru gunakan jug atao kui. Mennan adeh biman ju jaman Kesultanan Melayu Melaka nej. Kateh bob Sulalatus Salatin mong bicerite ha Rajak Muhammad Putera Sultan Mansor Shah Muhammad de tateg itanjak kayat kenak bula ragak bisipak ya Tun Besar.

Ku Malaysia, mennan adeh bisebot *sepak ragak*; ku Filipina *sipa*, ku Burma *chinlone*, ku Laos *kator* ru ku Thailand *takraw*. Mennan sepak takraw de mong hunen mongloh peneubahsuei sukan sepak takraw ru badminton. Ku tahun 1940-an mennan adeh ya biman ru gunakan jareng ru joi sistem kenirak mat rah badminton. Undang-undang ru peneator awal mennan sipak ragak jareng ya bibeh ru bisusut secare betules ku 15 April 1960 ku Kuala Lumpur.

Encik Hamid bin Mydin ialah sengoi de biiktirap sebegei pencipte ru pengasas. Sepak takraw mulak bipetandig nunoh ku perinkat antarabangsa ku tahun 1965 ku Sukan Asia Tenggara (SEA) de biui ku Malaysia. Peksendok Jawatankuasa pengelola sukan SEA naiterimak sukan adeh, penebincang de semiyak antare wakil Malaysia, Singapura, Thailand ru Myanmar ha bincang bekenae muh mennan adeh. Ipenyudah kemil dasar tulak anso jawatankuasa pengelola Sukan SEA naiog kate putos bahawa mennan adeh hodloh bipermuh mennan Sepak Takraw iaajeh genabug nekate 'sepak' ru 'takraw' kijadik nanek nekate.

Ektiviti

1. Senarei engrok sendi muh de mong ku kemil.
2. Pileh nekate **de terik** ku nepetek ru beh ayat.

Info

Engrok sendi muh ialah genulong muh de bigunak ha cerot prasa muh ru kate atao prasa kateh ayat. Icuntuh: ku, ru, de, dek, atao, ha ru kilek nej.

5.1.3
3.1.3



Lenateh 

Banse-banse Wau

Duniak Eng



Ektiviti

1. Ru gunak renujok tenamah, pileh nanek banse wau ku kemil ru nehasel wau jijoi kreativiti mureb.






CERNGAI ru BELWAL

Paedah-paedah Penetuboh Koperasi ku Sekolah

Koperasi berupe penetuboh de bituboh ya pehak sekolah ha menudah warge sekolah, kusus ha guru ru mureb. Jeoi ibernor de bikep ya warge sekolah amen iujud koperasi ku sekolah.



Ektiviti

1. Jijoi peta bulatan ku kemil, hurei nujap isik de biog secare belwal.
2. Og peniker engkek, ma icare hik sebegei mureb buleh hibantuk menaju koperasi sekulah?

1.4.2
3.2.2



Paktor-paktor Penyumbang Jenaye Koperasi Sekolah

Penepileh guru penasehat

Penepileh guru penasehat koperasi iaajah guru de bilantek mestiloh mong **kenalayak**, minat ru sikap de **positip** nu koperasi sekolah. Guru jugak hodloh mong lemu ru asas de kukoh kateh bidang peneniage. Guru de bilantek sebagei bendahari hodloh paham ru jelos an hal kewangan.

Peranan sekolah

Pengetua jugak hodloh kiman peranan de **proaktif** kateh kikenal pasti guru penasehat koperasi naibeh tugas jijoi akta ru undang-undang macot. Koperasi sekolah jugak hodloh naijagak **kebajikan** anggota ru nyikyukloh **bemotip** kep untong taleh.

Senumbang koperasi nu sekolah

Koperasi sekolah kep og impak de entoi nu mureb-mureb ru imong koperasi. Mureb-mureb naikep belik arap ru regak de murah. Untung de bipek ya koperasi sekolah hodloh biperjug nu ianggote ju neagih **dividen**, rebet ru kilek. Mong koperasi sekolah de jeoi kibantuk kateh tangani **prasarana** sekolah. Icuntoh, belik bob renujuk ha perpustakaan, krusi mije ku kantin ru bibeh garaj kerite guru.

Neujud kerjaksamak antare sekolah

Guru-guru koperasi sekolah hodloh biog ruang ha ihader krusus atao **seminar** ha penedidek ru peneurus koperasi sekolah, peranan anggote ru **peneselenggara** akaun. Lenawat penandak aras nu koperasi sekolah de bejaye jugak penteng ha kep lemu ru idie bekenaet peneuros ru peneniage bicebor de boleh kep untong nu sekolah.

Lateh mureb de boleh hik pecayak ha uros koperasi

Penelibat mureb kateh peneuros koperasi jugak hodloh bipeluas dek mureb-mureb naikep kenenjip urus peneniage. Penelibat mureb-mureb adeh kep biterap ciri-ciri usahawan nu lienai. Adeh kep pupok sipat **jati diri**, amanah, jujur ru betanggungjawab kateh dirik memureb. Sipat de bor adeh boleh pengaroh jenaye koperasi sekolah.



Ektiviti

1. Bacak nepetek ku kemil adeh ru og iceti nekate bekaler.
2. Beh ayat gunakan nekate bekaler.



Jis Koperasi Sekolah

Bah Jasni ru kekawat naihader Jis Koperasi Sekolah ku mol mingguk telas. Ilei kikenjip had sernuk mende ku jis adeh jeoi kenenjip ru lemu de ilei kikep.

Maklumat Jis Koperasi Sekolah.

Tema:
**KOPERASI PENERAJU
CENEMERLANG SEKULAH**

- gerei jengwal
- mennan
- kuiz koperasi
- prumusi arap
- penetandig melukes
- cenabot betuah



Ektiviti

1. Cerite kenenjip engkek, besamak-samak kekawat semase hader senambut Jis Koperasi Sekolah.
2. Jijoi peniker engkek, ma peneteng senambut jis koperasi sekolah?

3.2.4
1.3.2



Laguk Koperasi Orang Asli Perak

Hik hicap amanah bangsak
 hik jugak na berikrar
 taat setie hicurah tenage
 hik hibela bangsak ru negare

Hik hicap amanah bangsak
 hik jugak na berikrar
 taat setie hicurah tenage
 hik hibela bangsak ru negare

Ayoh berkusloh masarakat peribumi
 mase peksik telamat ha hik
 bepetingkat berengkep ekonomi
 ha hik tebos maruah bangsak

Hik taleh mampuk hipaham
 kicurak mase nungar hik
 ha jenerasi kekenon hik
 ruwai peribumi sengoi hik begeme.

ulang
 nar kalik

(Pencipta laguk: Hanakarmila Anjang Sadang)

Ektiviti

1. Dindang laguk ku kemil adeh.
2. Secare bergu, ceryak iceti laguk adeh.
3. Ma lenebeh mai sengoi naiserte nunanek koperasi?



Kisah Han Tira

Han Tira kikus awal huper adeh. Ilei teros kicip mamuh ru beseryap gej. Telas ajeh, ilei kibeh kupi pekat ru kintang deras-deras. Han Tira tok kisabar tibak ku sekulah mende jis adeh mong progrek Jis Koperasi Sekulah. Han Tira had sernuk mende ilei telibat kateh jenuwal caknak.

Bile kitibak ku sekulah, Han Tira teros kiterbuk Cikgu Azizah ha kikod caknak kateh kerite cikgu. Telas ajeh, ilei kianj caknak ku gerei ru kiskusut semiyak-semiyak. Bebegei banse koi de bebegei kaler, mong kaler ceher, rehoi, belaar ru kekilek nej. Koi-koi ajeh jugak mong bebegei mentok rah bulat, liper ru bujor. Ipasti nujap koi-koi ajeh sendap ikenjip.



Gerei Han Tira ru kekawat naiterimak jengoi memureb de naibelik caknak de mong. Tok lei nar jam caknak ku gerei kamerek dij. Han Tira ru kekawat sengik kerakmik ru sernuk. Alaupen selei tapik naipuas isengik mende jenuwal gerei naikep untong. Henarap Han Tira moga tahut nungar mong nej senambut jis koperasi sekulah ru ilei berazam ha berusehe lebeh rajit nej.



Ektiviti

1. Bacak cerite ku kemil adeh ru senareai engrok edjektip de mong kateh cerite.
2. Beh ayat gunakan engrok edjektip de engkek kep kateh cerite.



Info

Banse-banse engrok ekjektip:

- * Engrok edjektip sipat rah *rajit, bor, panei*
- * Engrok edjektip kaler rah *jingga, belaar, belak*
- * Engrok edjektip neukor rah *cereg, entoi, macot*
- * Engrok edjektip mentok rah *bulat, sujeu, liper*
- * Engrok edjektip waktu rah *gej, lamat, leu*
- * Engrok edjektip jarak rah *rek, nyak*
- * Engrok edjektip care rah *deras, pelahat, gupoh*
- * Engrok edjektip sengik rah *sernuk, sukak, riyak*
- * Engrok edjektip pancaindera rah *bor, ceet*



KENUKOH

Lenateh 

jeoi

amanah

sernuk

belaar

awal

rek

cetak












murah

semyak

rajit

jujor

Duniak Eng

1. Mureb-mureb Sekolah Menengah Kebangsaan Sri Sentosa naikenjip _____  semase senambut Jis Koperasi Sekolah.
2. Ju koperasi sekolah jati dirik bimentok rah _____ , _____  ru kekilek.
3. Semase senambut Jis Koperasi Sekolah jeoi prumusi bibeh ru regak benarag de _____ .
4. Amen biuros ru betol, koperasi sekolah mampuk berkep neuntong _____ .
5. Han Tira kibetugas ru _____  semase senambut Jis Koperasi Sekolah.
6. Cikgu Azizah mongloh guru koperasi sekolah de _____  kiurus kewangan koperasi sekolah.
7. Wak Nia kicip _____  ku sekolah ha kihader mesyuarat agung koperasi sekolah.
8. Bah Sani kigenmar belik alat tules ku koperasi sekolah mende ijarak de _____  ru kelas.
9. Arap jenuwal ku koperasi sekolah bisusut _____  ru terator.
10. Bangunan koperasi sekolah de pai bicat ru kaler _____ .



Info

Cetak iceti cerdig.



Ektiviti

1. Isik tempat kusong gunakan engrok edjektip de biog.



Pesta Caknak



Ektiviti

1. Jijoi gambar ku kemil og peniker engkek banse produk-produk caknak industri macot de bijuwal ku pesta caknak.
2. Ui neulas engkek ha industri macot.

**Kerepek Telei Puan Aseah****Wawancara**

Jis adeh eng an temuramah nuurag peniage macot de mong ku was Kampung Indah bermuh Puan Aseah a/p Bah Rayap.

Leman: Bor huper, puan.

Puan Aseah: Bor huper.

Leman: Buleh puan cerite ha latar kenok puan ikusus kateh penedidek, giknei ru kilek-kilek?

Puan Aseah: Eng beasal ju Kampung Cincat. Penedidek takat Sijil Pelajaran Malaysia taleh. Imulak eng ngkerjak biasa. Eng kerjak ku klinik sekejap. Telas ajeh eng berajal komputer sambel eng poj kerjak kilek. Ju ngnyenyam eng mimang minat meniage ru mulak jelwal kerepek secare perakgek. Eng bungkos ya lilei ru juwal nu peringak de rek ru kawat-kawat. Eng belik kerepek ajeh ju Teluk Intan.

Leman: Begeiharok puan kenembang peneniage lei jadik bejaye?

Puan Aseah: Mulak-mulak eng belik kerepek telei ju mai kilek telas ajeh eng bungkos. Ya leu ju kenjeh, gensir eng kiog cenadang hod ui ya lijar. Eng belik telei ju mai kampug ru eng upah menai eng dek naikerjak ru eng pailoh iuntong jeoi gek. Ju ajeh rimdij pruses genureng lei ha bungkos kibeh ya pekerjak eng. Hunen eng pen ya mong selai telei lieng ilengwas 5 ekar.

Leman: Peksendok puan mulak beniage, mong ka puan telibat kateh persatuan keusahawanan?

Puan Aseah: Walah, rimdij eng berajal lieng.

Leman: Telas puan libat diri kateh peneniage, mong ka kiubah tarap sinui puan.

Puan Aseah: Mimangloh, eng buleh tulug gensir eng kitamah ibelanjak.

Leman: Ma cenabar de bitempoh sebegei peniage macot begei puan?

Puan Aseah: Sebegei peniage macot cenabar entoi ialoh modal. Amen untong gek terik ha jawel modal nej tapik naseb bor mong jeoi koperasi naiog peninyap jerengkeh ha jana modal meniage.

Leman: Abor haknuk puan mende hod bitemuramah. Semoge peneniage puan betamah maju ru kep rezeki jeoi. Eng harap Puan Aseah buleh jadik mentor ru idola nu jenerasi pai ha beniage pigoidoh.

Puan Aseah: Samak-samak.



**Ektiviti**

1. Bacak wawancara ku kemil adeh secare kuat ru pintan gunakan sembot de betol.
2. Beh ayat sensual kilek selaen de mong kateh nepetek bekenaet temuramah ku kemil.



Herba Serei




Senem



Ngeknut senihat



Perise menasak



Duniak Eng

- Ektiviti**
1. Neng maklumat ku kemil adeh ru og cenadang genunak serei.
 2. Beh neulas jijoi maklumat de bikep.

3.4.1
5.5.4



Iklan Produk Senem Serei Wangi

Duniak Eng



Buleh kiperwer ju gasur, cek ru las

Kistabel tenekan bihip ru kolesterol

Kipergek nyaknik otot



Kiwes pinui kateh berog

Kiwes toksin

Kijadik senem pecit

Kiperlai nyaknyik ru si

Anti bakteria ru anti kulat

Info
Ej iceti kihod mai bijoi iengrok

Ektiviti
1. Jijoi maklumat ku kemil beh dailog patik antare jurujual ru pelanggan kaha ej dek iarap jenual bibelik.
2. Bincang dailog de bibeh ru beh lenakon.

4.5.2
1.6.1




TATAMENGWAL

Engrok Kerjak

Batek Lukes



Kipasag




Kilukes



Kigap



Kicanteng



Kikaler



Ektiviti


1. Gunak renujuk Internet tules ayat lenkap gunak engrok kerjak jijoi gambar ku kemil.
2. Kungsi ru pernung hasel benincang engkek ku kateh kelas.

5.3.2
1.3.1


Penandak Bob Ju Teknaj



1 Sedie ibahan rah riben nar kaler, guntig, gam, kertas kad manila, tenebok lubang, pembares ru pensel.



2 Gares joi neukor 1 sentimeter lei 10 gares. Guntig joi genares tapik agok gercat itepik.



3 Taj secare selang seli gunakan nar kaler riben.



4 Tebok lubang ku kemil ru beg riben. Amen siap boleh jugak bilamina.

Ektiviti

1. Jijoi gambar ku kemil, nehasel nanek penandak bob ju teknaj gunakan bahan de sesuei joi kreativiti mureb.



Bah Luj ru Enam Tenek Keral



1 Mabek beenam – et dendep – darat – kek ente – naibeh – deg danem



2 Mai raknak kerdor – kijop kijai – mabek beenam – kohoi – mat bubet – bicap – bikerlak nong – kaha cak



3 Bah Luj – kek itenek – kiselamat – kiberakpok – bior tohol pengsol – kijulag – jajak kerdor kibet – kianj jar mabek itenek



4 Bah Luj – mabek itenek – jug madeg – selamat



Ektiviti

1. Jijoi gambar ku kemil, bincang nong cerite jijoi tenurut de betol.
2. Cerite nej ru gunakan ayat de lenkap.
3. Tules sinopsis cerite ku kateh bob tules.



Cemenak Mamok



Ku jaman manah entem, mong kenah gensir ubai gei ku imol kampug. Liubai rajit ru senalo bai et nu selai baicet bak. Nujap jis ubai baiet nu selai mende ubai hod jagak ceknet dek tok bicak ya cep. Jeoi kening mamok ku was selai ubai, hamaka ubai pen baigik kening mamok adeh. Ubai tok baipanei paknyaknek kening mamok adeh mong **iruwai**.

Ku nanek jis, jajak kerdor ajeh kigik kening mamok ku was iselai ru ikicerngai engrok mai bicereg imuh. Cemenak mamok **kijalen** jadik sengoi.

“Kerbong... kerbong ma hek ui ajeh,” tanyak cemenak mamok.

“Ma hentokloh, eng nggik kening mamok adeh mende semak,” jawab jajak kerdor.

“Kerbong... kerbong... beiloh et nu deg eng cak telei, jai ru mamok,” ajak cemenak mamok.

“Ngnyekloh, eng jeoi kerjak ku selai adeh,” jawab jajak kerdor.

“Pekma lek amen begei jeh, jokloh **ngsar serenlog**,” jawab jajak kerdor.

Jajak kerdor ajeh kihik ru engrok cemenak mamok. Jajak ajeh pun kijoi cemenak mamok lei padeg. Telas ubai lei nu padeg, cemenak ajeh teros kikurong jajak ajeh mende ka ha cak.

Kuidijis nek, igensir jajak ajeh kikek ha ikenah ku selai tapik tok kibakek ikenah. Tatak **kiserangik** pek sedap isengik. Tatak ajeh po n kigik rimdij kening mamok ku iselai kaha kek ha ikenah. Telas ajeh kening mamok ajeh kihol mende kicergai renyah ku selai.

Cemenak mamok ajeh kiajak ha tatak nu imadeg mende kaha cak rimnar liubai kenah gensir. Tatak ajeh pun kijoi cemenak ajeh lei ipadeg. Ju nyak, tatak ajeh kibake ikenah bikurong kateh deg cemenak ru kipanei cemenak ajeh kicap ikenah. Hamaka tatak pun mong **icerendig** ka perdat cemenak ajeh. Tok leu ju kenjeh, ubai pun bailei ku padeg cemenak.

“Huj hek canuk poj gikdoh eng nghuj”, urok tatak nu cemenak mamok.

Tatak ajeh pun kiui deras-deras kidek **dag** ru **ranyau** ku kengleh deg cemenak ajeh. Telas ajeh kicereg cemenak mamok dek kihol ku **kengleh** deg. Cemenak mamok ajeh pun kihol ru kilangkah ku kengleh deg. Cemenak mamok tok kisedar na kijak dag ru ranyau ajeh. Ilei kiyog ru **kihik**, iberog hol bihip had ijengoi.

“Tulug... tulug... tulug eng tatak,” cemenak mamok kismanj tulug.

Tatak ajeh tok kitulug mende kipanei cemenak mamok ajeh jahat. Ipenyudah cemenak ajeh pun kidat. Tatak pun kihuj nu madeg teros kiselamat ha ikenah. Liubai pun baicagoh.

“Amen hek jadik **mamok**, jadik dek imentul wes pigoidoh cemenak mamok kaha cak sengoi.” Ubai pun bajjuk nu madeg.



Info

Mamok iceti nubanse telei serag.
Ngsar serenlog iceti janyik hod hik tepati. Amen tok hitepati an belakuk pekare de niknej.



Ektiviti

1. Bacak entoi nepetek ku kemil adeh gunakan senembot de betol.
2. Jijoi nekate de bekaler belak ku kemil, beh ayat de lenkap.



MENULES



Karok ru Ngak

Ku jaman manah entem, mong nuperingak kenah gensir Ngak ru nupasang kenon ubai. Enai naisui kateh serag. Ku was giknei naiajah, mong peringak **Karok** naigei samak. Kenon menaleh Karok yog isengik ku gensir **Ngak** ru kibeh nanek akal kaha perdat kenah ngak. Mong nanek jis, gensir Ngak kiet kidendep ku serag kaha kek caknak enai. Peksendok kicip kiog bengsat nu mabek kenah kenon dek naigei bor-bor mende kek lingah kijug.

Telas na memerip jis, apak Ngak kijug imadeg kianj jeoi ente darat. Ilei kineng ikenah walah ku padeg. Ubai ikenon bai sengoh og paneli, amek baiyadat ru idanan bipergel ya Karok nu mateu. Had ubai urok amek kimuj nu serag kikek tarug. Apak Ngak kipoj ikenah tapik ikenah walah tok kijug. Tibak Karok nu deg Ngak kianj gah kiurok kenah Ngak kiet nu istane rajak mende kicereg ya rajak.

Nujap jis kenon Ngak ubai jap mende baihod mem. Karok kipelawe kaha permem. Gensir Ngak susah isengik ha ikenon teros kijeg Karok kijadik ikenah. Karok pun kikerakmik mende had kihod gensir Ngak. Karok pun kiog kenon Ngak imem. Pek lew ju kenjeh, kenon Ngak baikek mem Karok mende rasak kedej. Nanek kelakuk Karok adeh benahud. Nujap jis Ngak hod kikek jeoi caknak kaha bercak Karok. Nanek jis Ngak tok kitahan ru kelakuk Karok jadik kaha wes Karok. Karok kikek icerendig kilip takar kiurok keberket kenon Ngak. Hamaka Karok tok jadik biwes ya Ngak.

Ku cebak teu, mong mai engrak belemu kigei ru dayang istane. Mong nanek jis kisuj pingat ku pateu kibakek nukebe jeer kigel. Mai engrak ajeh kitulak kebe jeer ajeh dek gel tapik kililos nu ilei. Jeoi noh kipergel tapik tetap kililos nu ilei. Ipenyudah kicot kianj juk madeg. Ikelem ajeh kiberakpok, kateh iempok mong bipasal kebe jeer ajeh ialoh tengkorak kenah Ngak. Mai engrak ajeh kikis ju beknet teros kikot kijai kijop kipersui nej kenah Ngak. Kenah Ngak pen kisui nej.

Gensir Ngak pen kilei nu deg mai engrak. Gensir Ngak kikenjip selei kayat ya leu kicip jadik kaha beparik nok ku deg ajeh. Kisemanj nu mai engrak kaha bet ku pajeh. Mai engrak ajeh nek kiog gensir Ngak beparik pajeh tapik kiurok ilei walah mende kaha et nu istane. Gensir Ngak pen kibukbet lei dui. Bile kikis kineng mong caknak ya siap biberacet. Gensir Ngak kikerek ru serangik ya bok masak icaknak. Kilep nu bilek ru kikekjet kineng ikenah mong ku deg ajeh. Ikenah pen kicerite ma de belakuk ru kiurok tok kijug nu madeg kayat kisengoh ha Karok. Mai engrak nek kijug ju istane kikekjet kineng ubai kenah gensir tengah bai lekluk. Gensir ngak kisemanj kaha anj ikenah juk. Mai engrak ajeh pen kibesat or ubai cip abor.

Ubai Ngak baijuk nu ikacoh. Ya lei nu madeg gensir Ngak tok jeoi engrok teros kikek Karok kipoh ru jehuk. Karok pen kidat bipergel nu mateu begehharok kiui nu kenah Ngak. Ipenyudah Ngak nuperingak naigei ru aman.



Ektiviti

1. Bacak cerite ku kemil ru hurei pewatakan de mong ku kemil.
2. Og peneajar kateh cerite tesebot.

3.4.4
4.4.1



Info

Karok iceti nubanse peringak tabeg
Ngak iceti nubanse cep



SENI ENGROK



AUDIO 9

Seloke Sang Pet

Cerngai cermor mai raknak manah,
Sambel beparik gensir ru kenah.

Ku kateh serag ku kemil jehuk,
Pet kigei nyiknyuk ku rahuk.

Kicak pelek jengoi ku darat,
Jerjar ru sungar kuat ikedrat.

Mong nujis kibeh iragam,
Jehuk kiyoh, ilei kiserngam.

Rimdiy pelek yayog nu matik,
Mimang kenon dog naigei pek raktik.

Amen iberkes deras kicuag,
Kilengij ku kerop mong ha jaag.

Kiceleh nu kerop kikek ha caknak,
Ditah dereh imat kiceryak.

Kiburu sengo belacat **kiperad**,
Kak bitengroj cacig iengrad.

Pet kiserangik belacat ha sedap,
Gamong iket kipep kicap.

Pet kikengrok belacat kikit,
Kianj jar nyak kisengoh birot.

Cuak iriknuj, kiramaj belacat,
Kicak kedej kilumpat kiluncat.

Kikerngoi sengek lekat ku iteg,
Kigersej ku gesuk isej ya tateg.

Kijerjar ru iteg bihip betajor,
Ajehloh naseb pet telanjor.

(Adaptasi ju Seloke Pak Kadok)



Info

Pet iceti nubanse dog
Gamong iceti iket cuwak
Kilengij iceti kineng nu kerop
Kiperad iceti umpun



Ektiviti

1. Bacak seloke ku kemil ru gunakan senembut, nada ru intonasi de betol.
2. Bincang ru hurei iceti seloke nujap rangkap.
3. Jijoi cuntoh seloke ku kemil, hasil empat rangkap seloke betema cerite rakyat.





Engrok Hubug Genabung

Pak Pandir

Ku nanek jis, pepegelap Mak Andeh kiberyol Pak Pandir ju beknet mende kaha or kijet jareng. Jareng ajeh kiterhan ya Mak Andeh ku beg teu. Pak Pandir kiperbet ilei. Mak Andeh kikenjip hangat isengik mende kicerngai engrok lehem Pak Pandir kibet nej.

Pek leu ju kenjeh, Mak Andeh kihai ku ientag Pak Pandir. “Hek hod kus ka hek nyek?” Mak Andeh kiurok. “Eng hod kusloh adeh,” jawab Pak Pandir teros kijinjeg kikekjet suarak Mak Andeh rah engku. “Hek sengoh nu bahayak atao nu yoj beleg adeh?” tanyak Mak Andeh sambel kicap nubilah yoj beleg. “Eng tok sengoh nu bahayak tapik eng sengoh nu yoj beleg ajeh,” jawab Pak Pandir kerok iberog. Pak Pandir teros kiet nu mateu kaha jet jareng.


Pak Pandir kiloi ku beg teu, kiburu jareng ya raroj ru bebelit-belit. Pak Pandir kikerek. “Yama jareng adeh rah adeh?,” kibelwal kihalei. Pak Pandir kilep ru semiyak. Pak Pandir kikekjet mende kiserangik kateh jareng ajeh kak entoi paknyak nek raknak relai. Pak Pandir kiserngik relai ajeh ialoh kak ruan. “Adeh tentuloh amek ruan,” sergik Pak Pandir. Wah, raknak amek ruan adeh tentu Mak Andeh kikerakmik doh!” kibelwal kihalei nej. Pak Pandir kijet ijareng teros kianj juk “kak entoi” ajeh.

Lei nu madeg, Pak Pandir teros kianj ijareng ku kateh deg. “Mak Andeh, har kep kak entoi,” cereg Pak Pandir ru sengik kerakmik. “Kak ma?,” tanyak Mak Andeh ju dengwal. “Amek ruan,” balas Pak Pandir. “Entoi belok amek ruan ajeh? Entoi teg atao entoi kemung?,” Mak Andeh kaha panei. “Entoi rah lempa. Cereg rah kening beleg,” Pak Pandir kiog panei. Kicerngai engrok Pak Pandir, Mak Andeh pen teros kihol nu pabeg. Mak Andeh kihai mende kikekjet kineng relai entoi ajeh. “Relai,” kijar kitau ju ipadeg. Kineng Mak Andeh kijar Pak Pandir pen jugak kijar samak. Katah kareh ubai jar. “Semanj maaploh Mak Andeh, eng serngik amek ruan paknyak relai,” engrok Pak Pandir. Mak Andeh kikerakdik taleh mende lekat kikekjet. Irenis seselei mende lekat kikenjip sengoh. Pak Pandir kikernyim kiselsel mende senalah ajeh.



Ektiviti

1. Pileh limak ayat tunggal ku kemil ru permuj engrok hubug genabog kijadik ayat lenkap.
2. Cerite nej ru gunak ayat lilei secare didek hibor.



Lenateh 

Bei hik becerite

Cerite asal usul


Cerita lagenda

Cerite sejarah

Cerita menatag

Duniak Cerita



 **Ektiviti**
1. Gunak renujuk tenamah, kek nanek cerite ju maklumat ku kemil ru tules cerite ku bob tules.





CERNGAI ru BELWAL

Senumpah Kak Tapah

Pak Kadok kigenmar sabung pug. Ilei jugak mong nuikor pug sabung de had handal ru senalo kimenang kateh menman sabung pug. Numom penghulu kikenjip **sakik** nu jenaye pug Pak Kadok. Penghulu ru ikawat naipakat ha perenglod Pak Kadok lei ilei terpaksa kiog ipug. Naseb Pak Kadok betamah rugak bile ilei alah kateh penetandig sabung pug lei ilei kisandar ikampug, ikenah ru ikenon. Pak Kadok terpaksa kijar nu nanek pulau ru kigei kateh deg jambor.

Ku nanek jis, kucig Pak Kadok begei kiajak Pak Kadok nu nanek tempat. Pak Kadok kijoi ikucig lei nu beg Sungai Perak. Mase ajehloh Pak Kadok kikekjet bile kineng nuikor kak tapah de had entoi ru iket pelcos tedampar ku darat. Pak Kadok teros kicog iket kak tapah ajeh. Kateh ket kak tapah ajeh mong secupak emas. Pak Kadok kikenjip kerakmik. Telas ajeh, Pak Kadok kicig nej iket kak tapah ajeh kigunak cog bemban.

Peksendok kiterlas nej kak tapah ajeh, Pak Kadok na kibesumpah itenurun tok buleh naicak kak tapah lei bile-bile. Lei jis adeh senumpah ajeh lekat kekal ru jadik pantag de mesti bijoi ya itenurun. Tenurun Pak Kadok de nailanggar pantag ajeh an tekanak nyaknyik getek de bicereg penalik iaajeh getek an kijadik behej ru **temak**. Nyaknyik adeh buleh biperlai ru ngut atao mamuh teu tebeg emas ajeh.

Emas ajeh lekat **bidol** ya wares Pak Kadok lei jis adeh ku kampug Lambor Kanan Perak.



Ektiviti

1. Besual jawab ha peneajar de mong kateh cerite ku kemil ajeh.
2. Beh peta alir ha sinopsis cerite ru peterang kateh kelas.

1.2.3
3.1.1



Info

Sakik iceti dengki
Temak iceti kudis
Bidol iceti bisimpan



Asal Usul Tasik Chini




Ku jaman manah, mong nu kenumpol mai Jakun ku Pahang de naicip ku was kateh serag ru naiteroke serte naibukak tik ha ceknet. Ku nanek jis, semase kenumpol sengoi ajeh bekumpol ha becekcet, **haj** hol numom mai engrak kerdor betungkat de kimur ru kipasal was ajeh mongloh ha ilei. Lienai hodloh naisemanj canuk amen naiha teroke. Tok batin kisemanj maaf ha kelakuk **ikod** ilei. Telas ajeh, mai engrak kerdor ajeh kiog nu kenumpol sengoi ajeh ha naikerkor. Ha kiperneng tik ajeh mongloh ha ilei, ilei kicep tungkat ku tik ku padek was biteroke. Peksendok kinyep, mai engrak kerdor ajeh kibesat de lienai tok boleh nairos itungkat.

Semase lienai **bekeneh**, haj cok kijel tok henti-henti. Numon ju lienai kiceryak ikayat cok ajeh kijel ru ilei kekjet bile kineng cok ajeh kijel nu ala jehuk karuk de entoi ru niknej. Keral ajeh kipej ikeneh ku ala jehuk ajeh. Teros hol bihip ju jehuk ajeh. Keral ajeh kisengoh ru teros kipasal nu ikekawat tapik lienai tok naipercayak. Tok leu ju kenjeh, haj sagup betukar kijadik belak bijoi ru engkuk peksendok manik lebat.

Kenumpol sengoi ajeh naijar ha naiceryak tempat belindong. Kateh keadaan kelam-kabot ajeh, numom ju lienai na kiros tungkat de bicep ya mai engrak kerdor. Telas ajeh jugak, hol teu ju lubog ru kitenglap was ajeh. Was de tenglap adehloh, kijadik tasik de bikenal sebegei tasik

Chini ku Pahang. Jijoi cerite mai pasak, jehuk karuk entoi ajeh, mongloh jelmaan nuikor nagak de bikernal sebegei nagak Sri Gumum.



i **Info**

Haj iceti tibak-tibak
Ikod iceti mai kampog ku kerop
penetadbir tok batin
Keneh iceti jehuk tenugal

Ektiviti

1. Bacak cerite ku kemil adeh secare pintan gunakan senembot ru intonasi de betol.
2. Jawab senual penengham ku kerop adeh:
 - a) Jenadik kateh cerite adeh belakuk ku belok?
 - b) Yama mai engrak kerdor kimur kenumpol sengoi ajeh?
 - c) Jijoi peniker engkek, ma unsor masarakat de mong kateh cerite ajeh?

Doyan Sayet Moh Sahreh

Doyan kenon tunggal nu Ateh ru Atuh. Lienai mongloh mai Mah Meri ru naigei ku Kampung Sungai Judah. Iapak ya leu kidat. Doyan bermoh sahareh. Ilei had sengoh an manik mende ilei kirisau imoh an permuj teu. Mende ajehloh nu belok-belok kicip hod kianj payung niknej ru ilei kihok an ipayang ajeh.

Doyan senalo binye ya ikekawat. “Hik agok bekawat ru Doyan, moh ilei rah dog rah orang utan,” peder kekawat Doyan. Telas ajeh payung ilei birampas ru bipej kateh batangari de deras. Doyan kijinjab mende payung haknuk ilei nyep kateh batangari.

Semase Doyan kijinjab, haj hol numom jajak bermuh Moyang Busut. Moyang Busut kitanyak Doyan, “Doyan yama hek jinjab?” Doyan kikekjet ru kisengoh, “Bok enjun?” Senual Doyan. “Agok sengoh, eng Moyang Busut. Semanjloh ma taleh hek hod, eng ngpasti an tulug hek,” jawab Moyang Busut. “Buleh ka enjun tulug berkep payung eng de bipergel teu deras,” semanj Doyan. Moyang Busut kinyep go ru telas ajeh kihol ru payung emas. “Adeh ka payung hek Doyan?” tanyak Moyang Busut. “Nyiknyuk, payung eng niknej taleh,” balas Doyan.

Moyang Busut kinyep nej ru kihol ru payung niknej. “Adeh ka payung hek?” tanyak Moyang Busut. “Betol, adehloh payung eng,” jawab Doyan kerakmik. “Mende hek jujur, eng an ngterbor moh hek rah sengoi bernor. Tapik ru nanek syarat, hek ru tenurun hek mestiloh engkek hias busut adeh nujap gecek lau,” peder Moyang Busut. Doyan pen kisetuju.

Telas ajeh Doyan kijuk ru kicerite kisah adeh nu iamek. Telas peristiwa ajeh, moh Doyan beubah rah moh sengoi biasak. Doyan kikenjip kerakmik mende ilei tok nej binye ya kekawat. Ju ajehloh, nujap gecek lau Doyan ru ikaom an naihias busut ru lienai persembah gengsag Mayin Jo-oh sebagei tandak abor haknuk nu Moyang Busut.



Ektiviti

1. Bacak cerite ku kemil adeh ru cerlah nu memerip babak.
2. Og peniker engkek, yama hik tok buleh hicacek ru tok hurmat nu mai dadat?





Nazam Dayang Tekukur

Kisah Dayang menaleh Temuan,
rugak isinui tok keruan.

Iapak ru amek senalo ubai kerah,
Dayang beh kerjak lei kilelah.

Sinui Dayang tok pernah sernuk,
Nujap jis bipal ru birook.

Nanek jis Dayang gei besedeh,
Tekukur bimur naseb menaleh.

Kekjet Dayang tekukur bepeder,
Tekukur kikenjip cenen an Dayang.

Betahut Dayang bipehamba iamek,
Tekukur kiajak cip joi ilei.

Telas kisetuju joi tekukur,
Beubahloh ilei kijadik tekukur.

Iamek kisesal ru ikelakuk,
Senaloloh ilei kipoj Dayang jug.

Ju anenloh Dayang tok kijug nej,
Tekukur pen senalo mong rek was deg.



Ektiviti

1. Dindang nazam ku kemil adeh.
2. Senarei persoalan de mong kateh nazam adeh.
3. Yama apak ru amek patut ubai hok ikenon?



Ayat Ektip ru Ayat Pesip

Yama Hok Kurak Kor

1

Kateh nanek serag, mong nuikor kurak bekawat ru nar ekor cep kelag. Ku nanek ketike, kayat gus hoj de cereg, rimdij jehuk ru tenumboh dat ru kulam was lienai menman jugak sot.



3

Kurak kikenjip bangga ru megah bile kicerngai engrok sesayet besurak naikerek, “Kurak boleh ki heg? Neng ajeh... kurak boleh kiheg! Kurak boleh kiheg!” Akibat terlalu kerakmik ru bangga, kurak kiang iempag ha hod kipasal ilei mimang boleh heg. Kurak kisip bengsat ikekawat.



2

Cep kelag ajak kurak jegjek ku tempat kilek. Kurak kikenjip susah isengik mende ilei tok boleh heg. Ubai beh cenadang nu kurak dek kikap nu jehuk ru lieubai anj kurak kiheg ru jehuk ajeh.

Ubai besat dek kurak tok boleh samak nunoh kiang iempag semase ubai anj heg. Kurak kibejanyik ha patoh ru ernor ajeh. Laluk ubai pen anj heg kurak rentas serag, batagari lei lienai rentas nu nanek kampug.



4

Haj pai ilei sadar, ilei kijer ru tok nej kijeljol ku jehuk de bianj ya cep kelag. Ilei kilayang-layang ku udare ru kijer bihempas ku tik. Ihok kor ru ijug lukak. Akibat peristiwa ajehloh ihok kurak lei hunen rah kor.

Ayat Ektip

- Ayat de kiutame bahneh sebagei pelaku
- Ayat ektip higanak neimboh ki icuntoh:
Wak Rita kibacac bob cerite kateh bilik.
Bah Jeka kioh hadiah nu Cikgu Tipah

Ayat Pesip

- Ayat de kiutame objek ru ibahneh.
- Ayat pesip bi ru ya icuntoh:
Bob cerite bibacac ya wak Rita kateh bilik.
Hadiah biog ya Bah Jeka nu Cikgu Tipah



Ektiviti

1. Kernal pasti ru senarei ayat ektip de mong kateh cerite.
2. Tukar ayat ektip de engkek kep nu ayat pesip.
3. Jijoi cerite ku kemil, beh dailog antare kurak ru cep kelag.


5.1.3
2.5.4



KENUKOH

Lenateh 

Duniak Cerita



Hang Tuah



Cerite Puteri



Kisah Gunung Ledang



Tasek Bera



Cerite Sang Mergas



Kisah Pahlawan



Ektiviti

1. Jijoi gambar-gambar ku kemil, senarei cerite-cerite wenares de engkek panei.
2. Pileh nanek cerite wenares ru tules cerite ajeh.




Tugu Monumen



Tugu Peringatan Jepun, Mentakab, Pahang



Kubu Perang Kampar, Perak



Tugu Peringatan Perang Dunia Kedua
Jepun-Australia ku Sungai Gemenceh,
Negeri Sembilan



Tugu Peringatan Petempuran Keroh, Perak



Ektiviti

1. Jijoi gambar ku kemil, kek sejarah de tejadik ku was ajeh gunakan menudah Internet. Telas ajeh beh penebentang kateh kelas.
2. Ma pekare de tesirat engkek kep ju penejuang kateh hipetahan negare?



Penelumbong Bijih Timah

Penelumbong ku Tanah Melayu senalo birujok ku penelumbong bijih timah mende hasel penelumbong logam kilek begei emas mongloh telaluk gek. Secare am, ektiviti adeh biui secare macot ya pembesar Gop. Kateh timpoh de lebeh lingah, genunak **pam keliker** ru bebegei na kirangsang hasel **hel nol** teros huj.

Penelumbong bijih timah berupe nanek **industri** de engrak ku Tanah Melayu ju jaman Kesultanan Melayu Melaka. Bijih timah na kitarek minat pedagang-pedagang aseng ju negare luar begei Arab, India, China ru Eropah. Bijih timah de bilumbong ju was **jeres** na bilebor ru bijidik **jongkong** laluk bianj nu hilir pateu ha biniagak.

Lei tahut 1820-an, penelumbong bijih timah berupe peneusahe mai Gop. Lumbong-lumbong adeh bikuasak ya rajak ru pembesar. Enai naigunak care **bekelit** ru **medulang** ha melumbong. Hasel monglah tehad. Selaen ajeh, sikap mai Gop de naianggap pelumbong ajeh hanye berupe kerjak senambel kikayat penekembang tok pesat.

Jijoi inisiatip pembesar, enai na galak muj mai Cerawas sebegei **tenage kerjak**. Selaen ajeh, dil peneubah **radikel** ku Eropah ju sengik genunak bijih timah kikayat senmaj ku bahan ajeh na kihuj. Ku tahut 1840-an, peneusahe adeh betukar curak bile keknepe was pai ru meknuj modal. Mai Cerawas naipekenal care penelumbong de lebeh **epektip** bebanding kaedah tradisionel. Keadaan adeh na kianj peneubah kuasak bekenae penelumbong mai Cerawas ku Tanah Melayu secare rimdij.

Ipenyudah, kerajaan British jugak beusahe kiujud suasane de bor ha penekembang peneusahe bijih timah swasta milik mai Eropah. Enai gunak kapal korek ha melumbong. Ru ajeh, peneusaha bijih timah ya mai Cerawas mulak bikot ya sarikat Eropah mende teknik kapal korek de kep melumbong ru geju ipenyudah naijuwal peneusahe lumbong bijih timah enai ku **sarikat** British.



Info

hel nol iceti produk de biperhol



Ektiviti

1. Bacak lantang ru jelos nepetek ku kemil.
2. Og ceti nekate de bikale belek.



Kelab Sejarah Sekolah

Engkek berupe Ketua Kelab Sejarah Sekolah. Engkek na rancang ha anj ahli kelab melawat nanek was besejarah kateh Malaysia. Jijoi maklumat ku kerop, tempat belok engkek pileh.

BANDAR MELAKA

Bandar

IPOH



Tareh ju harik
(3 jis 2 kelem)

Jarak ju sekolah
(Rujok *Google Map*)

Kek jumlah kos:

1. Hotel (rujok Internet)
2. Kos caknak RM25.00 nujis
3. Kos-kos muj tempat bebayar
3. Bas bisedie ya sekolah

Senarei neunik was sejarah



Ektiviti

1. Ui nanek kenaji bekenat was ju bebegei sumber de sesuei ha ui lenawat.
2. Ju hasel maklumat de bikep, ui nanek surat resmi.

3.2.2
1.3.2





Yog Trolak ku Teg Jepun

2 Januari 1942, Kampar ipenyudah yog ku teg askar Jepun telas empat jis betempur. Jeoi kawat sepenejuang gugur nu tik. Amen joi penekirak iasal, penasok eng hod kerlag kenemarak pehak lawan. Namun, rimdij penerancang kol begei jehuk bicantas. Kenemarak Jepun walah amaran ru bekekjet lei bumi Jitra nailanggar ru hunen Kampar poi mase bihakot.

Pehak Jepun naiubah taktik senerang ju ala tepik ru kenok kubu. “Tuan, tenenbot ru anggota ya siap sedie,” celah Sarjan Max de kihop kakkek eng. “Bor... jok hik cip hunen... nyawak hik begei pengleg ku mol tandok,” eng berkep senapang ru nghuj lori. Ceknip jik deras jidek was betempur. Rimdij anggote hineng selei ru seril. Bumik Malaya adeh aseng ha jik rimdij mende jik tibak ju England ru India. Tanggongjawab nu penasok kianj jik bejuang ku padeh bitamah nej Jepun mulak naitentang Pehak Berikat.

Telas 3 Jam ku nong, jik pen lei nu pos penetahan ku Trolak. Jik bisambot ya Kapten Alex ru ianggote. Renis enai becampur-baur. Ya enai panei gamak de Kampar dah yog nu Jepun. “Bor berkes Kapten John ru selamat tibak nu pos penetahan jik,” Kapten Alex kieb eng ru bejabat teg. Selese beborak, jik biog was beparik ru caknak ha isik ket de kusong ru puleh tenage. Kelem ajeh, eng bicereg ya anggota Kapten Alex ha taklimat operasi ku kemah pusat operasi.



Rimdiy pegawaii mong ku kateh ajeh. Bile Mejar Johnson kimulak taklimat keadaan jadi serakngek. “Bor kelem, eng Mejar Johnson pegawaii de uros was adeh an peterang tugas ru tenindak hik ha kerlag kenemarak Jepun. Was kenawal hik adeh ilengwas 60 batu lei nu was serag” jelas Mejar Johnson sambel kiternyul ku peta operasi tepampang ku dinig papat. “Amen joi penekirak ru analisis jik pecayak kep kerlag Jepun ju senerang bitamah mong nanek penasok bateri an pekuat pos petahan adeh,” nanek yenakin ru motivasi ku anggote kilek. Selese taklimat, rimdiy pegawaii naicip nu was operasi de bitetap kelem ajeh jugak. Rimdiy anggote naipeseryap senjate ru terbor was belindung.

5 Januari 1942, sekitar 3.30 berkes pos penetahan jik bikekjet ru senerang ya penasok Jepun. Jik ya besedie ru tenibak enai. Numon demi numon askar Jepun gugor ku tik ru senerang enai bikek kerlag. Jerled tentera Jepun kiog jik ruang ha besiap nej senjate ha poj gelombang nunar. Jik poj kateh senusah sengik mende jik panei nyawak jik buleh kidek bile-bile mase.

7 Januari 1942, pukul 3.30 pegelap manik lebat kicheh bumi Trolak. Engrok manik biselang-seli ru engrok benedil mortar. Benedil ajeh kiog kekjet nu rimdiy jik de bekawal. Jik hale benedil nu ala nong de kelap. Kerite kebal Jepun kiperlau ju nyak ru benedil meriam kiale nu kubu penetahan jik. Boom! Kubu penetahan englag kengwil meletop ru anggota kateh jeh tekurban. Adeh petandak tok bor ku jik. “Semanj benantuk ju penasok bateri atileri,” eng enghai ku anggota semboyan. Kateh kelam-kabut anggote eng kep behubong ru bateri de bitempat ku Slim River. Benedil atileri kikenak nanek kerite kebal musoh tapik tok kep kerlag memerip kerite kebal kilek. Henubong radio gecat mende bibedil ya Jepun kitamah senusah nej. Jik walah senjate anti-kerite kebal ha musnah unit kerite kebal Jepun.

Ipenyudah, usaha Jepun ha musnah senekat jik bejaye bile nailanggar pintu kubu penetahan jik ui. Jik tok laluk betahan nej ru neasak musoh. Eng ngor rimdiy anggote de mong dek bepech ju gu macot ru jar jijoi serag. Rimdiy anggote hodloh bekumpol ku Slim River. Anggote de mong beansor-ansor naidek kateh kelap ru manik lebat. “Tuan, ya tibak mase hik jerled. Ayoh hik teros bejuang nej ku Slim River,” Sarjan Max kitepok kenok eng. “Ayoh” engrok motivasi eng ha bejuang nej.



Ektiviti

1. Bacak cerpen ku kemil ru ui sinopsis.
2. Beh nanek bicare beirama jijoi cerpen ku kemil adeh.



Engrok Tenayak

Engrok tenayak begei ma, yama, merip, lempuk ru begehharok.



PENAMER TOPENG SEDUNIAK

20 APRIL LEI 20 MEI 2018

9.00 PEGELAP LEI 6.00 BERKES

MUZIAM NEGARA

www.jmm.gov.mu



Ektiviti


1. Beh engrok tenayak bekenaeet penamer topeng.
2. Muzium Negara was sesuei berajal sejarah. Hurei penyeyate adeh.

5.5.3
3.4.1

CERNGAI ru BELWAL

Hidmat Masarakat

Duniak Cerita



 Ektiviti

1. Jijoi gambar ku kemil og pendapat engkek? Hurei pendapat engkek ma paedah hik telibat ru hidmat masarakat?

1.3.4
3.2.4

Nyeh Samak Higelgol, Hanyok Samak Hitajag

1 Bor huper, Ayeh? Eng Wak Wisna. Ma hek ui ajeh?

3 Eng ha tanyak, ma iceti *nyeh samak higelgol, hanyok samak hitajag* Wak Ayeh?

5 Amen begei ajeh, icuntoh peribahase adeh rah begutong-ruyong semase hiui majeles mai bekenah gensir atao hik berseh was jeniran. Kerjak ajeh an kiseleseisei ru deras ye.

7 Amboi, cereg bernor peneterang hek wak ayeh! Eng kenjip sernukloh bincang ru hek adeh. Jeoi idie eng ngkep. Amen begei ajeh bor eng beh lenateh adeh. Abor haknuk ye Wak Ayeh. Bai.

2 Bor huper. Oh, hek Wisna ka! Eng pai cackak adeh. Ma ihal hek telepon eng?

4 Oh, iceti peribahase adeh kilambang masarakat de senalo bekerjasamak kateh rimdij neamal enai.

6 Betol ajeh Wak Wisna. Wah, deras bernor hek bepiker ru og idie! Nyiknyuk ajeh taleh Wisna, neamal adeh buleh kipernyep sikap individualistik kateh dirik nenumom.

8 Samak-samak, Wak Wisna. Bai.



Ektiviti

1. Bacak ru paham daiilog ku kemil.
2. Jijoi peribahase *nyeh samak higelgol, hanyok samak hitajag*, beh nanek kenarag icengreg tok lebeh ju 180 nekaté.



Surat Semanj Senumbang

Persatuan Penduduk Kampung Pos Cenghoi,
Jalan Pahang,
35000 Tapah, Perak.

Yang Berhormat Bah Azlan bin Mahfis,
Pusat Khidmat Komuniti,
Jalan Pahang,
35000 Tapah,
Perak Darul Ridzuan.

28 Mac

Tuan,

Semanj Penealat Dewan ru Balai Raya

Ru segala hormat bimaklum bahawa Ahli Jawatan Kuasa Persatuan Penduduk Kampung Pos Cenghoi kateh pruses seryap balei serbagunak ha menudah penduduk kampung.

2. Senehubog ru ajeh, ha pelenkap menudah balei tersebot, jik hod memerip penealat iaajeh:

- a) kerusi – 150 unit
- b) mije – 50 unit

3. Hamaka ru tebeg kenjip patik dirik, jik hod jasak bor ju pihak Yang Berhormat ha hulur senumbang penealat ajeh atao peneuntok jerengkeh ha jik belik lijik.

4. Jik harap dek pihak Tuan boleh kippetimbang semanj jik. Ju senumbang ajeh keploh kilenkap lenenkap serte pungsi balai raya kampug ha menudah penduduk kampung adeh semase kibeh sebarang ektiviti.

5. Senumbang pihak tuan boleh bisalor ru care ku kerop:

- a) Jerengkeh tunai/arap Teros nu bermuh tandakteg ku kerop atao Bendahari Persatuan
- b) Cek kemil muh tandakteg kukerop atao bipos ku alamat ku kemil
- c) Akaun Persatuan: Semai Bank, akaun No. 3XXXXXX00

6. Kerjasamak ru benantuk ju pihak tuan jik ucap abor haknuk.

De mentol,

.....
Yok Haron Bin Yok Bedol

Pengerusi Persatuan Penduduk Kampung Pos Cenghoi
No. Tel: 019-9999888



Ektiviti

1. Bincang kateh gu ru beh ayat-ayat de betol jijoi laras engrok de sesuei.
2. Tules nanek surat ha jempot penceramah motivasi ha og teknik jawab senual.

3.1.5
5.2.1



SENI ENGROK



AUDIO 13

Jiwak Macot

Rek tapik kenjip nyak iceknip,
tok tekirak ma taleh,
semangat rengai **beroi**,
cite-cite lei nu perloi,
enai hod berajal,
hod biternyul ajar,
namun ijiwak macot.

Kijar nu ingar kicap cog henarap,
kibese amen bidek nyak,
cubak kikus rah mai,
tapik kiyog betades,
mong semangat de kuat,
mong azam de jitu,
namun ijiwak macot.

Kiai, kisagak, kiselsel,
tok buleh kiwes alaupen kijak nu gecek,
bize ru mai tok kikerlag iheknot,
kicip samak kadang bitindas,
kipeccayak semangat kianj,
cenekal luar biasak,
namun ijiwak macot.

Nanek jis pasti,
belok milik hik,
bangsak bipingir atao bangsak bisanjong,
hik akuk alah atao hiakuk menang,
ama hik beserah ama hiputos asa,
teros hineng ku pigoidoh,
jenerasi hunen penentu wares,
ijiwak macot ijiwak kental.



Info

Beroi iceti oi kiperhol cahayak
Kiai iceti kiselsel



Ektiviti

1. Bacak puisi ku kemil gunakan senembot, nada ru intonasi de betol.
2. Bincang iceti nujap rankap puisi ku kemil.



Engrok Seru

Adoi,

penglit bikap ya las tep!

Acut,

bengket teh ngngut adeh!

Ee,

ilasik Menara Petronas ajeh!

Eh,

yama eng bidek ya bas!

Abekdek,

kurol eng nyaknik!

Yok,

bernor penakei hek Han Sanah!

Yak,

dij ceeh tinkap kakak ajeh!

Amboi,

bebencot kenon kucig adeh!



Ektiviti

1. Padan engrok seru ru ayat de biog.
2. Tules cuntoh ayat kilek gunakan engrok seru ru perneng ku kateh kelas.

5.1.3
3.3.3




Info

Engrok seru ialah mentok engrok ru bepungsi ha perlei bebegei ragam sengik rah belal, nyik, kerek, sedeh, sengoh, kagom ru bebegei.



Peribahase

Duniak Cerita



Blank writing area with two horizontal lines.



Blank writing area with two horizontal lines.



Blank writing area with two horizontal lines.



Blank writing area with two horizontal lines.



Ektiviti

1. Tules peribahase sesuei jjoi gambar de biog.
2. Kek iceti ru beh ayat jjoi peribahase ajeh.





Kerjaye Penileh Eng

Kerjak Kerajaan

LENEBEH

- Jenamin berengkep nujap gecek.
- Kep genajar bonus atao anugerah penehidmat cemerlang.
- Menudah perenglai pecume.
- Biperhuj pangkat.



KENURANG

Kerjak Swasta

LENEBEH

- Berengkep de lumayan.
- Benayar bonus lumayan jijoi untong sarikat.
- Peluang biperhuj pangkat lebeh jeoi.
- Peneurus organisasi lebeh sistematik.



KENURANG

Kerjak Lilei

LENEBEH

- Buleh bitentuk penileh kerjak de hod bibeh.
- Tetap senasar kerjak jijoi heknod lilei.
- Berengkep lumayan amen bekerjak lebeh kuat.



KENURANG



Ektiviti

1. Jijoi jadual ku kemil adeh, bahas bidang kerjaye de lebeh bor?
2. Jijoi peniker engkek, ma kenurang nujap kerjaye ku kemil adeh?
3. Tules kerjaye de engkek minat ru og ikayat.



Kerjaye Sebegei Juruhebah

Amran bin Anjang ialah nanek muh de tok aseng nej kateh masarakat hik. Ilei berupe numom ju masarakat hik de bejaye kateh bidang seniar. Hunen, ilei behidmat sebegei juruhebah ku Radio Asyik FM, Angkasapuri Kuala Lumpur.

Amran bin Anjang kiyos ku 5 Disember 1983. Iapak Anjang bin Mat Ali ru iamek, Wak Lep a/p Aban berupe mai Semai. Amran beasal ju Kampung Orang Asli Batu 7, Kuala Woh, Tapah, Perak. Amran kikep penedidek imulak ku Sekolah Kebangsaan Batu 7, Tapah. Ilei kicerot iberajal nu Sekolah Menengah Sri Tapah ju teningkat nanek lei teningkat limak. Telas ajeh, ilei kibejaye lanjut ipelajaran ku Institut Teknologi Perak (ITP) kateh bidang Diploma Kejuruteraan Mekatronik ju tahut 2004 lei tahut 2007.

Telas tamat berajal, ilei mulak bekerjak sebegei penganalisis data. Telas ajeh, ilei kibetukar kerjak sebegei juruhebah ku Radio Asyik FM ju tahut 2008 lei hunen. Amran kianggap behidmat sebegei juruhebah jeoi neistimewe. Icuntuh, kerjaye adeh kep kipupok tahap cenempet komunikasi de bor ru jelos. Selaen ajeh, numom juruhebah jugak mong yenaken de lasik mende senalo behubug ru mai jengoi. Neistimewe kilek kerjaye juruhebah adeh jugak ialoh kimampuk bepiker secare spontan semase kikendali majeles ru mampu senalo tenang.

Hunen, Amran senalo bijempot sebegei juruacare kateh pelbegei majeles. Amran kibependapat, masarakat hik hodloh senalo beusehe ha kimaju dirik. Hik jugak agokloh telalu selese ru keadaan semase. Ilei beharap masarakat hik hodloh berajal selagik hihod. Bok-bok pen tok boleh ubah naseb hik mai sengoi melaen hik sendirik. Ju penedidekloh masarakat hik boleh kiubah naseb.



Ektiviti

1. Bacak nepetek ku kemil adeh.
2. Jawab senual penengham ku kerop adeh:
 - a) Ku belok Amran bin Anjang kibetugas hunen?
 - b) Ma lenebeh amen hik hijadik numom juruhebah?
 - c) Og peniker engkek, yama kerjaye sebegei juruhebah boleh hik hipejadik kerjaye penileh ku mase nungar?



MENULES



Neandam Kerjaye Lumayan



Suhainirus binti Sulim ialah numom de minat kateh bidang kecantikan teutame bidang neandam. Suhainirus kiyos ku 8 Mei 1981. Ilei beasal ju Kampung Ulu Mampas, Terachi, Negeri Sembilan. Ilei berupe mai Temuan. Perinkat awal, ilei kiandam pengantin ku ikampug secare sukak-sukak taleh tapik jengoi de genmar ru ihasel neandam ilei. Ju usie ilei 14 tahut nej, ilei mulak berajal senolek ju majalah ru Internet taleh. Telas ajeh, ihidmat sebegei mak andam mulak luas nu kampug-kampug kilek jugak. Ilei senalo bijempot sebegei mak andam ku majeles-majeles jekjeg.

Ha kiperhuj cenempet ru kiasah ibakat kateh bidang kecantikan, Suhainirus mulak kijoi krusus-krusus kecantikan de jeoi bitawar hunen. Malah, ilei jugak mulak kiberajal ceknig penakei pengantin. Sipat gigih Suhainirus na kijoi krusus-krusus neanjor ya agensi-agensi swasta, hunen ilei mampuk kiperkus pusat neandam lilei. Pusat neandam ilei adeh nyiknyuk taleh kiog hidmat neandam tapik jugak pakej pengantin rah penakei pengantin ru pelamin.

Suhainirus kibependapat antare neistimewe kicebor bidang neandam adeh ialoh bidang adeh mampuk kikep berengkep de lumayan, terutame hunen masarakat hik mulak lienai gunakan hidmat mak andam nujap noh mong majeles jekjeg. Selaen ajeh, ilei beharap masarakat hik hodloh naisahut cenabar cebor bidang adeh mende bidang adeh mampuk bijadik bukti de masarakat sengoi hik mampuk besaeng ru masarakat kilek kateh pelbegei bidang. Suhainirus mong neimpi ha kipeentoi nej peneniage kecantikan ilei adeh.



Ektiviti

1. Beh renumos ru og penandag engkek ha kerjaye kateh bidang neandam.
2. Og peniker engkek, perlu ka kerjaye neandam adeh bipeluas kateh kenalag masarakat hik?

3.3.4
2.4.4



Adeh Penileh Eng

Rim dij urag mong icite-cite. Eng pen mong icite-cite. Ju sekulah rendah nej eng becite-cite ha ngjadi k numon juruterbang. Mesti hebatkan amen cite-cite eng adeh kep bicapei. Ha cite-cite adehloh, eng nghod berajal besunggoh-sunggoh dek ngkep penutos de cemerlang kateh peperiksaan.

Tapik bile eng ngpasal cite-cite eng adeh nu apak ru amek, mesti ubai rok. “Hek ajeh kerdor Mila... juruterbang nyiknyuk kerjak de sesuei ha kerdor,” peder amek. “Betol ma de amek kipasal ajeh Mila... jeoi kerjak kilek buleh hek pileh de lebeh sesuei ha kerdor rah cikgu, misi atao doktor,” balas Apak.

Eng ngkenjip hod jenjap bile cite-cite eng adeh tok bipesetuju ya apak ru amek. Ma mesti mong diskriminasi jantina kateh pileh kerjaye ha mase nungar? Eng ngsedeh ru kecewa mende minat ru cite-cite eng tok kep senukong. Tapik hal adeh tok kiluntor semangat eng ha ngcapei cite-cite, malah semangat eng gu kuat ha ngjadi k juruterbang.

Eng senalo ngceryak maklumat bekenae t kerjaye juruterbang. Eng ngnekad ru cite-cite adeh. Eng an ceryak care dek apak ru amek baiog senukong ha eng ngcapei cite-cite adeh.


Nanek jis semase jik ngekngut ku idui, eng ngberanik dirik tanyak nu apak. “Apak, jaman hunen keral ru kerdor samak penteng ru samak tarapkan? Apak kiangkit ikui ru nengneng ku eng. “Betol... jaman hunen keral ru kerdor tiktok ibize, ma de keral buleh beh, kerdor pen buleh beh jugak,” Eng ngkernyim cerngai jenawab apak. “Jadik tok sekloh amen eng ngbecite-cite hod jadik juruterbang alaupen eng kerdor?” Apak kikerenjet cerngai sensual eng ru teros kineng amek kuenglag. Apak kijadik serbe salah ha kijawab.

Telas ajeh, apak pelehem cereg. “Hek betol-betol becite-cite jadik juruterbang bile raknak?” Tanyak apak. Eng ngangguk kui sambel kernyim. “Yama hek becite-cite jadik juruterbang?” Tanyak apak nej. “Juruterbang kerjaye mencabar apak... eng nghod heg lasik bile ngjadi k juruterbang eng buleh cip ku jeoi negara ku duniak,” Apak kineng nu eng ru ilei kernyim.

“Alau ajehloh cite-cite hek Mila, apak ru amek tok an jar kerlag tapik ru sarat, hek hod berajal sunggoh-sunggoh ju hunen,” peder apak. Eng teros ngeb apak ru amek. Apak ru amek bai beleklug

ubai neng ragam eng. Restu ru senukong apak ru amek nu cite-cite eng adeh betol-betol beh eng ngkerakmik. “Cite-cite eng... poj eng tibak,” peder eng kateh nus sambel kernyim.



 **Ektiviti**

1. Bacak cerpen ku kemil adeh ru senarei penewatak Mila.
2. Hurei nilei de mong kateh cerpen.



Tapak Ceknet

Wak Sara kiperop iamek nu tapak jenuwal ceknet henias. Semase ku tapak ajeh, Wak Sara kiburu ikawat Bah Jepri.

Wak Sara: Bah Jepri... ma hek beh ku padeh?

Bah Jepri: Eh, Wak Sara! Eng ngbantuk akonj eng ku tapak adeh.

Wak Sara: Oh... jadi adeh tapak akonj hek loh ya. Jeoi ceknet henias ku tapak akonj hek adeh. Ibungak pen jeoi banse. Bidik ngneng... ceknet er mentol.

Bah Jepri: Ceknet padeh bijagak ru had bor, bibajak ru biceh nujap jis.

Wak Sara: Cerendig hek jagak ceknet padeh ya, ru bok hek berajal care-care jagak ceknet adeh?

Bah Jepri: Eng berajal ju akonj eng. Ilei kiajar care-care hirui benih, jagak ceknet, bajak lei ceknet adeh entoi. Eng mimang minat bekebun.

Wak Sara: Borloh hek minat kateh bidang adeh. Eng kenjip mesti berengkep de akonj hek kep had lumayan kan?

Bah Jepri: Hoooh, eng pen kenjip berengkep de akonj eng kep agak lumayan. Akonj eng mimang cempet kateh ceknet henias adeh mende ilei senalo kijoi krusus-krusus kateh bidang adeh.

Wak Sara: Eng kagom ru akonj hek Bah Jepri. Neng ku pajeh, mong jugak jehuk-jehuk de birel lasik ya.

Bah Jepri: Oh... jehuk-jehuk ajeh mimang bibiar cereg dek kijadik tempat betedoh.

Wak Sara: Oo... Bah Jepri, eng kenjip hek pen bile raknak buleh hek bukap tapak rah adeh mende hek mong bakat.

Bah Jepri: Eng mimang becite-cite ha bukap tapak rah adeh. Eng nharap buleh ngmuj ku universiti ru kot krusus penetani. Pai loh eng ngkep capei cite-cite bukap tapak rah adeh.

Wak Sara: Bor cite-cite hek ajeh Bah Jepri. Eh... amek eng kicereg eng. Eng ngcip canuk loh ye. Hik bebakek ku sekulah henlep.

Bah Jepri: Cip abor.



Info

Mong nu banse engrok penguat iaajeh engrok penguat ku ingar rah *birel*, *benar*, *had*, *mentol*, ru *agak*.



Ektiviti

1. Bacak dailog ku kemil.
2. Ceryak engrok penguat de mong kateh dailog.
3. Beh ayat gunakan engrok penguat de engkekek kep.





KENUKOH

Lenateh 

Potensi Dirik

Jenim 1

Bah Agas kiminat mata pelajaran Reka Bentuk dan Teknologi. Ilei sukak bekenaeat bidang teknikal rah terbor injin kerite ru motosikal. Selaen ajeh, ilei jugak minat berajal care-care terbor nealat letrik ku deg ilei. Ilei jugak senalo kibacak bob-bob bekenaeat pendawaian letrik ru injin serte mampuk kernal pasti komponen-komponen de mong kateh nealat letrik.



Jenim 2

Wak Rita kigemar nengneng renancang masak ru fesyen. Ilei jugak rajit kicubak resepi-resepi pai ha bercet ku deg. Jengoi de naipateh hasel berencet Wak Rita de sendap. Wak Rita jugak genmar kibantuk iamek beh koi ru caknak kilek ha bijuwal ku kampug.



Jenim 3

Yok Kiran genmar kibelukes. Lenukes ilei senalo kep penerhati guru-guru ru kekawat. Malah, Yok Kiran jugak ya jeoi noh kimenang kateh penetandig de kiserte. Lenukes ilei jugak na kep bijuwal nu mai de beminat.



Jenim 4

Han Sirna genmar nengneng neindah alam sekitar. Ilei kigenmar cat lod ru jijoi rentas serak ru kekawat. Wak Sirna jugak kikernal muh ru benize tenumbuh de mong kateh serag.



Ektiviti

1. Jijoi jenim de biog ku kemil adeh, bahas ma kerjaye de sesuei ha bipileh pigoidoh?



CERNGAI ru BELWAL

Angkasawan Negare



Datuk Dr. Sheikh Muszaphar Shukor
Al Masrie bin Sheikh Mustapha



Mejar Dr. Faiz bin Khaleed



Ektiviti

1. Ui kenaji bekenae tokoh ku kemil.
2. Begeiharok ha pupok budaye sains katehkenalag mureb?

1.4.2
2.1.4





Tenage Nuklear sebagei Sumber Tenage: Mapaat atao Mudarat?

Tenage nuklear berupe ruang de buleh biteroke ya kerajaan ha genunak pigoidoh. Tenage nuklear kijane lektrik ju pruses penebelah nuklear kateh rektor de kihasel tenage haba. Haba kitukar teu ru mentok wap ru kisalor nu turben ha kijane lektrik. Tenage nuklear berupe nunanek sumber tenage penjane lektrik de buleh kihasel kuase de entoi kateh jumlah bahan os de macot. Hal adeh mende proses penebelah berantei kateh rektor belakuk secare teneros kateh jangke mase de leu ru iperentoi jumlah tenage de entoi. Tenage nuklear jugak buleh bikategori sebagei tenage hijau mende kiterlas jumlah gas Rumah Hijau de gek secereg beoperasi. Selaen ajeh, bahnesh stesen jana kuase nuklear tok kiperlu was de luas bebanding stesen janekuase solar atao pinui. Jenim adeh kiog lenebeh ku tenage nuklear sebagei tenage alternatip de bepotensi ha bilaksane ku Malaysia.

Penejane tenage nuklear kigunak uranium de bipekayak ha kibuleh pruses penebelah nukleus kateh teras reaktor belakuk. Uranium berupe bahan radioaktip de mong keneaktip lasik ru mong jangke hayat de beril cereg. Uranium kipancar seninar de buleh kiog dil senehat lei ku perinkat sel ru nukleus sengoi. Penededah ju seninar buleh kikayat lenukak sel ru mutasi genetik. Kateh aspek senelamat ru kenawal nej, bikayat isipat de bahaye, sumber adeh buleh kijadik senasar eksploitasi atao penesalahgunak ya pehak de tok betanggungjawab. Tenamah nej, amen belakuk kemalangan de kiterlas bahan radioaktip nu alam sekitar an kikayat dil de tok bibayang.



Risiko senelamat nuklear enyuk isu utame de kijadik kerlag terhadap penelaksane progrem tenage nuklear ku negare adeh. Mong nar kekangan utame de hodloh biselese peksendok penejane nuklear iaajeh kenampug ekonomi ru penerlu sumber sengoi. Kos bahneh stesen janekuase lektrik nuklear kicak belanjak de birel entoi bebanding stesen jana kuase de kilek. Bitamah nej teknoloji penejane ru senelamat nuklear de gu rumet. Penetimbang kos enyuk taleh bahneh ru penejane tenage tapik jugak kos senelamat, renawat sise ru kos nyahtauliah. Rimdij penetimbang kos adeh an kiog dil ku tarip lektrik de bakal bikernak ku penggunak. Malaysia jugak hodloh kisedie jumlah tenage kerjak ru tenage pakar de cukup ha penelaksane progrem tenage nuklear. Tenage kerjak maher bihod ha operasi bahneh ru penejane tenage nuklear de cekap. Hamaka, pakar bihod kipantau operasi ajeh dek senalo kateh keadaan selamat ru bejagak-jagak. Sumber sengoi adeh bihod semase bemulak operasi lei telas jangke hayat stesen janakuase biperdij.

Jijoi jenim semase ru penekembang progrem tenage nuklear nasional de bimulak ju 2009. Malaysia kigei ku nong de betol ha senasar penelaksane tenage nuklear pigohdoh. Kerajaan Malaysia beusaha kitamah sumber tenage maher ru pakar kateh bidang nuklear ru penejane lektrik. Penegantung Malaysia ku sumber posil hodloh bipergek ha pasti penekekal tenage pigoidoh. Mongloh biharap bahawe usahe sektor penejane lektrik ku Malaysia kiog penulang de positip ha kijamen lenangsung benekal sumber tenage.



uranium



Ektiviti

1. Bacak nepetek nu kemil ru beh peta *i-Think* bekenae tenage nuklear.
2. Jijoi peniker engkek, uranium boleh bikep ju belok?

2.1.4
1.2.3



Teu Terawat

Teu berupe nanek penerlu penteng ku sengoi. Salah nanek pekare de buleh kigugat senejahtere sinui nuranis sengoi mongloh walah teu terawat atao cenatu teu. Teu terawat hodloh kijoi gares penandu ketat de bitetap peksendok biageh ku pengguna. Namun hunen, benekal teu berseh gu gek bikayat bebegei paktor.

Teu terawat bibekal ju loji renawat teu jijoi kaedah renawat pisikal *koagulasi-flokulasi* atao renawat genunak *membran*.

Teu berey biog dos kimia alum renujuk partikel terapai tetarik ju samak kilek ru bekumpul mementok genunpal besais entoi ru nyeh.

Flok adeh kimendap ku kateh tangki pemendapan ru tew bebas ju genunpal kihol ju tangki joi pruses *disinfeksi* genunak klorin.

Klorin bepungsi sebegei agen penyahaktip hamper rimdij mikro organisma termuj *bakteria patogon* de buleh kianj mudarat ku sengoi.

Benekal teu berseh ku pengguna.



Ektiviti

1. Bincang kateh gu ru ui nanek peta *i-Think* ibernor teu renawat.
2. Tules nanek kenarang bekenaaet penebincang gu.



Kemandirian Alam

Nanek demi nanek beselak flora unggas ru las naitibak hirup iceet enai begei kenak tenarek magnet ngoi, kaler jadik pemikat ipenyudah, **penebungak** kijadik kipersui *divisi magnoliophyta* alam kerileng jadik ibernor.

Kemandirian spesis beteneros yos jenerasi pai ru matjis pen besinar interaksi **organisma** lekat ujud **potosintesis** englag pruses alam kibekal oksigen ku duniak tujuh petalak rahuk lapes kiperneng kenuasak pecipte alam.

Hunen... eng sui kateh karbon dioksida konflik ha tawan sengoh iseteros lekat eng saksi alam semule jadik mulak nyep iseri biceroboh paksak tok kep kerlag ozon gu nipsis kijadik-jadik.

Kilang gu jeoi begei betei sulfur dioksida, nitrogen lasik ku rahuk bom de kipoj mase kijer nyahneh beasid kigugat alam indah adeh.

Cukop... celikloh akal petahan **flora** ru **fauna** belaar bumik nuimbang ekologi adeh rimdij mengkah hik gei hiwares nu mai pigoidoh.

Duniak adeh nanek peninyap amanah Nyenang agok napi hiperjoiloh kateh ipaksi belaarloh rimdij selak alam **kosmologi** alam kiolah duniak.



Ektiviti

1. Cerngai sajak ku kemil adeh ru bincang kateh gu care ha jagak alam kerileng.
2. Og iceti nekate de bibelak.



Engrok Napi

1. Engrok napi bigunak ha napi nu nunanek pekare.
2. Engrok napi boleh bicerlah nu nar iaajeh:

Nyiknyuk	Ha napi prasa ru prasa sendi muh
Tok	Ha napi prasa kerjak ru prasa adjektip

Bil.	Jenim	Ayat Nyiknyuk
1	Perubatan	Azelan: Bor huper dokter... Eng tibak mende eng ngkenjip tok sehat... ya nar jis ngpehod. Dokter: Bor huper... poj nok yer eng periksa. Oh, hek tok nyaknyik ma-ma. Hek tok tibak sekolah jis adeh?
2	Penedidek	
3	Farmasi	
4	Planetarium Negara	
5	Makmal Sains	
6	Sains Komputer	
7	Lenancong nu pusat Sains	
8	Bob Sains	
9	Klinik binatang	
10	Nyaknik	



Ektiviti

1. Beh ayat gramatis gunak engrok napi jijoi jenim de biog ru bentang kateh kelas.

CERNGAI ru BELWAL

Tabiat Caknak



Ektiviti

1. Bincang ma dil niknej de hik kep amen hikot caknak secare belebeh rah gambar ku kemil.
2. Og cenadag engkek, banse caknak de seimbang?

**Menangani Stres**

Stres ialah nanek reaksi de tok spesipik ya tuboh berog nulumom ku kemil tenekan de kiterimak. Stres senalo kiganggu sinui nuranis nulumom. Mentok stres bebize-bize jijoi sengoi de kialami.

Tandak-tandak stres:**1. Reaksi kenjip**

Kenjip deras harakrok, sedeh ru genmar gei halei mongloh tandak stres. Keadaan adeh kibeh emosi hik beubah-ubah ru kenjip tok stabel. Selaen ajeh hik boleh bekelakuk agresip.

2. Terik hauri penutos

Keadaan adeh kijadik amen hik kep genanggu pai. Serangik tok tenang ru keliru de terik kaha ui penutos.

3. Nyaknik pizikal

Amen hik telalu jeoi hik serangik ha masalah, hik nyep selere caknak ru terik ha bukhet. Hal adeh boleh hik kep nyaknik rah pehod kui, gastrik ru kekilek. Hik jugak begei selei ru sugul.

4. Peneubah kelakuk

Hik an beubah kelakuk rah murong, sedeh ru mongkala hik jadik harakrok mai ru nyep sabar. Hik jugak genmar perdeh kerjak.

Strategi Menangani Stres**1. Cenempet peneurus lilei**

Hik hodloh ui penerancang lilei de sistematik dek tok kep sebarang masalah de boleh hik stres.

2. Cenempet ui penutos

Amen hik kep masalah hik hodloh kot tenindak de betol. Hik hodloh ui kenaji ru selese masalah ajeh tok hijoi emosi.

3. Henubog de bor

Jalen henubog bor ru masarakat kerileng ha jamin sinui de lebeh harmoni.

4. Cenergas pizikal

Hik hodloh amal caknak seimbang, besenam senalo ru kep beparik de cukup ha kep cenergas pizikal de optimum.

5. Menilei nej ceknap sinui

Hik hodloh nilei nej ceknap ru palsapah sinui hik. Amen hik cap nu agame ru nilei moral boleh kibantuk hik kaji kelakuk positip ru negatip de mong kateh lilei.

**Ektiviti**

1. Bacak ru paham risalah ku kemil adeh secare entoi ru jelos.
2. Bincang kateh gu care-care kilek ha menangani stres?

Neutame Senihat

PERGEK EKTIVITI TOK EKTIP

- neng tivi
- gunakan komputer
- gigei leu

2 LEI 3 NOH NUMINGGU


- neregang
- tekan tubi
- kus tubi

3 LEI 5 NOH NUMINGGU

- cip deras
- jerjar
- bemeskar
- lilo
- senamrobik
- man futsal
- sepak takraw
- tenis
- badminton
- bula jareng

NUJAP JIS

- huj rengkal
- siap deg
- cip jug nu was deg
- beselai



Sumber: Kementerian Kesihatan Malaysia



Ektiviti

1. Jijoi maklumat ku kemil bincang kateh gu bekenaeet ektiviti de biui ha kekal sehat.
2. Beh neulas jijoi isik de bibincang.

3.5.4
5.5.5



SENI ENGROK



AUDIO 16

Enai de Rebah

Nengloh kerileng hik
Betape saban jis pasti mong taleh
Henarap serte bungak bangsak de rebah

Tok memadai sekadar keneluh
Apatah nej kenenyeb serte bikelater
De yok ru de rebah ajeh
Mongloh kenon watan hek

Peruntok gek mase emas hek
Mende enai perlu hek
Rikroj enai ku imol nong
Beiloh samak hiog benimbeng

Tok daye kawal dirik
Lantaran telaluk joi engrok sengik
Enai begei nyep
Pedoman ku masa nungar.

* ulang rangkap 3

(Adaptasi lirik ru laguk ju
“Mereka yang Rebah”)



Info

bikelater iceti binye



Ektiviti

1. Ulas lirek laguk ku kemil ru gunak ayat lilei.
2. Bincang kateh gu, ektiviti-ektiviti bepaedah de buleh mai litau menaleh naibeh ha isik mase lapang.



Engrok Peninyap

Zat Caknak

Zat caknak	Pungsi	Dil gek	Dil hik cot lebeh
Vitamin A	Penementok retina ha penelihat de normal. Kigalak penetumboh, penebiak ru keimunan.	Sabur kelem, masalah mat, penetumboh tebantot.	kakke, anoreksia, pehod kui, sog gugor.
Iodin	Komponen hormon tiroid iaajah hormon penetumboh.	Goiter (kelenjar) tiroid ku tangen kias.	Kur, ulser empag, kakke
Zat besi	Komponen hemoglobin ru enzim ha pruses peneangkut oksigen	Anemia, punsi kognitip tejas	Selei, pehod sendi, kitar bihip dij lebeh deras.
Kalsium	Komponen jaag ru lemunj. Ha penebuku bihip, ha punsi kelop ru sarap.	Riketsia (jaag tok tementok bor), osteoporosis, bihip lingah kedu . Tegar otot.	Pungsi sarap tejas, pehod otot, nyaknik batu karang.

Sumber: Kementerian Kesihatan Malaysia



Ektiviti

1. Senarei nej engrok peninyap gunakan peta pokok.
2. Kernal pasti engrok peninyap kateh jadual ku kemil. Beh bebegei banse ayat gunakan engrok peninyap.



Info

cot iceti kot
kedu iceti beku























Lenateh 

Nyaknik de Menemudarat

Nyaknik de bekenae ru tabiat caknak

Duniak Cerita

Obesiti	Diabetes melitus	Hipertensi	Nyaknyik jantung koronori
			
			
			
			
			



Ektiviti

1. Gunak renujuk tenamah, kek maklumat banse-banse nyaknik ku kemil secare lebeh terperinci.



Sukan Lasak



Ektiviti sukan lasak rah huj lod, bekayak, bemeskar ru menman papat luncur jeoi bianjur ya pelbegei pehak ru isenambut had bor. Hamaka, ektiviti adeh perlu bipeluas ku peringkat sekolah ha biperyos individu de mong kenetahan dirik ru berani nu cenabar. Pehak kerajaan wajar kipekenal sukan lasak adeh ku peringkat sekolah.



Ektiviti

1. Jijoi penenyate ku kemil, og peniker engkek samak mong besetuju atao tok besetuju ru penenyate ajeh. Laporan hasil penebincang kateh kelas.
2. Jijoi penandang engkek, ma ipaedah mai nyenyam hunen naiserte ektiviti sukan lasak?



Sukan Paralimpik



Putrajaya - Jenaye nik numom atlet paralimpik negare nairaih pingat emas ku sukan paralimpik Rio De Janerio bejaye kijulang muh Malaysia kateh peryos atlet urag kurang upaya (OKU) de beprestasi lasik. Jijoi ketue kontinjen Malaysia, Dr. Ang Kean Koo, kiaku jenaye atlet paralimpik negare nyiknyuk taleh kiog inspirasi nu kawat-kawat lienai, malah nu atlet normal ru rakyat negare adeh. “Secare peribadi sebegei ketue kontinjen, eng had ngtanggak ru kerakmik nu pencapei ku Rio teutame penasok olahraga,” kiurok.

Dr. Ang Kean Koo jugak kiurok, prestasi atlet bemeskar, pelayaran ru ping pong jugak kiog banggaq lebeh ju henarap ilei. Bitanyak begehharok ru acare-acare kilek, Dr. Ang kiurok, “Acare kilek rah angkat nyeh, lilo, memmanah ru tenis bekrusi roda, pehak hik an gandak usehe kateh lenateh dek lienai kep naicatat penutos lebeh bor ku temasya paralimpik pigoidoh.

Dr. Ang Kean Koo jugak kiurok sengik banggaq ru pencapei atlet Mohamad Ridzuan Mohamad Puzi de kisumbang pingat emas petame Malaysia kateh acare 100M keral. Telas ajeh, pemenang pingat emas kedua, Muhammad Ziyad Zulkeffi kicipte rekod duniak kateh acare lontar peluru. Senumbang pingat emas ketiga Malaysia ya Abdul Latif Ramly ru kiceeh rekod duniak kateh acare lumpat nyak.

Pencapei atlet paralimpik adeh kibukti cenabar pizikal nyiknyuk kikerlag naipamer benuleh dirik naicatat jenaye kateh bidang masig-masig.



Info

Sukan paralimpik ialoh nanek temasya sukan antarabangsak terulung de kilibat atlet-atlet de mong pelbegei kenurang upayak pizikal atau mental rah lumpuh, tunghud, butak, masalah pembelajaran ru palsi serebral.



Ektiviti

1. Bacak berite ku kemil adeh.
2. Berkep maklumat tenambah ha sukan paralimpik ju Internet atao peper ru beh sajak penehergak ku atlet sukan paralimpik.

Jurulatih Sukan Mai Hik de Bejaye

Tok jengoi mai hik de telibat kateh bidang sukan, lebeh-lebeh nej sebegei jurulateh sukan. J. Murni bin Mohamad berupe numom jurulateh sukan kayak kebangsaan mai hik de bejaye.

J. Murni kiyos ku 30 Mac 1975. Iapak ru iamek berupe mai Semelai. Ilei beasal ju Kampung Bukit Rok, Bera, Pahang. Iapak ru iamek bekerjak kampug ru iapak berupe numom Tok Batin. J. Murni kikep pendidikan imulak ku Sekolah Rendah Kebangsaan Bukit Rok. Telas ajeh, ilei kicerot iberajal nu Sekolah Menengah Kebangsaan Mengkarak, Pahang lei teningkat limak. Ilei kibejaye kilanjot ipelajaran ku Institut Teknologi Mara (ITM) kateh bidang Diploma Pengajian Perniagaan. Telas ajeh, kicerot ipelajaran ku Universiti Malaya kateh bidang Ijazah Sains Sukan.

Ilei mong jeoi pengalaman bekerjak telas dij berajal rah pernah bekerjak sebegei Pengurus Eksekutif Koperasi Kijang Emas Pahang Berhad (Tahut 2004 lei 2006), pernah kijawat jenawat jurulateh sukan kayak negeri Pahang ru hunen ilei behidmat sebegei jurulateh sukan kayak kebangsaan. Cenengreg kikerjak sebegei jurulateh sukan kayak, ilei jeoi terimak anugerah jurulateh rah Sijil Kejurulatihan Lanjutan Tahap II ku kerop International Canoe Federation (ICF) ru Sijil Kejurulatihan Tahap III ku kerop Majlis Sukan Malaysia. Kerjak ilei sebegei jurulateh ya kikep et nu luar negare rah Indonesia, Singapura, Korea ru kilek-kilek nej.

Henarap ilei semoga belia masarakat hik teros aktip kateh bidang sukan mende ektiviti adeh kiog manpaat ha senihat berog hik. Selaen ajeh, ektiviti-ektiviti sukan kep perwer belie-belie mai hik tejebak kateh ektiviti gejale sosial.

Ilei jugak kiseru nu belia-belie mai hik de serius ha telibat kateh bidang sukan dek berajal besunggoh-sunggoh kateh bidang adeh ru berajalloh ru sengoi de pakar. Lemu pendidikan de lasik kateh nanek bidang de bicebor amatloh perlu amen hod bejaye.



Ektiviti

1. Jijoi maklumat ku kemil, beh penenyate bahawe mai hik jugak boleh bejaye kateh bidang sukan.
2. Secare bergu, besual-jawab secare beradat begehik engkek boleh bejaye rah J. Murni?

3.5.3
1.2.3





Pantut Paedah Besukan

Cip beintei ku Kuala Kemal,
agok **bejeramoh** ru **Sang Mergas**;
jenadik sukan nanek neamal,
berog cergas **kelop cerdas**.

Ceryak **damar** ku lod Tahan,
sumber berengkep kisarak peringak;
agokloh hik segat besukan,
dek senihat senalo bijagak.

Selei bekerakjak hik beparik,
sambel nengneng hik petie;
besukan kimentok disiplin dirik,
pasti sinui hik senalo cerie.

Bah Ludi kigenmar **bepoeh**,
ha kijual ku pekan Selase;
besukan senalo agok himeoh,
neamal mulie sinui selese.

Pelek manggis ceet loh jugak,
ceet nej mempelam madu;
gigih **beriadah** ru peringak,
wargak sehat negare maju.

Moyang Atih cip nu pekan,
kaha belik memerip **gamber**;
jagak senihat ru besukan,
pasti nyaknyik kep biperwer.



Info

Bejeramoh iceti tesorompok



Ektiviti

1. Lapas pantut ku kemil adeh.
2. Secare bergu, og iceti nujap rangkap pantut.
3. Og iceti nekate de terek bekaler belak.

Engrok Penegas

Lenateh

1. Hik agokloh selei ha besukan mende ektiviti adeh bor ha senihat hik.
2. Sebegei apak ru amek, ubai jugak patotloh baigalak kekenon dek besukan.
3. J. Murni mimang numom jurulatih sukan kayak de bejaye kateh masarakat hik.
4. Ma pen de terjadik, Wak Ida tetap ru penutos ha bejaya kateh bidang sukan.
5. Eng tok bipileh sebegei pemain bula sipak sekolah tapik eng an ngcubak nej tahut nungar.
6. Pernah kah hek telibat kateh penetandig sukan badminton ajeh?
7. Prestasi atlet paralimpik mimang kijulang muh Malaysia ku mat duniak.
8. Bah Adi an kigandak iusehe agar kikep penutos de lebeh bor nej ku temasya sukan sekolah.
9. Hik sebegei rakyat Malaysia hodloh hipemaju bidang sukan ku negare hik.
10. Bah Tim tok pernah pen kirasak keciwe alau memerip katik gagal tepileh kateh sukan olahraga.

Ektiviti

1. Kernal pasti engrok penegas ku kemil.
2. Beh ayat gunakan engrok penegas de engkek kep.

Info

Engrok penegas jugak bisebot sebegei partikel ialoh nekate de kiog penetekan ku bahagian-bahagian tetentuk ku kateh ayat. Icuntoh rah *kah, loh, jugak, pen, nej* ru mimang

Lenateh 

Eng tok ngminat kateh bidang sukan. Eng lebeh nggemar bacak bob ha tamah lemu penanei. Eng ngkenjip besukan hik pej mase taleh, hik an selei ru mase hik hiperdij ha pekare tok bepaedah. Lebeh bor hi berajal ha berkep keputusan peperiksaan de cemerlang ha pigoidoh.



Eng ngkenjip _____

 **Ektiviti**

1. Jijoi maklumat ku kemil adeh, og peniker engkek samak mong hod terimak atao tolak peniker mai kilek ku kemil ru og nealas de rasionel.



CERNGAI ru BELWAL



AUDIO 18




Tinte Penules

Mahat a/l China berupe Orang Asli suku Semai. Kateh duniak penetules kretip ilei kigunak muh pena Akiya. Akiya kiyos ku 2 Januari 1953 ku Kampung Orang Asli Cangkat Kereta, Ulu Bernam, Hilir Perak.

Akiya Kenon sulong ju lapan beradik. Ilei kikep penedidek ku tahun 1963 ku Sekolah Rendah Kebangsaan Cangkat Kereta, Ulu Bernam ju tahut 1 lei 5. Tahut 1968, kiperdej tahut 6 ku sekolah rendah ku Tapah. Penesekulah teningkat 1 lei teningkat 5 kiteros nu SMK Hamid Khan, Tapah, Perak. Ilei kiperneng minat kateh bidang sastera mende subjek ajeh mengasyik. Berajal subjek sastera kep jeoi nilei-nilei murni de bor.

Akiya kigemar bebacak bebegei buku sastera begei novel, cerpen ru sajak ju pengarang tesohor ru karya picisan sebegei hobi mase senggang. Pengarang de kijadik idola Akiya ialoh Pramoedy Anantatoer. Selaen ajeh, ilei kipeder sastera nanek wadah penejuang kaom. Karya-karya pengarang de tesohor kimentok jati dirik numom ru kimaju ibangsak. Antare karya sastera kreatip de kitules ya Akiya begei *Tuntut* (2001), *Perang Sangkil* (2007), *Perjuangan Warisan Orang Asli, Suara daripada Dalam* (2009), *Hamba* (2013), *Orang Kecil* (2014) ru *Pos Terakhir* (2016).

“Engrok cerdig paneli, ku blok mong heknod ku pajeh mong nong. Eng menules ha peneajar generasi pigoidoh.” Ilei samak kenenjip ru engrok Pramoedy Anantatoer, sengoi de paneli nu lasik rahuk tapik amen tok menules, ilei an kinyep ju masarakat ru sejarah.



Ektiviti

1. Cerngai audio nepetek ku kemil.
2. Menacak nanek gertak lemu. Og peniker engkek begehharok ha pupok budaya menacak kateh kenalog jenerasi pai.



Info

mengasyik iceti kihiber



Ir. Mahat Mat Dong: Lemu Kiubah Sinui

Ya: Bah Tip a/l Bah Orak

Penecapei Orang Asli de luar biasak adeh hodloh bijadik cuntoh kateh kenalag masarakat mende kiperneng penecapei de bor. Individu de ajeh ialoh Ir. Mahat a/l Mat Dong. Jenawat de kisansang ya ilei sebegei ketua Penolong Pengarah Bahagian Pengairan dan Saliran Pertanian, Kementerian Pertanian dan Industri Asas Tani Malaysia. Tok calang-calang individu de boleh kicap jenawat ajeh mende nenumom ajeh hodloh bekarisma ru bekaliber.

Seleneu penehidmat ilei na kiterimak memerib anugerah de kijadik motivasi kateh sinui. Ilei na biiktirap sebegei Jurutera Profesional atao reningkas Ir. ju Lembaga Jurutera Malaysia ku April 2010. Anugerah kilek de turut kikep ya ilei ialoh Ikon Orang Asli Peringkat Kebangsaan 2009 ju Jabatan Hal Ehwal Orang Asli (JHEOA). Ku tahut de samak ilei turut bianugerah ru Anugerah Perkhidmatan Cemerlang ya Jabatan Pengairan dan Saliran Negeri Pahang.

Ir Mahat ialoh Orang Asli suku kaom Jakun ju Kampung Bukit Bangkong, Kuantan. Tekad ha begelar jurutera ya bisemei ju bangku sekolah nej. Ilei kikep penedidek ku Sekolah Kebangsaan Permatang Keledang ru kicerot pelajaran nu Sekolah Menengah Kebangsaan Tengku Abdullah Pekan, Pahang.



Ilei kibanggak iperingak ru kicatat keputusan de cemerlang kateh Sijil Pelajaran Malaysia (SPM) tahut 1994. Telas ajeh, ku Jun 1995 ilei na kiteros peneberajal nu Politeknik Kota Baharu kateh bidang Kejuteraan Mekanikal. Kecemerlangan ilei kiteros ru kicerot ku perinkat diploma kateh bidang de samak ju Januari 1998 lei Disember 1998. Ilei tok kibehenti ku pajeh ru kiteros pengajian nu perinkat ijazah nej.



Ikenenjip bekerjak tok tekirak jeoi peksendok behidmat ru perkhidmatan awam. Semase ilei kiui Sijil Kejuteraan Mekanikal, ilei sempat kijoi lenateh industri ku sarikat kerite luar negare cenawang Kuantan. Telas kiperdij pengajian kateh bidang diploma nej, ilei bekerjak sebegei jurutera ku memerib sarikat ku Melaka ru Johor.

Kateh senibok kerjak nunyenis, Ir. Mahat maseh mampuk ru gigih kiluang mase kateh program-program penedidek de biui ya pehak sekulah ataopen Badan Bukan Kerajaan (NGO). Kipeder ilei nej, mureb Orang Asli buleh bejaye amen bibimbing ru biog motivasi. Ilei jugak jeoi kiperlei bengsat ru engrok renangsang kateh ceramah ru hidmat masarakat. Pehak Jabatan Kemajuan Orang Asli (JAKOA) jugak ektip najjempot ilei kateh program penedidek begei program motivasi ru senedar apak amek ru program pembangunan modal insan. Segale senumbang ru hidmat bakti de ilei kiog ru salor lei adeh kijadik inspirasi ru teladan ku masarakat.



Ektiviti

1. Bacak kincang nepetek ku kemil adeh.
2. Cerlah maklumat jenaye Ir. Mahat ku kemil adeh kateh mentok peta *i-Think* de sesuei.

2.2.1
3.4.4




MENULES

Encik Lee Thiam Wah,
Pengasas ru Pengarah Urusan
99 Speedmart



Jenaye kateh Peneniagak



Ektiviti

1. Hurei maklumat ku kemil jjoi renujuk tenamah. Telas ajeh bentang kateh kelas.
2. Beh nanek kenarag icenreg 150 lei 180 nekatte.



SENI ENGROK



AUDIO 19

Langkah Eng

“Bor huper tuan, eng Bah Razi ju Berita Semai ha temu ramah tuan” eng ngkernal dirik sambil eng hulur teg ha besalam penekenal. “Bor huper... eng ha ucap abor haknuk mende pitak engkek pileh eng sebegei tokoh alau pen eng kenjip tok layak” Encik Johari kirendah idirik. “Tuan mimang layak mende senumbang

tuan kateh masarakat jeoi teutame kateh penedidek ru sosial mai sengoi. Boleh hik mulak temu ramah tuan?” Eng mulak langkah ha berkep maklumat.

“Sensual petame eng, boleh tuan cerite latar kenok tuan?” Eng besedie ha catat ru ngpersui alat perakam. “Muh eng Johari bin Alwi. Eng ngyos 13 Mac 1978, ku Pengkalan Hulu, Perak tapik eng beraknak ku Bidor, Perak telas arwah apak eng bitukar tempat kerjak. Kemoj apak eng imuh Encik Alwi bin Fuman numom anggote PGA ru amek eng Puan Juriah binti Karim numom suri deg sepeh mase” Encik Johari kimulak sesi temu ramah.

“Begeiharok jaman biperaknak ku Bidor ru duniak penedidek tuan?” sensual nunar ju eng. “Eng besekulah ku Sekolah Kebangsaan Toh Dewa Sakti ru telas ajeh eng cerot berajal nu Sekolah Menengah Hamid Khan. Ku sekolah menengah sinui eng beubah mende benares pentadbir naiog penecayak ha cap tugas sebegei ketua mureb semase teningkat 5. Ju ajeh eng bemotivasi ha berkep penutus de bor kateh peperiksaan Sijil Pelajaran Malaysia (SPM). Telas SPM eng kot diploma ku UiTM ku Perlis ru ijazah ku UiTM Shah Alam. Eng jugak ngpileh bidang penedidek sebegei nong nungar ru ngsemanj moj Institut Bahasa Antarabangsa kateh Bahasa Inggeris” jelas Encik Johari sambel kisurong nanek kertas ha maklumat penedidek ilei. “Peksendok eng cap jenawat pengarah adeh, eng na ngjadik cikgu ha memerip tahut ru eng jadik pegawai de urus Bahasa Semai ku perinkat Kementerian Pendidikan Malaysia. Bile JAKOA mong kenusong jenawat eng ngsemanj. Permohonan eng biterimak. Ju ajeh eng bejanyik ha teros bebakti ku mai sengoi sebor mungkin” Encik Johari kecerot nej ibelwal.

“Ma engrok penyudah tuan peksendok eng ha jug dirik” eng tanyak nej. “Penedidek taleh boleh kiubah sinui. Eng harap hik mai sengoi senalo beusahe mende kerajaan ya kiog rimdij benantuk” jelas Encik Johari nej. Temu ramah adeh patik tapik padat ru maklumat mende rimdij penerinci bisedie ya Encik Johari kateh teks. “Abor haknuk tuan mende luang mase ha eng,” eng hulur teg. “Samak-samak” kibalas ilei. Mase eng hol pejabat Encik Johari mong limak sengoi naipoj ku ruang piknoj ha terbuk Encik Johari.



Ektiviti

1. Jijoi cerpen ku kemil beh nanek lenakon.
2. Senarei lima ayat motivasi kateh penedidek renujok maklumat tenambah.
3. Beh nanek kenarag betajuk “Usahe rengkal jenaye” ru permuj ayat motivasi de kikep. Cereg kenarag hodloh 180 nekatte.

4.5.4
2.4.3



Engrok Ernor

1. Engrok ernor bigunak ha timul nunanek tenindak balas terhadap ernor, nearah lenarang, senile ru semanj.
2. Cuntuh engrok ernor **harap, get/agok, jempot/sile, semanj ru tulug**

1. “_____ lenkap borang pemohonan ajeh ru benutir peribadi,” engrok kerani ajeh.
2. “_____ gei keradik taleh. Bantuk enai kateh bidang penedidek” peder Encik Mahat ku mahasiwa.
3. “_____ cak koi ajeh kawat-kawat, jis adeh eng ngbelanjak” engrok Wak Ayuni.
4. “_____ rimdij calon PT3 bacak soalan ru semiyak” engrok Ketua Pengawas.
5. “_____ berseh kelas engkek hunen” nearah Cikgu Haris kiog.
6. “_____ apak amek gei ku was de bisedie” peneumom pengacara majeles.
7. “_____ cemar peniker engkek ru benacak de tok bepaedah” penceramah kikungsi tip.
9. _____ hek mong lenapang masa tulug joi eng nu bandar Ipoh.
10. _____ kemas kini bob akaun bank mende bihapermuj biasiswa.



Ektiviti

1. Gunak nekate sesuei ha lenkap ayat ku kemil.
2. Ui 10 ayat de gramatis de mong engrok ernor.

CERNGAI ru BELWAL

Ekopenelancong



Ektiviti

1. Jijoi maklumat ku kemil, ma penenteng ekopenelancong ku negare hik?
2. Nyate enui kerajaan ha maju ekopenelancong?

1.4.3
3.4.1



Info

enui iceti usehe-usehe



Teroke Peneniage Cep Jawir

Peneternak cep jawir ha berkepe iensop berupe nanek industri de gu penteng. Ru hergak kicecah RM4,000.00 sekilogram, industri adeh kijane berengkep RM1.5 bilion nutahut ku Malaysia. Ensop cep jawir kikep heknut de lasik ku China mende sup **ensop** cep ajeh bijadik pengukur nu status nuurag individu. Malaysia berupe negare pengeluar ketige terentoi ku duniak telas Indonesia ru Thailand ru purate lebeh 12 tan ensop cep bihasel nugecek.

Peneternak cep layang-layang **gepgep** atao cep jawir adeh buleh biui mende cep adeh senang naijegeg nu was-was bandar ru naigei ku bangunan-bangunan gesuk manah de serupe begei gepgep was habitat iasal. Hamaka, peternak cep an kiui bangunan manah de mong ciri samak gepgep gesuk atao kiubahsuei bangunan manah kijadik was ensop cep adeh.

Kateh penesekitar secare semula jadik, cep jawir kibeh iensop sebegei habitat penebiak ha jenerasi pigoidoh tetapiq tok rimdij ensop cep mong perenglai. Ensop cep sebegei was penebiak ha cep jawir nyenyam ru kibeh ju renembes iteu lehk.

Ensop cep buleh bikategori nu nar gu utame, nanek de bibeh ya cep jawir de kigei ku gepgep ru de kilek kibeh ku deg cep. Mai de pai enai panei ha cep jawir sereng nau neanggap salah ha cep jawir de kigei ku deg mongloh banse bibelak manakala de kigei ku gepgep mongloh banse ces. Ku hakikat, cep jawir naigei ku habitat semula jadik, hol pepegelap ha kaknek caknak ru naijuk kelem. Itenbal berog cep jawir ru isentol 4 sentimeter, icengreg 10 sentimeter, kenyek kiyer 22 sentimeter ru inyaneh 15 gram, mong isentak patik ru rata, ijug patik ru selun. Hamaka, tok samak ru cep biasak de naigei ku ti atao ku wayar, mende ilei kigunak empat jaras jug ha kijeljol ku dinig ceneram atao menegak. Ilei buleh kisui ku kemil paras laot lei 2800 meter. Cep jawir kiperdij 10 lei 11 jam nujis ha kaknek caknak ha ilei ru kijuk nu iensop ku nujap jam kaha og caknak nu ikenon. Ektiviti kaknek cakna cep jawir secare **hekheg** ru ilei kicak cek hekheg atao organisma macot ru kingut teu manik ru teu kulam.

Cep jawir bianggap sebegei kanzanah behergak ya peternak cep jawir. Enai sedie penesekitar sinui de bor ha cep jawir ha pruses penebiak de lebeh bor. Peneusahe cep jawir an naipoj lei kenon cep jawir buleh kidek **iensop** peksendok penentuai. Belok-belok ensop tok buleh bikitar nej. Hamaka, ensop cep de bikuteq ju deg-deg mongloh mesra alam, jijoi bahneh sengoi ru kualiti mongloh lebeh lasik.



Info

Ensop iceti giknei pehak cep atao sarang
Gepgep iceti gua
Hekheg iceti kiheg suwig



Ektiviti

1. Bacak nepetek ku kemil adeh secare entoi ru peterang nej gunak ayat lilei.
2. Og peneterang secare ringkas ha cep jawir. Beh kateh peta bulatan.

Langkah-langkah Peneternak Kak Keli

Dek **sembei** ku kateh kulam ijengoi 3 sentimeter nu 6 sentimeter iteninggik.

Telas ajeh, permuj kompos organik ku kemil sembei kateh neanggar penekirak lebeh 500 ikor kenon kak keli samak ru 1 kilogram kompos.

Permuj teu ku kateh kulam tenakong lei 2 kaki iteninggik.

Telas permuj teu dek nej kening **gag** atao kening bungak teratei ku kemil teu kitutop ruang kulam kak keli.

Dek seleneu limak jis dek pembiakan plankton ku reis-reis kening gag atao bungak teratei. Telas limak jis, permuj kenon kak keli kateh kulam.

Kak keli organik tok payah og caknak kilek lei timpoh matang (empat gecek). Teu tenakong tok payah bisuj had hod tamah amen gek.



Ektiviti

1. Cerot ayat ku kemil ru gunakan penanda wacana de sesuei.
2. Tules nej rimdij ayat ku kemil kateh bob tules.



Info

Sembei iceti pasir

Gag iceti nubanse tenumbuh de mong iselak behej



SENI ENGROK



AUDIO 20

Pantut Seni Wenares Teknaj

Bercet canak ente kak kerisi,
 Igensir kicak genulei ikenah;
 Seni teknaj usaha tradisi,
 Ya bikenal ju beabad manah.

Menman batak sayet naijerjar,
 Kitades jehuk gesuk kinyui;
 Seni teknaj hodloh biajar,
 Agok hiwes had bisebot ku nyinyui.

Amen beh kerjak hihod rasik,
 Semanj restu kenon de taat;
 Wenares unik bekualiti lasik,
 Budaya negare jeoi imanpaat.

Nu darat kicip apak Bah Risam,
 Kicet betar jengoi itare;
 Seni wenares cenermin adat resam,
 Henalus teknaj teros bipelihare.

Guru beucap mureb bebares,
 Cerngai bengsat agok menman;
 Neunik seni jadik wenares,
 Agok bisip ya peneedar jaman.

Kenon itik kenon angsak,
 Kateh kulam naigei berencip;
 Seni teknaj budaya bangsak,
 Hod hik jagak agok hik persip.

Haet nu kerteh teu hires,
 Ham tarok bidek pajeh;
 Teknaj tradisi hod biwares,
 Hod biserngik lei jenerasi dojeh.

Bajuk belunggok jengoi saknah,
 Kek **ceoi** lei nu **jeres**;
 Seni teknaj wesnes mai manah,
 Hod hik petahan jadik pewares.



Info

Ceoi iceti jehuk de bigunak
 ha bitod
 Jeres iceti nukateh serag



Ektiviti

1. Bacak pantut ku kemil gunak senembot, nada ru intonasi de betol.
2. Hurei unsor bahase de mong kateh pantut.
3. Og kenenjip engkek, care-care hik hod petahan seni teknaj.



Salon Sog Wak Casey

- Wartawan: Bor huper ru mai igah puan?
- Puan Wak Casey: Bor huper, gah bor.
- Wartawan: Buleh Puan og panei gek latar kenok ru latar penedidek puan?
- Puan Wak Casey: Muh eng Wak Casey a/p Bah Salim. Eng beasal ju Kampung Kelubi. Eng mong empat urag kenon. Eng besekolah lei teningkat enam tapik tok cerot berajal mende tok kep peluang.
- Wartawan: Gaharok puan kicebori bidang salon sog adeh?
- Puan Wak Casey: Peksendok eng kep kerjak kerani adeh, eng pernah kerjak ku salon sog cerawas semase cuti sekolah. Mase ajeh eng berajal care ha suj sog, guntig, kaler nu tergak sog ru kilek-kilek nej. Kenenjip de ngkep adeh kidurong eng ha bukak kedei salon sog.
- Wartawan: Yama puan pileh ha bukak kedei salon sog ku was kampug tapik nyiknyuk was bandar?
- Puan Wak Casey: Kayat utame eng bukak was kampug adeh mende eng ha og penehidmat nu mai hik de tiktok peluang ha et nu kedei salon sog was bandar.
- Wartawan: Ju belok Puan Casey kiberkep modal ha bukak kedei adeh?
- Puan Wak Casey: Peksendok adeh memang eng perhol modal ju jerengkeh daknek lieng de ngkumpol ju menaleh tapik hunen eng pinyap ju koperasi Sahabat Amanah Ikhtiar mende ha perentoi ru ha belik arap kedei.
- Wartawan: Ma bengsat Puan Casey nu mai hik de mong cite-cite nai ha bukak kedei kilek?
- Puan Wak Casey: Bengsat eng hik hodloh rajit beusehe ru agok putos ase.
- Wartawan: Abor haknuk Puan Casey mende sudi bitemuramah. Eng ngharap kedei salon sog Puan Casey buleh kijadik cuntoh nu mai hik dek enai usaha bukak kedei kilek nej.
- Puan Wak Casey: Samak-samak.



Info

Pola ayat dasar

1. Prasa Muh + Prasa Muh
2. Prasa Muh + Prasa Sendi Muh
3. Prasa Muh + Prasa Kerjak
4. Prasa Muh + Prasa Edjektip



Ektiviti

1. Bacak nepetek ku kemil ru gares pola ayat dasar.
2. Tules nej dailog ku kemil gunakan engrok pindah.



Ma Penileh Hek?

BIDANG	KAYAT
--------	-------



Pulau Langkawi




Cep Jawir




Salon



Kak Keli



 **Ektiviti**

1. Jijoi maklumat ku kemil, beh penileh bidang de engkek hod cebori ru og ikayat.



CERNGAI ru BELWAL

Sumber Tenaga Pai

Tenage pinui

- bihasel ju poi pinui



Tenage biomas

- bihasel ju sisak pej penetani industri ru bahan pej menatag



Sumber tenaga pai ha kijane lektrik

Tenage mat jis

- bihasel ju cahaye mat jis



Tenage geoterma

- bihasel ju wap beket de kihol ju kulam teu ku kerop tik de perbeket ya magma



Ektiviti

1. Jijoi rajah ku kemil, peterang secare umom ha sumber tenaga pai de engkek paham.
2. Og cenadang, yama sumber tenaga pai adeh perlu hik perluas ku mase nungar?

1.2.1
3.2.4



Info

Sumber tenaga pai ialoh sumber tenaga de buleh bibeh pai.



Teknologi Renawat Laser Kapog

Menaju sains ru teknologi na bekembang kateh pebegei bidang. Adeh termujloh kateh bidang kecantikan rah renawat laser **kapog**. Renawat adeh gu tekernal kateh kenalag masarakat teutame masarakat de hod kapog de bor, tik tok mon, kenedut, jeragat ru dil bakat. Renawat adeh perlu kos de entoi iaajah ju renatus lei penuluh ribuk ringgit tapik tetap kijadik penileh mende kaedah adeh berdil lei 99 peratus.

Alaupon selamat, namun renawat adeh tetap mong dil senampeng. Iantare ialoh dil ceher ku kapog ru dil cor tapik besipat sementara taleh. Mai de terimak renawat adeh, lienai hodloh senalo naiceteh kenetol ais atao losen de sesuei ha pergek dil beket ru cor de bikenjip selame memerib jam.

Bebize ru penebedah plastek, renawat laser bibeh tok kigunak penglai bius mende renawat adeh pek langsung ikenjip pehod. Kaedah adeh jugak selamat bibeh ku belok-belok bahgian berog de bermasalah kecuali de rek ku mat. Renawat adeh jugak buleh bigunak ha kiwes sentol ku bahgian **ulah** ru berog. Kaedah adeh kep kiperlingah cenwai sentol.

Renawat laser mong gas karbon dioksida de kep kiwes lenapis kapog pertame (epidermis) ru kibuleh penebentok sel kapog pai de berseh ru **luwen**. Penacar laser de kiserap muj nyak kateh sel kapog kiterbor sel kapog ru deras kipergo lukak bekas bakat.

Jelosloh bahawa renawat laser had efektip ru kiog dil de gej serte kijadik henarap ku maid de nyik de mong masalah kapog de serius. Alau begehharok pen, kaedah renawat adeh hod bicadang ha mai de nyik ru tok mong alternatip kilek ha atasi masalah kapog.



Info

- Kapog iceti getek
- Ulah iceti matmoh
- Luwen iceti jebug

Ektiviti

1. Bacak nepetek ku kemil ru kernal isik-isik penteng.
2. Ma renawat laser kilek de mong kateh bidang perenglai ru og ipaedah.



MENULES

Sains Ru Teknolujj Permudah Sinui Sengoi

Bidang komunikasi



Hik buleh bekomunikasi nar ala ru lebeh deras ru gejj.

Bidang domestik



Pesernang kerjjak-kerjjak nuranis.

Sains ru teknolujj permudah sinui sengoi

Bidang penetani



Cenipte mesin ha kitarek arap nyeh ru mesin bajak atao mesin tuai.

Bidang tenenbot



Lebeh gejj ru selese.



Ektiviti

1. Secare bergu, bincang maklumat ku kemil adeh ru beh penetimbang begehharok sains ru teknolujj buleh kiselese masalah sengoi?
2. Og peniker engkek, ma iniknej sains ru teknolujj amen bisalah gunak?

3.4.2
1.5.1



Reninteh Alam



Yok Andel ru kawat-kawat telah naiserte penekemah pengakap ku tapak penekemah ku lengrik Selangor. Telas lienai selesai naipasang kemah, Yok Andel kibetugas ha kot teu nu batagari. Semase ilei kikit teu, ilei kibakek mong nuikor rau kiperjoi nu ilei ku nungar pintuk gekgep. Yok Andel kikerek mende peksendok adeh ilei tok pen perasan mong gekgep ajeh. Sambel kianj teu, ilei kicip lebeh rek nu gekgep. Nuikor rau ajeh pulak rah ubai giwej. Yok Andel mulak kikenjip sengoh ru kikenjip hod panei, pelahat-lahat ilei kicip lebeh rek lei ku pintuk gekgep. Ilei neng kateh gekgep kelap. Ilei beranik dirik muj kateh gekgep, haj ijuk kijejabat kenjip selej ru teros kijer kateh lubog de jerek. Sedar-sedar ilei ya bipej nu nanek was serag de bor tapik isuasane ganjel.

Yok Andel betol-betol kisengoh ru hod jenjap bile kineng sekerileng jeoi menatag de nengneng ku ilei. “Selamat tibak ku tempat jik wahai sengoi,” mur Si Rau. Yok Andel betamah kikekjet mende menatag buleh yekyap. “Eng ku belok? Begeiharok engkek rimdij buleh yekyap,” Yok Andel kitanyak. Haj hol Sang Mergas de had entoi. “Hek agok sengoh, hek hunen mong ku serag Sengkarang tempat jik,” “Eng Mecak Meding ketue ku was adeh. “Ma muh hek mai litau?” tanyak tatak Mecak Meding. “Muh eng Yok Andel, begeiharok eng buleh lei ku padeh?,” urok Yok Andel. “Tatak ru pengikot tatak hod semanj tulug ma hek, agok sengoh bei hek joi eng canuk,” yap Tatak Mecak Meding. Yok Andel kikenjip sengoh ilei kijoi Tatak Mecak Meding ru ilei bianj huj tenenbot rah perahuk de buleh heg. Yok Andel kikenjip kagum ru teknolujj ajeh. Telas ajeh, tenenbot ajeh pen kiheg, Yok Andel kikep nengneng ru pintan keadaan serag ju suwig. “Hek nengloh giknei jik adeh, jeoi jehuk-jehuk naigik, lod kamerek laj, batagari tecemar ru iteu kereh,” urok tatak sedeh.

Yok Andel kineng irenis Tatak Mecak Meding de sedeh. Jeoi menatag de nainyep giknei, kenon-kenon dat biperdat ya pemburu haram, udare padeh pen gu tecemar mende teknod serak. Giknei jik gu musnah, amen jenim adeh tok tekawal, duniak hik an musnah,” engrok Tatak Mecak Meding nej.

Telas ilei kiperneng was serag ajeh, tenenbot ajeh kitibak semule ku tempat cinek. Setelah liubai celeh ju tenenbot ajeh, Yok Andel kitanyak nu tatak Mecak Meding. “Begeiharok eng ngbuleh tulug enjun?” “Hek tulug pasal nu ketue ru mai jengoi ha hal adeh, amen hal adeh bibiar tok lienai kot tenindak duniak hik an musnah”, kiurok. “Eng ngcubak perlei bengsat enjun adeh,” Yok Andel kiurok. “Abor haknuk Yok Andel, hek jugloh joi nong adeh,” yap tatak Mecak Meding. “Peksendok eng ngcip, eng nghod tanyak ma enjun, ma enjun pileh eng ha perlei bengsat adeh?” tanyak Yok Andel. Tatak Mecak Meding kikernyim ru kiyap “Pigoidoh hek an jadik ketue ku negare adeh mende nenloh eng pileh hek.” Yok Andel kikekjet ru tok kep yap ma-ma.



Ektiviti

1. Bacak cerite ku kemil secare pintan gunakan laras bahase de sesuei.
2. Og sinopsis cerite adeh secare mengwal.
3. Jawab sensual penengham ku kerop adeh.
 - a. Ma Yok Andel ru kekawat naibeh ku serag ajeh?
 - b. Yama Yok Andel kisengoh bile ilei lei ku serag Sengkarang?
 - c. Ku peniker engkek, ma peneajar de buleh hikep kateh cerite adeh?



Engrok Neimboh

Ma hek beh Bah Ewer?

Eng pek sik siap nej tugas ajeh. Apak ru amek eng tok ubaiog eng gunakan Internet mingguk adeh. Ubai belal mende tenek eng kisolah gunakan menudah Internet.

Eng ngsetuju ru pendapat hek ajeh Bah Ewer. Menudah Internet adeh bor ha hik hikep maklumat ha lemu penanei, nyiknyuk ha mennan atao hilyar laman sesawang de tok bor.

Eng ngcubaloh ej liubai. Eng ngcip canukloh. Abor haknuk Bah Ewer.

Oh... hek Wak Molly. Eng ngbeh tenugas de cikgu ki og kateh Frog VLE. Hek ya siap ka?

Oo... begei ajeh ka, Wak Molly. Tenek hek tok patut kisolah gunakan Internet mende kek hek jadik mangsa tok kep gunakan menudah Internet. Jadik terikloh hek hod persiap tugas de biog ya cikgu.

Har samak pendapat kateh hal adeh. Hek cubaloh ej apak ru amek hek. Peterang nu ubai tenuju hek perlu gunakan menudah Internet ajeh.

Samak-samak. Cip abor.

Info

Frog VLE ialah *Virtual Learning Environment* (VLE) de bipileh ha projek 1BestariNet. Frog VLE berupe nanek sistem penebelajar jijoi jenareng de samak ru penebelajar duniak ibentol ru kiintegrasi konsep penebidedik konvensional ru kaedah maya.

Ektiviti

1. Kernal engrok neimboh de mong kateh dalog.
2. Jijoi peniker engkek, ma salah gunakan de senalo bibeh ya mureb semase gunakan Internet?
3. Amen kawat engkek kisolah gunakan menudah Internet, begehharok engkek ha og bengsat?

5.2.3
4.5.3



KENUKOH

Lenateh

1. Wak Molly _____ [serte] penetandig Sains ru Teknolujji Hijau neanjur Jabatan Pelajaran Negeri.
2. Mureb-mureb Teningkat 3 Merah _____ [beh] eksperimen cok tabeg semase Karnival Sains ku sekolah.
3. Jentere menuai bak berupe nanek _____ [cipte] de jeoi bantuk kenemaju kateh bidang penetani.
4. _____ [tebot] awam hunen kijadik penileh masarakat ha biet atao ha tujuk nu nanek tempat.
5. Ku perpustakaan sekolah mong jeoi bahan _____ [bacak] ha mureb naikep lemu penanei.
6. Telepon bimbit _____ [rupe] alat komunikasi de paleng jeoi bigunak hunen.
7. Bebegei maklumat boleh _____ [kep] kateh Internet dek kipersenang ha hiberajal.
8. Teknolujji _____ [penglai] hunen gu maju ru mong bebegei kenaji de bibeh ya saintis.
9. Bidang sains ru teknolujji jeoi _____ [bor] kateh kiperhuj kualiti sinui hik.
10. Cenipte sains ru teknolujji agokloh bisalah gunak mende an kianj pekare _____ [nej].
11. Jenerasi hunen hod cempet kateh _____ [gunak] teknolujji maklumat.
12. [Jeoi] _____ guru naigunak ICT semase naiajar mureb-mureb kateh kelas.
13. Hik tok patut hisalah gunak _____ [mudah] internet ha perkare-perkare tok bor.
14. _____ [rawat] laser kapog berupe perenglai de kijadik penileh masarakat hunen.
15. Para saintis jeoi naibeh _____ [kaji] ha menaju bidang perenglai.
16. Cikgu Sira _____ [gemar] gunak ICT mase kiajar ku kelas.
17. Sains ru teknolujji berupe nanek lemu _____ [panei] de penteng ha mase nungar.
18. Anjang ru iperingak senalo lienai _____ (amal) gaye sinui sehat.
19. Wak Kira kiserte _____ [lawat] nu Pusat Sains Negara ku mingguk nungar.
20. Masarakat Malaysia mesti neamal gaye sinui sehat demi _____ [sejahtere].



Ektiviti

1. Permuji neimboh de sesuei kateh engrok dasar de biog.





CERNGAI ru BELWAL

Lenipat Mai Sengoi



Ektiviti

1. Ma muh jap lenipat ku kemil jijoi renujuk ku Internet?
2. Begeiharok ha pupok minat nu seni budaye?



Seni Bahneh Patug Bes Mai Jahut

Ya: Encik Razak Ali

Penetemu ru Encik Raman kianj penules lenawat Kampung Orang Asli Paya Pelong, Pahang. Penules bipekernal ru Tok Duai berupe atak Encik Raman. Terbuk adeh mongloh benincang bekenae neker patug Mai Jahut. Jijoi Tok Duai bahawe hunen had gek 10 urag taleh de maseh menguker patug ha tenuju komersial. Tenamah Tok Duai nej, patug biuker ru genunak jehuk leem ru bekualiti de bikep ju serag ru kerjak menguker nanek patug kicak mase hamper numinggu ru genunak bebegei banse yoj ru pahat macot. Henalus ru neunik patug mongloh neker de biui cukup semiyak ru cermat. Cenempet peuker buleh kibeh bebegei mentok ru rupe patug.

Penules tetarek ru nanek patug de bidek ku penjuru kengwil deg Tok Duai. Patug ajeh bikenal sebegei bes Bujang Bireg. Bes Bujang Bireg berupe mensau Batin Ibles de beasal ju numom sengoi de kijeg ru kenon kerdor Batin Ibles. Bipeder jugak, Bes Bujang Bireg iberog sase, teg kentop ru tunghud ru teg kengwil kicap tarog. Ilentag bes Bujang Bireg belak cereg lei iked. Selaen ajeh, bes Bujang Bireg mongloh watak ibles de bisengoh ya masarakat Jahut.

Nanek jis, Bujang Bireg ru memrib ikawat et kek hasel serag. Selese i kek yas ku serang, ilei kiet mamuh nu nanek pateu. Was pateuw ajeh mong nanek jehuk beringin de rendang ru entoi. Ilei kiselap ku pateu ajeh ru kitimul ku was mahnuh mai kerdor menaleh. Hal adeh kiui ilei kikekjet. Haj, ilei kineng numom menaleh de bor irenis ru bagei bipukau ha joi kerdor jeh nu ikampug. Ilei tok kisedar kigei ku kampug ibles ru telas memerib jis ilei kijek ru menaleh ajeh. Ya begecek ilei tok kijuk nu kampug mende bijampik ru kijadik ju pehak Ibles. Bujang Bireg bihok ya peringak Iblis mende kibergol yas de jeoi. Ilei tok sedar hasel yas ajeh sengoi bernor. Rimdij mai kampug naidat hat numom taleh sui iamek ilei.



Amek Bujang Bireg kisengoh kijadik mangse ikenon. Amek Bujang Bireg kikit penutos kibercep was selak paku langsuir ataopen kateh engrok Jahut bikenal sebegei selak serayak. Jap mase iamek kicagoh an kiperyos numom kenon keral dek perdat Bujang Bireg. Haj selak serayak ajeh tebukak ru hol nenumom sayet keral de bigelar Bungasuk Serayak. Amek Bujang Bireg na kibelak Bungasuk Serayak lei kiraknak. Bungasuk Serayak mong benoleh cenempet belengnon ru tok low iwog sebegei yas. Bungasuk Serayak kiperdat kamerek dij kaom Ibles kecuali Bujang Bireg, ikenah ru itak. Nanek jis, Bungasuk Serayak kipakat Bujang Bireg muj serag ha beradu kengwat rejam tarog. Teg kentop Bujang Bireg bikoh semase kaha rejam tarog. Bujang Bireg kikekjet ru kekenjip kirok laluk kibejanyik ha kek yas sengoi gunak teg kengwil. Bujang Bireg tok kikep kek yas ru bor bile gunak teg kengwil. Ju ajeh mai kampug jadik aman ru walah nej mai dat.

Penules begei bipukau ru cerite Tok Duai bekenae hikayat Jahut. Tok Duai keperjelas jugak usahawan uker patug jugak kep senukong kerajaan ru peusahe hotel ku bandar adeh. Secare tok langsung adeh kibantuk perhuj imej kampug kateh sektor penelancong ku daerah. Ilei jugak kiharap mai nyenyam berajal neuker dek wenaris jenang tok an pupus ru nyep jaman.

Peksendok penules kaha jug, nanek penilei bekenae patug bes tok nej kijadik bahan pemujak, peret jin atao nyanik ru kiperlai nyaknik mende nilei penanei moden ya kidominasi masarakat sengoi.



Patug Bujang Bireg



Encik Razak ru Cikgu Raman terbuk Tok Duai



Ektiviti

1. Bacak rencane ku kemil secare lantang.
2. Beh sinopsis bekaet Bes Bujang Bireg kateh bob tules.

2.2.2
3.1.1

Budaye Identiti Bangsak

Ipemulak

- Negare kayak ru budaye bebegei kaom.
- Sengoi Gop, Cerawas, Lel, Iban, sengoi hik ru kilek-kilek.
- Sengoi Gop tekenal ru tenari zapin, sengoi hik tekenal ru sewang.

Isik-1

- Usahe ha kekal budaye: peranan de biman ya individu.
- Berajal budaye masarakat.

Isik-2

- Usahe ha kekal budaye: peranan de biman ya pehak sekolah.
- Ujud kelab ru rancag nej ektiviti benudaye.

Isik-3

- Usahe ha kekal budaye: peranan de biman ya kementerian atao kerajaan.
- Ujud progrem perinkat nasional.

Isik-4

- Usahe ha kekal budaye: peranan de biman ya media massa.
- Iklan, kempen ru sebegei kikilek.

Iserangkol

- Budaye mong ku Malaysia hodloh bihurmat ru bihergak.
- Berupe nanek neunik ru wenares.



Ektiviti

1. Beh nanek kenarag jijoi maklumat ku kemil antare 150 lei 180 nekate.





SENI ENGROK



AUDIO 22



Jis Moyang

Pegelap ajeh
 nengneng limak kerdor naihias ayu
 teknaj selak sekek ku sog
 kerenyim senukak samak kilek

Pegelap ajeh
 sang keral naipoj imase
 topeg Tok Pangkol ru Tok Nani jadik identiti
 gengsag mayin jo-oh nailog

Cerngailoh
 irama belampok kiceeh sengyong
tuntong, tambo, tawak rancak begeme
 keperlei kateh engrok mai sisi
 laguk Moyang Jabus, Shidut ru jis Moyang penileh

Gengsag
 generak mai betopeng jijoi jam
 gengsag ikerdor nailawan jam
 kiperlei nanek jenim de bicermor
 palsafah gengsag enai perneng

Mai kampug
 meriah ku deg moyang
 persui budaye de biwares
 kididek ha mai sayet budaye
 beraknak kateh adat resam

Henarap
 nanek benerkat kateh sinui
 beingat ku mai manah
 wenares nanek benanggak
 wenares nanek amanah



Ektiviti

1. Kibacak sajak ku kemil ru kiog respon positip.
2. Og peniker engkek, geiharok ha pekenal wenares adeh nu luar negare.



Info

tuntong iceti awat
 tambo iceti gendang
 tawak iceti gong

4.1.1
 1.4.1



Engrok Majmok


1. Ayat majmok ialoh ayat de bibeh ru cenantum nar ayat tunggal atao lebeh. Ayat majmok jugak bikenal sebegei ayat kompleks.
2. Mong nik banse mentok ayat majmok rah ayat majmok genabung, ayat majmuk penancang ru ayat majmok cenampur.
 1. a) Borhan kikenjip tekilan (ru, mende, tapik).
b) Borhan tok kep et nu Karnival Orang Asli ku Kuala Lumpur.
 2. a) Nazrin kipanei ui lenipat tempok (ru, mende, tapik).
b) Nazrin kiberajal ru iatok .
 3. a) Filem Semai sesuei bineng ya mai engrak (ru, mende, tapik).
b) Filem Semai sesuei bineng ya mai sayet.
 4. a) Caknak sengoi hik ku Karnival Orang Asli had unik (ru, mende, tapik).
b) Caknak sengoi hik ku karnival Orang Asli begei rebug, gale ru kak.
 5. a) Khairul kicurus mempelam (ru, mende, tapik).
b) Khairul ki gunakan kembot cereg.



Ektiviti

1. Gabung ayat gunakan engrok majmuk ku kemil jiji benimbing guru.
2. Telas ajeh, jap gu hodloh beh 10 ayat engrok majmuk ru bentang.

Neistemewe Gamat



Gamat

Caknak tenamah

jeli

kapsul

penglai kenghol

sop

Produk senihat

senem cepit

siknuj renis

kerim

sabun mahnuh



Ektiviti

1. Jijoi maklumat ku kemil, og pendapat engkek yama gamat biurok had benilei?
2. Gunak renujuk tenamah, senarei banse produk kilek de kiperhol ya gamat banding jenawab ru gu kilek.



Kening Palei



JERANTUT 16 April – Tenumbuh serag boleh bieksplorasi ha tenuju komersial ru mampuk kijane berengkep lumayan amen nuurag ajeh sanggop kiredah jerlak ru ranjau kaha berkep. Antare hasel serag de lasik inilei ialoh kening palei atao imuh saintipik *oncosperma horrida* de jeoi bikeb ku serag Taman Negara, Kuala Tahan ru Hulu Tembeling. Kening palei mongloh cegeh ru tahan teu empoj, **cek pengorek** ru gerej. Hamaka, kening jehuk bigunak ha bibeh **kelong-kelong**. Kening jehuk adeh bigunak jugak ha caruh deg ru dinig.

Masyarakat Gop ku jeris Hulu Tembeling naimanpaat imuj kening palei ha bicampor kateh menasak tradisi ru kihasel kenjip de sedap. Imuj (kateh kening jehuk atao mayang) berupe nubanse bahan leem ru sedap amen bisubai. Imuj biperhol ju kateh ibatag, bicincang halus, bisuj berseh laluk bicak **berai** ru segar. Ilei jugak sedap amen biui kerabu, ikenjip ceet ru rangop.

Nuurag mai Kampung Pengau Hulu Tembeling, Abu Seman 47 tahut kipasal, imuj biberkep ju kening palei ku serag Taman Negara, Kuala Tahan ru Hulu Tembeling. Kipasal nej irenis ru sais kening palei seakan begei kening nibong ru kening beleg de mong batag cereg ru cegeh, bejerlak serte terik hagik gunak yoj biasak.

“Eng ru kawat, jar kot mase numinggu ha kek kening palei mende ilei tok kicuai rek ku kampug ru terik ha jumpak.”

“Kerjak-kerjak ganknik kening palei terik mende hod gunak kapak ru beliuk de tajap ha teknet icekop,” kiurok semase bijumpak ku Kampung Pengau, Tembeling pai-pai adeh.

Telas jehuk bigik, Abu kipasal pahneh cekop cegeh kening palei biui ha berkep imuj ru gunak penealat beliuk. Kijelas kerjak ganknik jugak kikot mase leu hakot lenapes imuj taleh manakala ibatag hod pej. Lenapes imuj kateh kening palei bikoh patik-patik icengreg nanek meter dek senang bigol ru bianj ku kateh bot ku Sungai Tembeling ha bianj juk atao bijual. Kahnoh imuj adeh boleh bijual ru hergak RM8.00. Nanek kening palei ajeh boleh hikep RM80.00 lei RM100.00 nujap noh bijual nu pemborong ku pasar tani ku Bandar Jerantut.

Kiurok nej, imuj palei mimang tekenal ju jaman manah entem ku kenalag sengoi gop ku Jerantut ru Kuala Lipis mende senalo bigulei ru kak teu ju Sungai Tembeling, Sungai Jelai ru Sungai Pahang.

“Amen ha cak menasak adeh, imuj palei de siap bigik hod deras bikoh teros bigulei ru tok boleh hidek leu,” kiurok ya Abu.

Menasak subai imuj palei sesuei bijamuk semase kenduri, gutong-ruyong ru senambut mai entoi ru pelawat de singgah ku kampug de rek ku beg teu ajeh. Jenerasi hunen tok naikenal kening palei ru tok naipanei isendap senubai imuj malah tok panei menasak cenampor tumbohan ajeh.



Ektiviti

1. Bacak berite ku kemil adeh secare kuat ru pintan gunak sembot de betol.
2. Jijoi maklumat ku kemil og kayat care-care ha prumusi caknak tradisi nu masyarakat terutame genulug nyenyam secare gu.



Asap Sengruk

Asap sengruk (*garcinia cambogia*) atao asap kepig berupe nubanse kening jehuk bipecayak beasal ju Semenanjung Malaysia. Ikenjip selak ru bungak mongloh menghed, gek ceet, keer ru beket manakala ipelek kenjip keer amen bicak. Pelek ru itarog besipat sengej.

Pelek asap sengruk na siap bipruses bijadik bahan perisa kateh menasak Gop ru bijadik bahan ha pergo ngoi pelih de mong ku kak atao sej. Asap sengruk sot bicereg asap kepig bigunak ha menasak sebegei tenamah kenjip keer kateh menasak. Asap sengruk mong bahan asid hidrositrik buleh kigantik asap jawak. Ku masa hunen, mong bigunak asap sengruk ha jus ngeknut ru kibantuk kipergek kolesterol kateh berog serte bepungsi sebegei antioksidan de bor. Tarog nyenyam de berei atao bicelur bicak samak budu, cencalok, sambal belacat atao kilek-kilek pencicah mase cak canak. Pelek nyenyam asap sengruk buleh bibeh cenampor kateh sambal belacat.

Pelek asap sengruk mong asid sitrik, asid tartarik, asid malic, asid ascorbik, asid hidroksi sitrik, flavonoid, serat, vitamin ru mineral. Asid askorbik beperanan sebegei anti bakteria. Iselak mong serat, karbohidrat, alkaloid, vitamin ru mineral. Amen hicak iselak, bungak atao pelek asap sengruk buleh kicerleh darah tinggi, kirawat kencing manis, nyaneh berog belebehan, tok selere cakkak ru nyaknik jantung. Pelek, bungak ru itarog buleh kibetindak sebegei antioksidan ru awet nyenyam. Mong mai kerdor naiamal ngut asap sengruk semase bepantag bipercayak ha pederas pruses kikecut dengkenon.

Genunak asap sengruk jugak kep tempat kateh perenglai India kuno ha atasi masalah penehadam, renawat cacig, parasit, tumor ru **cawam** bihip. Pelek asap sengruk jugak buleh bigunak ha rawat masalah kateh ket. Kateh perenglai Gop manah kigunak geknap teu selak ru reis asap sengruk ha perlai nyaknik entag. Pelek asap sengruk biurok buleh kipernyep nyaknik lengsig. Asap sengruk itawar jeoi hasiat bor ju sudut perenglai ru bijadik sebegei sendap caknak.



Ektiviti

1. Bacak nepetek ku kemil ru beh neulas gunak ayat lilei tok lebeh ju 100 nekate.
2. Bincang ku kateh gu, og peniker engkek ru beh pantut bekenae tenumboh.



Info

Cawam iceti caknuh atao cirit birit

3.3.1
4.1.3



Sajak Semago

Semago,
Imuh de unik tenumboh karnivor,
Kisui er ku kemil tik,
Ku kateh serag ilei bibakek,
Kisui sebegei kening besulur paut kihihuj.

Hunen semago,
Kikep tempat ku sengik masarakat,
Spesies bigemar kicuai bementok,
Bekaler **rengai** ru belaar bebintat-bintat,
Kijadik menu juadah menasak,
Awat pulut ru nasi lemak,

Semago,
Tenumboh liar jeoi ku darat,
ku serag tropika ilei biberkep,
Iteu biurok mong ikuasak,
Suarak **belepog** sedap bicerngai,
Kayat pelik biperdek imuh,
kening misteri kuasak mistik.

Semago,
Imentok macot bebegei sais,
Tenarek pelancong bukti neujud,
Kazanah alam tiktok tenilei,
Jadik tenumpu wenares duniak,
Hod bijagak teros bipelihare.



Info

Semago iceti nubanse tenumboh de kisui ku kateh serag atao bikenal sebegei periuk nera

Rengai iceti ceher

Belepog iceti suarak de merdu



Ektiviti

1. Bacak sajak ku kemil ru og peneterang ceti nujap rangkap.
2. Bincang secare bergu, gares nekate de terik ru beh ayat lenkap.



TATAMENGWAL



AUDIO 24



Rebug Ceet

Duniak Lemu Penanei

Rebug ceet atao imuh botani *gigantochloa albociliata*, berupe nubanse kening **awat sentet**. Iawat sesuei bijadik produk yas teg, perabot, **sempit caknak**, cenungkel lemuaj atao cencuk caknak. Awat sentet buleh bijadik sebegei jehuk henias tetapik hasel awat sentet de had penteng mongloh penehasel rebug ceet de sedap.

Semanj nu rebug ceet ku kenalag masarakat Gop jugak lasik mende rebug ceet mongloh caknak gemar mai jengoi teutame kateh menasak tradisi Gop. Rebug ceet berupe antare penileh de bicak ru kari ru bijamuk ku majeles-majeles kenduri. Rebug awat teutame rebug ceet buleh bigureng ru had bigemar mongloh menasak lemak cili api rebug ru pug atao sej salei. Selaen ajeh rebug jugak buleh biui kerepek ru jugak tepug.

Ceknet awat sentet tok terek bijagak mende ilei bicet nunoh taleh. Awat berupe tenumbuh de lasak ru tok payah ceknet nej ru bibajak nutahut taleh. Alau begebekpen kening awat kihod was de mong tu cukop mende ilei tok buleh bicet ku was tik de sot atao tik bepaya de kijejas penetumbuh reis.

Kening awat de bicet ha penehasel rebug kihod timpoh matang de deras iaajeh kirak-kirak lapan gecek manakala ha batag awat enam tahut. Awat sentet jugak tok terik bijagak mende kening awat tiktok musoh ju menatag.

Jarak ceknet antare **pungka** mongloh lima belas kaki ru dua puluh de buleh kirak-kirak tiga ratus limak pungka awat buleh bicet ha lengwas 0.4 hektar. Awat buleh bicet ju kahnoh kening de bereis, kahnoh batag ru ju kaedah tisul kultur.



Ektiviti

1. Pilih nekate ku kemil ui engrok gande.
2. Tules ayat lenkap gunakan engrok gande.

5.1.3
3.4.1




Info

Awat sentet iceti muh nubanse awat de mong irebug hik kenjip ceet atao bicereg rebug ceet Pungka iceti rumpun

Sempit caknak iceti sempit bibeh ju awat ha genunak mai cerawas nai cakcak



Lenateh 



MENEGAK

1. Nubanse menatag bejerlak ikenok.
2. Imuj buleh bisubai.
4. Nanek tenumboh de bekaler rengai ru belaar bebintat-bintat.
5. Ju _____ kijadik iawat.
7. Ikening jehuk buleh bibeh senem ceeng.

MELINTANG

3. Bicereg imuh jugak asap kepig.
6. Nubanse peringak telei.
8. Buleh kiperlai lukak.
9. Amen bisepak kibejawel rah bola.
10. Ku kening jehuk kibeh ideg, mong isempog.

Herbe ku Malaysia

Kenyak Herbe ku Malaysia



Ektiviti

1. Og muh herbe-herbe ku kemil adeh.
2. Ma herbe-herbe kilek de engkek panei?
3. Secare gu, pileh nanek herbe ru ceryak ma ihasiat herbe de bipileh ru catat gunakan menudah Internet? Bentang hasel penebincang kateh kelas.





Hempedu Bumi

Hempedu bumi berupe nubanse herbe de jeoi ihasiat. Herbe adeh jugak bikenal sebegei pokok akar cerite atao *King of Bitter*. Imuh saintipik ialoh *andrograpis paniculata*. Hempedu bumi jeoi kicuwai ku negare Asia Tenggara rah Malaysia, Thailand, Indonesia ru kilek-kilek nej. Herbe adeh senang kicuwai ku tik gambut.

Herbe adeh nubanse ceknet renek de cuwai secare tegak. Icengreg boleh kicapei 70 lei 90 sentimeter. Iselak bekale belaar ru selej. Ibungak macot ru bekale ungu ru ipelek besais macot ru bekaler biyek ungu. Mentok iselak bujur ru runcing ku mol. Herbe adeh ikenjip had kedej.

Kenjip kedej herbe adeh mong jeoi ihasiat ha kirawat pelbegei nyaknik rah darah tinggi ru diabetes. Selaen ajeh, selak kening adeh jugak boleh kirawat lukak, nyaknyik, pencair kahak ru cengah selsema.

Care-care genunak herbe adeh jugak mongloh had mudah. Ha kirawat diabetes ru darah tinggi, icare ialoh kod nar atao nik helei iselak ru tebeg kateh teu beket atao gap ru poj lei seeb ru ngut nunoh nu jis. Hod ngut jeoi teu telas nu jam ha kiwes toksin kateh berog. Care kirawat lukak pulak ialoh kot memerib helei iselak herbe ajeh ru seh lei ceh, telas ajeh **ceteh** ku lukak ajeh.

Herbe hempedu bumi hunen na bikomersial ru bicet secare selai. Pelbegei produk ya bihasel berasas herbe adeh ru kikep senambut de bor ju masarakat. Hod jeoi nej kenaji bekenat ihasiat ru care ha hik petingkat genunak herbe adeh ha mase nungar.



Info

Ceteh iceti dek



Ektiviti

1. Bacak nepetek ku kemil ru kernal pasti isik-isik penteng.
2. Jijoi isik-isik penteng kateh nepetek, og ibernor kilek herbe-herbe de mong ku Malaysia.



Care-care Pruses Teh Misai Kucing Ku Deg



Ektiviti

1. Jijoi gambar ku kemil adeh, peterang icare bibeh Teh Misai Kucing ru tules kateh bob tules.
2. Ceryak maklumat kateh Internet bekenaeet ihasiat teh misai kucing ru cubak pengaruh kawat engkek ibernor hingut teh misai kucing gunak bahase de sesuei.

3.3.1
1.6.3



Syaer Herbe Bumik Malaysia

Bumik Malaysia alam de kayak,
Mong kazanah herbe behergak,
Herbe hebat tenarek duniak,
Jeoi ibernor hod hijagak.

Herbe bebegei biog ya Nyenang,
Hihod pekekal tokloh senang,
Perusak alam senalo naiserang,
Agok hibiari terosloh tentang.

Senalo bibengsat ya mai raknak,
Anugerah herbe hod hijagak,
Hod petahan agok hisagak,
Jugak agok hikenjip teagak.

Herbe bebegei jeoi ihasiat,
Cuwai er ku serag itempat,
Kenaji bibeh ibernor sarat,
Neamal herbe ha senihat.

Serag hik tok tenilei iregak,
Jeoi kazanah alam tok tekirak,
Penglai herbe neamal mai raknak,
Berog kuat senihat tejak.

Herbe de mong terosloh petahan,
Jeoi ibernor penglai bekesan,
Bok pemusnah mesti hilawan,
Dek bekekal nu cengreg jaman.



Duniak Lemu Penanei



Ektiviti

1. Dindag syaer ku kemil gerak berog de sesuei secare didek hibor.
2. Hurei iceti jap-jap rangkap syaer secare besual jawab ru salit kateh bob tules.
3. Og cenadang, begehharok hik boleh petahan herbe-herbe de mong dek tok pupus?



Pola Ayat

Nepetek 1

Eng tok ngsetuju ru genunak herbe sebagei sumber perenglai mende:

- Hasiat herbe peksik bikaji secare semiyak ru sistematik.
- Dos herbe de hod bikot tok jelas.
- Dos herbe de bikot belebeh buleh kiog dil toksin nu berog.
- Dos herbe de bikot buleh kirusak organ berog.
- _____
- _____



Duniak Lemu Penane



Nepetek 2

Eng ngsetuju herbe bigunak sebagei perenglai alternatif mende:

- Penglai herbe lebeh bor ru selamat ha bigunak mende irenamu asli.
- Penglai herbe tiktok bahan kimia ru terwer ju bahan tecemar.
- Penglai herbe iregak murah.
- Herbe mudah hik kep.
- _____
- _____




Ektiviti

1. Kernal pasti pola ayat kateh nepetek ku kemil adeh.
2. Ma hujah kilek de buleh sukong penenyate ku kemil?
3. Og peniker engkek, samak mong besetuju atao tok besetuju ru nepetek ku kemil.

5.1.3
1.5.3



Lenateh 



Ektiviti

1. Pileh nanek herbe de engkek sukak ru ceryak maklumat bekenaeet herbe ajeah kateh Internet atao perpustakaan. Beh bob skrap.



CERNGAI ru BELWAL

Penerlu atao Heknot



**PAKEJ MELANCONG
KE KOREA**



Kami menawarkan anda pakej melancong ke Korea dengan harga pakej yang berbaloi. Itu dari harga **RM 1099** sahaja.

HUBUNGI



Ektiviti

1. Kernal belok nanek penerlu atao heknot. Hujah isu ku kemil. 🧠
2. Begeiharok ha pupok budaye menabong ku kenalag mureb?

1.5.1
3.5.1



Tip Kenrip Belanjak

Apak amek senalo naiog belanjak sekulah ku engkek. Begeiharok ha kenrip genunak belanjak sekulah ru buleh menabong. Kenrip berupe kaedah peneurus berengkep de betol. Sengoi de cermat senalo kikek nong ha ka kerip mase, berengkep ru tenage ru tok beceti hod jadik karit.

Bageiharok buleh bejimat cermat?

Mong jeoi care ha belanjak secare behemah:

1. Tentuk penebelanjak nuranis engkek peksendok belik nunanek arap atao penehidmat?
 - Mong ka engkek betul-betul hod belik arap ru penehidmat ajeh?
 - Buleh ka engkek kep ku was kilek ru regak lebeh murah?
2. Cak padeg lebeh kerip ju cak ku kedei.
3. Terbor arap de rusak ru gunakan nej.
4. Gunakan arap secare behemah rah pen, pingsel bob ru kekilek.
5. Bekungsi ru kawat arap rah majalah, bob ru kekilek.
6. Betukar cenempet ru kawat begei guntig sog ru ceknik serwal.

Iserengkol, hik sui ru berengkep gek tok beceti sinui hik serbe gek. Hik hodloh besyukor senalo ru sinui de mong. Kenrip belanjak kateh rimdij aspek sinui mongloh asas sinui sejahtere. Hik hodloh amal peneurus belanjak de behemah sebegei gaye sinui.



Ektiviti

1. Bacak entoi nepetek ku kemil.
2. Ektiviti kateh gu, kembang tip-tip ku kemil ru telas ajeh bentang.



MENULES

Krusus Peneurus Penebelanjak

KRUSUS PENEURUS PENEBELANJAK PERIBADI PERINGAK

neanjur
Kolej Komuniti Semai ru Bank Negara

mase
8:00 pegelap - 5:00 berkes

tareh
7 Ogos 20xx

tempat
Dewan Kualiti Semai

mong jugak
1. Cabutan betuah 2. Peceramah berengkep tekernal

KOLEJ KOMUNITI
BANK NEGARA MALAYSIA



Ektiviti

1. Jijoi poster ku kemil, og peniker ma tip-tip peneurus penebelanjak.
2. Man peranan sebegi penceramah peneurus penebelanjak.

3.2.1
1.5.1



Pantut Empat Kerat Genunak Berengkep



Kateh serag jeoi menatag,
Muj ku serag agok beparik;
Uros belanjak agok behutag,
Jeoi hutag kihajap dirik.

Kateh sinui hod bekerjak,
Patoh imase hodloh jujor;
Amen gagal urus belanjak,
Jerengkeh jeoi dij bitabor.

Cip nu serag sengik cerie,
Ha ceryak kening beluru;
Jok menabong neamal mulie,
Had begunak mase hik perlu.

Cip beniagak ku Ulu Yam,
Amen beniagak agok lenlod;
Bor menabung ju hik nyenyam,
Alau gek-gek an kijadik lod.

Minguk nungar naijekjeg,
Bercet nu kawah hod kengwat;
Belanjak sinui gu tamah cereg,
Tinkat semangat bekerjak kuat.

Belik arap hodloh kerip,
Penileh arap hodloh segar;
Bile belanjak hodloh hikerip,
Tokloh hajap ku mase nungar.



Ektiviti

1. Bacak pantut kemil adeh ru intonasi de betol.
2. Beh nanek neulas.



Ayat Tunggal ru Ayat Majmok

1. Ayat tunggal ialoh ayat de bibeh ju nanek ayat subjek ru prediket.
2. Ayat majmok ialoh ayat de bibeh ru cenantom nar ayat tunggal ru lebeh. Ayat majmuk turot bikenal sebegei ayat kompleks.

Tip Kerip Belik Penakei

Penakei berupe penerlu asas kateh sinui hik de hod hik kot kirak. Berikut tip penekungsi care penileh penakei.

1. Petame sekali, peksendok haui penutos ha belik penakei mongloh kernal penerlu canuk. Tanyak dirik canuk samak mong perlu atao hod tamah bajuk ku lemari abat. Tanyak sensual de samak senalo. Amen jawab engkek “bajuk eng lekat mong ru peksek bipakei nej” beceti bajuk ajeh tok payah belik.
2. Amen situasi bebize nej alau saiz pizikal engkek ya beubah ru ketare hodloh engkek penetimbang semule. Penakei de tok sesuei an kijadik engkek tok selese.
3. Pileh penakei jijoi sais berog tok telaluk entoi ru macot serte sesuei. Penepileh de tok tepat an kiperneng imej de tok bor ku mat mai kilek. Bigalak penepileh penakei de supan ru sesuei ru budaye mai pasak.
4. Pileh gedung de juwal murah ru harga borong. Bebelanjak ku tempat de betol mampuk kitawar regak de bepatut ru kualiti penakei de bitawar.
5. Pileh penakei de bekualiti ru titok jename. Jeoi penakei de tok bejename mewah tapik bekualiti kitawar regak de lebeh murah.
6. Care penejagak penakei jugak kenak kot kirak. Penakei hodloh bisuj telas gunak ru log bekalae an kepecereg janke hayat penakei. Log penakei de kerap an kijadik penakei deras kilaj ikaler ru isengrai gej gecat.



Ektiviti

1. Bacak nepetek ku kemil, kek ayat tunggal ru majmok.
2. Beh 10 ayat tunggal kilek bekenae kenrip.

**Cenatat Belanjak**

1. Mulak cenatat joi tareh, jis ru mingguk.
2. Catat jumlah berengkep de biterimak ju rimdij sumber ju apak ru amek atao punce-punce kilek.
3. Catat jap benglik de biui nujis.
4. Catat baki ju penebelanjak de boleh bidek.
5. Ipenyudah mingguk kirak jumlah berengkep de bidek.

Gecek: Oktober
Minggu: 1

Tareh	Wang Saku RM (A)	Penebelanjak	RM (B)	Daknek RM A-B
02/10/20XX (Ahad)	20.00 (apak)	Tambang bas ha limak jis Teu sirap Koi (2) Pembares	10.00 0.50 0.60 1.00	7.90
4/10/20XX (Selase)	5.00 (apak)	Teu soya Nasi lemak	0.50 1.00	3.50
05/10/20XX (Rabu)	13.00 (amek)	Yuran kelas Teu limau Canak goreng Pingsel kale	1.00 0.50 1.00 8.00	2.50
09/10/20XX	10.00 (apak)	Bob lenateh Roti canai	1.20 1.00	7.80
Jumlah	48.00		26.30	21.70

**Ektiviti**

1. Kateh gu, ui nanek rekod peneurus belanjak ru bentang.

Capei Neimpi



Ektiviti

1. Jijoi maklumat ku kemil, nyate care ru hasel ju penedidek.
2. Kek peribahase de sesuei kigambar usaha ha capei neimpi ru beh ayat.

Sejarah Sekolah Bestari

Sekolah Bestari secara ringkas boleh bidefinisi sebagai nanek sistem proses peneajar ru peneberajal lebeh bepusat nu mureb ru gunak penedekat de lebeh kritis ru kretip serte kigunak teknolujj sebegi peneupaye. Penegunak ICT sebegi bahan kateh proses peneajar ru peneberajal berupe asas Sekolah Bestari. Penedekat adeh tok terhad kateh kurikulum, pedagogi, penetakser peneajar ru peneberajal malah jugak kateh bidang peneuros sekolah.

Peneuros ru penetadber sekolah bestari dek penguros sekolah boleh kiuros ceknip nubuah sekolah ru lebeh epektip. Alau begehharokpen, kateh proses penetuboh Sekolah Bestari ku rimdij negare, Kementerian Pendidikan Malaysia na kikit langkah bijak ru kos epektip ru kipekenal Program Pembestarian Sekolah.

Adeh mende ha bekal infrastuktur teknolujj penoh nunanek sekolah Bestari, kerajaan hod kibelanjak ijengoi RM1.8 juta manakala ha bekal infrastuktur teknolujj makmal komputer, kerajaan kihod peneuntok RM642,000 ha nunanek sekolah. Oleh ajeh, alternatip de bor mongloh ru care kibestari sekolah sedie mong de had perlu peneuntok de nyak lebeh kerop ha nujap nubuah sekolah.

Program Pembestarian Sekolah kiog ceti kiaplikasi konsep Sekolah Bestari ku sekolah rendah ru sekolah menengah ku rimdij negare. Komponen utame penebestari sekolah mongloh bepokes nu peneajar ru peneberajal serte peneuros sekolah bibantuk ICT. Pruses penebestari sekolah boleh kilateh guru ru mureb becenempet kateh bidang ICT. Justeru, cenempet de biperoleh boleh kiperyos mureb de kiamal peneberajal akses sendiri (self-accessed), terarah sendiri (self-directed) ru kadar sendiri (self-paced).

Penelaksane penebestari kikit kirak rimdij inisiatip ICT de sedie mong ku sekolah kirangkom nik pekare utame iaajeh *hardware*, *software* ru *wetware*. Kementerian Pendidikan Malaysia na kibekal pelbegei penealat ru menudah ICT rah komputer, pencetak, projekter ru renangkei.

Pelbegei peneisi krusus na biberkus ya pehak KPM ru kerjaksamak pehak swasta. Peneisi krusus ha genunak Sekolah Bestari de kilibat empat mata pelajaran iaajeh Bahasa Melayu, Bahasa Inggeris, Sains ru Matematik na biberkus ru kerjasamak pehak swasta.

Penebestari sekolah kilibat peneuros penedidek de lebeh cekap ru bekesan ru penegunak aplikasi *Smart School Management System (SSMS)*, *Educational Management Information System (EMIS)* boleh kibantuk kipekemas penealir ru penekungsi maklumat ku perinkat sekolah, jabatan ru kementerian.

Lenateh cenempet ICT nu individu de telibat senalo biui ju semase ku semase. Pentadber sekolah, guru, staf senukong ru individu ku pelbegei perinkat Pejabat Pendidikan Daerah, Jabatan Pelajaran Negeri, ru cerenglah ku KPM turut bibimbeng ru bilateh kigunak rimdij menudah ICT de bisedie.



Ektiviti

1. Bacak nepetek ku kemil secara kincang ru og respon.
2. Ru gunak renujok tenamah, senarei ciri-ciri kilek sekolah bestari.



Peranan Kaunselor ku Sekolah



Kiog hidmat bengsat



Kiog ceramah motivasi



Kibantuk kitangani masalah disiplin



Ektiviti

1. Jijoi gambar ku kemil bincang kateh gu ru og renumos engkek secare betules.
2. Andai engkek sebegei kaunselor ku sekolah, og cenadang neungkap de buleh kiog motivasi nu memureb. Engke buleh pinyap engrok-engrok mai cerdeg panei sebegei renujok.



SENI ENGROK



AUDIO 26

Syaer Hurmati Guru

Cikgu antere insan tepileh,
Kiog lemu tiktok memileh,
Kiperdij imase ha mureb taleh,
Kisug nong jenaye lei jis adeh.

Hurmatloh cikgu rah amek apak,
Sengoi petame hik betapak,
Bengsat kiog dek bejasak,
Benimbeng nuurag guru biasak.

Isinui kadang kenjip seselei,
Cikgu mong senalo alau kiselei,
Kicurah lemu tok kenjip kalei,
Kenon didek agokloh lalei.

Hurmatloh cikgu hokloh cikgu,
Tunjuk ajar cikgu senalo biseru,
Tok semanj benalas asal belemu,
Ajehloh cikgu ajehloh guru.

Wahai cikgu de had bihok,
Isinui nujis senalo sibok,
Neajar cikgu kipejadik hik bok,
Walah cikgu hik teros berakpok.

Hurmatloh cikgu sengoi bejasak,
Jadik begunak agok tepaksak,
Neamal neajar cikgu bebanggak,
Ogloh bakti nu nusak bangsak.

Tabahloh cikgu sabarloh cikgu,
Penekorban cikgu tok pernah jemu,
Kiog cahayak kicurah lemu,
Jasak jun cikgu jik semanj restu.



Ektiviti

1. Bacak syaer kukemil jjoi senembot, nada ru intonasi de sesuei ru betol.
2. Bincang ku kateh gu, hurei iceti tesurat ru tesirat.



Ayat Seru

Tukoh Mureb

- Ahmad: Salam sejahtere, ma igah?
- Salina: Salam sejahtera, gah bor.
- Ahmad: Eng Ahmad ju buletin sekolah ha temu ramah saudari mende saudari binobat sebagei tukoh mureb sekolah adeh.
- Salina: Buleh.
- Ahmad: Eng ru entoi sengik ha ucap tahniah nu saudari mende bejaye jadik Tukoh Mureb 2018.
- Salina: Abor haknuk.
- Ahmad: Ma kenenjip saudari binobat sebagei tukoh mureb?
- Salina: Oh, tentuk eng kenjip bangga ru kerakmik! Eng besyukur mende usahe eng selame adeh kiperhol hasel. Eng jugak ha ucap abor hanuk nu peringak, cikgu ru kawat-kawat de tok pernah jemu naiog senukong lei ngkep cenemerlang akademik ku jis adeh.
- Ahmad: Wah, jeoi mai jadik jaag kenok hek! Tok heranloh, hek bejaye mong mai og semangat nu hek! Ma rusiye cenemerlang saudari lei bejaye jadik tukoh mureb?
- Salina: Imentol bok-bok pen boleh jadik tukoh mureb. Rimdij jekjol nu nar prinsep iaajeh disiplen ru usahe de gige. Ku sampeng ajeh hik hodloh senalo hik bedoa.
- Ahmad: Betol, hik aguk sip ru Nyenang hik selaen ju usahe beneteros! Jijoi pendapat saudari, ma de haros biui ya nuurag mureb ajeh boleh teros bejaye?
- Salina: Hik hodloh senalo beusahe besunggoh-sunggoh ha capei cenemerlang kateh akademik. Hik jugak hod penteng sahsiah dirik ru ketatasusilaan de lasik. Hal adeh sekaligus boleh kierat henubong hik ru guru serte kekawat ku sekolah.
- Ahmad: Wah, paknyak henubong erat antare guru ru kekawat juga kijadik paktor cenemerlang! Bulehka saudari og gek bingsat de patot bicuntoh rimdij mureb?
- Salina: Oh, boleh tok jadik masalah! Ha jadik mureb de boleh bicuntoh nuurag, hodloh kiui rimdij pekare de bor ru wes rimdij de tok bor. Selaen ajeh, hod hik libat dirik kateh ektiviti kurikulum atao ma jugak bidang mongloh had penteng. Senukong moral ju rimdij genulug had bihod.
- Ahmad: Abor haknuk saudari mende ya bekungsi jenaye saudari dek kijadik cuntuh nu memureb kilek.
- Salina: Samak-samak. Eng kerakmik mende boleh ngbantuk.



Ektiviti

1. Kernal ru gares ayat seru ku kemil.
2. Beh dailog ringkas betajok “rusiye jenaye” ru permuj ayat seru.

5.1.3
3.3.3



Peluang Penedidek


Nujap Rakyat Mong Hak Kikep Penedidek

Mampuk nu sekolah

Kipergek buta hurop

Kiperyos sengo bekualiti

Duniak Lemu Penane



Ektiviti

1. Neng maklumat ku kemil, hurei pendapat engkek jioi tajok ku kemil. Icengreg henurei hodloh tok lebeh ju 180 nekate.





Peneternak Kak Teu



Banse-banse peneternak kak teu



Ektiviti

1. Jijoi gambar ku kemil, bincang secare beregu banse-banse peneternak kak teu.
2. Og peniker engkek, yama peneternak kak adeh buleh bipileh sebegei nane kerjaye ku mase nungar?



Ceknet Ladak Fertigasi



Teknologi fertigasi berupe nu nanek sistem ceknet de tok kigunak tik. Teknologi adeh hanya pegunak benantuk teu ru bajak taleh. Fertigasi iceti ialoh ceknet de senalo biperteu ru lenarut bajak de lenkap secare jot memerib noh nu jis jijoi penerlu kening. Tenuju teknologi adeh bipekenal mongloh ha pegalak ceknet ju nyaknik bianj ya tik.

Ceknet secare fertigasi hunen kikep penerhati masarakat mende jeoi lenebeh ru buleh hikep berengkep de lumayan. Antare ilenebeh ialoh care adeh lebeh produktip, ladak de bihasel bekualiti lasik, tiktok nyaknik bianj ya tik, krip teu ru bajak, berseh ru mesre alam ru buleh bicet bile-bile mase.



Ceknet ladak care adeh jugak mimang an kep berengkep de lumayan mende ceknet ladak adeh mong penasar de luas ru regak ladak de lasik. Selaen ajeh, semanj an ladak jugak beteneros ju masarakat.



Amen hik mong minat kateh ceknet ladak fertigasi, mong memerib pekare de perlu hik hiog penerhati rah ju segi penasar, tapak ceknet fertigasi, penealat de biperlu, penileh biji benih, penebajak ru penejagak kenon kening ladak. Selaen ajeh, hik perlu hijoi krusus-krusus bianjor ya kerajaan atao pehak swasta.



Ektiviti

1. Bacak nepetek ku kemil ru senarei isik-isik penteng.
2. Jijoi isik-isik penteng kateh nepetek. Beh kenarag betajok “Bincang ibernor ceknet secare fertigasi”. Ceryak maklumat tenamah kateh Internet.



Lenawat Ku Selai Limau Bali

Engkek na turut serte kateh lenawat neanjor Kelab Usahawan nu selai limau bali nu Tambun, Ipoh, Perak. 35 urag mureb ru empat urag guru telibat kateh lenawat adeh. Pelbegei ektiviti de bitawar semase lenawat ku selai ajeh.



Info

Limau bali berupe nubanse limau entoi de jeoi bicet ku sekitar Tambun, Perak. Imuh saintipik ialoh *Citrus Grandis* atao jugak bikenal sebegei Pamelo. Limau adeh beasal ju Asia Tenggara ru jeoi bicet ku Malaysia, Indonesia, China ru Thailand.



Ektiviti

1. Jijoi maklumat ku kemil, tules nu pucuk surat nu kawat engkek ha cerite kenenjip semase lenawat ajeh.
2. Numom kawat engkek, tok kikep jijoi lenawat de engkek serte mende biget ya iapak ru amek. Begeiharok care engkek ha ej kawat engkek ajeh Beh kateh mentok dialog.

Ektiviti semase Lenawat

10:00 pegelap

- Peneterang ringkas bekenat sejarah selai ru ihasiat limau bali

10:20 pegelap

- Bianj ku tapak senemai ru biternyul care-care begehharok limau bali bicet
- Mureb-mureb biog peluang naicet limau bali

11:00 pegelap

- Bianj lawat ku was kerileng selai, begambar ru beparik ku kerop jehuk sambel cakkak limau bali

11:40 pegelap

- Pengunjong bianj nu tapak penamer produk-produk de bihasel ju limau bali

12:15 dijis

- Beparik ru cakkak



Pantut Bebudi Ku Tik

Mai kampug naiperis itik,
bei hibejasak nu tik.

Huper-huper cip ku Kerian,
rajit cekcet berengkep lumayan.

Nujap jis cak kak salei,
usaheloh tik agok hik lalei.

Cip beintei lei ku lurah,
tik biasahe ihasel becurah.

Cet bawang cet perie,
penetani mongloh kerjak mulie.

Kateh belanjak hodloh kerip,

.....

Belik arap duet bebaki,

.....

Cip ku batagari teros bekayak,

.....

Cip berintei ku serag bitujuk,

.....

Belik senubai ku pekan Selase,

.....

Ektiviti

1. Bacak pantut ku kemil secare pintan
gunakan nada ru gerak berog de sesuei.
2. Cerot rangkap pantut ku kemil.
3. Ma ibernor amen hik bebudi ku tik?

Engrok Napi

1. Jenaye Bah Amat kateh bidang peneternak kak (tok/nyiknyuk) loh usehe ilei numom taleh tapik jugak hasel senukong iperingak.
2. Yok Kana (tok/nyiknyuk) kiminat ha kipeteros usehe selai jeer sawit wenares iapak.
3. Pehak kerajaan (tok/nyiknyuk) taleh kipenteng kateh bidang peneindustri tapik jugak kateh bidang penetani.
4. Amek senalo kibengsat ku ikenon dek gigih ceryak berengkep mende jerengkeh (tok/nyiknyuk) an jer ken balig.
5. Lekat jengoi masarakat sengo (tok/nyiknyuk) naiberanik cebur bidang peneternak kak teu.
6. (Tok/nyiknyuk) buleh hik kenjip sagak ha jijoi krusus kateh bidang penetani amen hik bemenat.
7. Teknoluji fertigasi (tok/nyiknyuk) loh bidang pai kateh bidang penetani.
8. Bidang penetani (tok/nyiknyuk) taleh kiog berengkep de lumayan tapik jugak kibantuk ekonomi negare.
9. Litau ru menaleh masarakat hik (tok/nyiknyuk) naibeminat kateh penetani moden mende tiktok senukong.
10. Bah James (tok/nyiknyuk) taleh kikep berengkep de lumayan ju ceknet senubai, malah ilei kijadik cuntoh sebegei petani bejaye.



Ektiviti

1. Gares jenawap de betol jijoi nekata napi de biog.
2. Beh limak ayat gunakan nekate tok ru limak ayat nej gunakan nekate nyiknyuk.

5.4.1
3.4.1



Info

Engrok napi ialah nekate de kijadik unsur napi prasa-prasa prediket iaajah frasa kerjak, prasa muh, prasa edjektip ru prasa sendi muh. Mong nar mentok engrok napi iaajah tok ru nyiknyuk.



KENUKOH

Fertigasi

Ladak

Kulam

Sangkar

Polythelens

Kanvas

Jenual

Rezeki

Berengkep

Patin

Keli

Krusus

Kak

Lumayan

Peneternak

E	R	D	S	C	G	L	J	N	T
F	E	R	T	I	G	A	S	I	P
P	Z	F	R	B	F	D	I	K	E
O	E	S	L	U	M	A	Y	A	N
L	K	A	K	J	Y	K	H	N	E
Y	I	N	R	E	H	J	K	V	T
T	G	G	U	N	A	U	E	A	E
H	L	K	S	U	M	M	L	S	R
E	O	A	U	A	K	V	I	E	N
L	Q	R	S	L	P	K	D	C	A
E	N	K	U	L	A	M	A	B	K
N	X	Z	L	W	P	A	T	I	N
S	B	E	R	E	N	G	K	E	P



Ektiviti

1. Kek 15 nekae de bekenae ha bidang penetani de biog.
2. Beh ayat gunakan nekae ku kemil.

BERENTIK BULI

Ged Sengoh. Ged Gentar.



Hotline: - 1 - 800 - 88 - 4774

Faks: 03-8888 6681

E-mel: adudisiplin@moe.gov.my

Laman Web: <http://emoe.gov.my>

SMS: 33238 atau 33ADU



Ektiviti

1. Jijoi poster ku kemil, ma de engkek paham bekenae buli? Og iceti buli ru banse-banse buli jijoi bebegei sumber.
2. Buli berupe masalah sosial de serius. Bincang secare beregu ru og hujah engkek.



Lumbe Haram Merugik Negare

Lumbe haram berupe nanek mentok belumbe bemutu de biui ku nong awam tanpa benenar ju pehak bekuase. Geniat lumbe haram mongloh salah ku sisi undang-undang nong mende kibahaye nyawak penggunak nong kilek serte nyawak pelumbe haram ajeh. Ku Malaysia, mai nengneng lumbe haram jugak berupe nanek senalah mende an kigalak pelumbe haram ha teros belumbe. Mong bebegei care ha selese masalah adeh tetapi buntu. Hal adeh kikayat lekat mong punca-punca de kikerlak usaha ajeh.

Salah nanek punce lumbe haram belakuk bikayat ya peneubahsuei bahgian tenenbot sesukak sengik ru tanpe joi peneatur de bitetap. Tenenbot de biubahsuei bigunak ha belumbe niknyuk taleh ku nong bandar tetapi jugak ku was kampug. Penduduk kampug tok buleh beparik mende naikekjet ru engrok renyah tenenbot ajeh. Enai jugak sanggop perdi jerengkeh ha ubahsuei tenenbot lei nailanggar tenetap Jabatan Pengangkutan Jalan (JPJ).

Seteros, pengaruh media massa jugak kijadik punca gejala lumbe haram lekat tejadik ku negare adeh. Pengaruh ju barat ikhusus senalo naiperneg bahan de beunsor lumbe ataopen aksi pelumbe de bahaye kateh media cetak hodpen media elektronik. Meknuj bahan adeh de walah tenapes ju Lembaga Penapisan Filem an kipengaruh remaje ha cubak aksi de biged. Alaupen penerbit pilem ajeh naipapar amaran dek tok buleh tiruk aksi-aksi lumbe haram ku pilem, namun jeoi pelumbe haram tok naiirau amaran ajeh. Bak engrok penateh begei hicerog teu nu selak gak. Ikayat, penepileh bahan media de tok sesuei an kipengaruh kelakuk penonton.

Punce kilek de kidurong belakuk ektiviti lumbe haram mongloh ju pengaruh kawat sebaye. Remaje naianggap kawat sebegei mai rek ru dirik enai bebanding peringak. Kawat de bor sepatut buleh kibimbang enai nu nong de bor. Namun, amen sek pileh kawat an



kipengaroh enai nu pekare de niknej begei lumbe haram. Jadik tok syak nej bahawe pengaroh kawat sebaye de negatip senang naijerat remaja nu nong lumbe haram de tok og gek peneuntong.

Antare care de buleh ha benteras lumbe haram mongloh ru kuatkuase undang-undang negare. Gejale lumbe haram adeh bidek ku kerop Seksyen 42(1) Akta Pengangkutan Jalan 1987 de hodloh bipeketat nej. Jadik wajarloh remaja de naitelibat ru ektiviti lumbe haram bikenak henukom de setimpal ru pelakuk enai. Antare mentok henukom de buleh bikenak mongloh dende ru henukom penjare ha og senedar. Remaje de naijoi penelumbe haram hodloh bijol permit atao lesen memandu ha jagak senelamat dirik. Pehak peneanjor lumbe haram jugak buleh bikernak henukom de setimpal amen bisabit senalah ya pihak bekuase.

Care kilek ha perwer belakuk gejal lumbe haram ru ui seminar, krusus atao bengkel dek kiog senedar risiko lumbe haram. Pehak Polis Diraja Malaysia (PDRM) hodloh senalo naiog hidmat ku masarakat teutame remaja. Remaje jugak buleh bidedah bekenaet hal adeh jijoi seminar de bianjor ya pehak sekulah ru kerjaksamak PDRM. Ipenyudah, gejal lumbe haram kep bibenteras gek demi gek amen bipupok ju reis. Masarakat an celik minda ru sedar bahaye lumbe haram ku enai de kianj padah sekelip mat taleh.

Iserengkol, lumbe haram tok kiog paedah ku masarakat teutame remaja ku sekulah. Remaje berupe jenerasi pemimpin pigoidoh. Amen goyah mase remaja ru masalah sosial an kikayat negarede hihok adeh an tenandus pemimpin de bekaliber ru bekarisma. Iaajeh, samak-samakloh hik begandig gelpal ru kerajaan ha bendong masalah adeh.



Ektiviti

1. Bacak entoi teks ku kemil ru kek ma punce belakuk lumbe haram.
2. Beh neulas antare 80 lei 100 nekate jijoi nepetek ku kemil.


2.2.1
3.3.4

Rukun Tetangga

Rukun Tetangga berupe nanek progrem sukarela de betenuju ha tulug kateh penebangun masarakat setempat ku Malaysia. Konsep adeh gu rek rah *Neighbourhood Watch* de biamal ku United Kingdom. Rukun Tetangga adeh bituboh ya kerajaan Malaysia ku tahut 1975 de iasal ha jamen senelamat penduduk setempat. Nanek akta de bikenal sebegei Peraturan Rukun Tetangga 1975 (P.U (A) 279/75) bilulos ha og kuase tetentuk ku penetuboh adeh.



Ku tahut 1984, pokes penetuboh adeh betukar ha kirapat henubong antare bebegei kaom ku Malaysia. Telas tahut 2001, pokes progrem adeh sekali nej betukar ku pokes penebangun masarakat pasak.



Ektiviti

1. Bincang isik-isik penteng ha ibendor Rukun Tetangga ju renujuk Internet.
2. Telas ajeh, beh nanek kenarag tok cereg 180 nekate.



SENI ENGROK



AUDIO 28

Penepadu Teras Jenaye

Hunen semangat cip seiring
Nanek neamal kerjaksamak
Jadik teras bangsak mulie
Sesengik sejiwe

Kus benantuk agar sepakat
Moge teserlah penepadu
Agar teguh ku pesada
Kateh sinui harmoni

Siram kenyip haknok
Jadik benteng sinui de harmoni
Nurani iklas
Ku sengik murni
Jenadik kengwat hik

Besatu... besatu...
Besatu gagah becerei rebah
Hindar hasrat sengkete hik
Penepadu teras jenaye

Bepadu... bepadu...
Bepadu benulat engrok sepakat
Kijadik cite negare jaye
Penepadu teras jenaye

Penepadu teras jenaye
Penepadu teras jenaye

Laguk cenipte: Pak Ngah
Lirik cenipte: Adaptasi
Irama: Pepaduan Teras Kejayaan



ulang
nar kalik



Duniak Lemu Penanei



Ektiviti

1. Cerngai audio ku kemil ru og iceti.
2. Tules iceti laguk kateh bob lenateh.

4.2.3
3.3.3



Ayat Tanyak

Hak Pengguna

Pengguna de bertanggungjawab ialah pengguna de kisedar hak-hak sebegei pengguna ru betindak bijaksane ru bertanggungjawab. Lapan hak pengguna de hodloh hik panei ru hipaham ialah:

1. Hak ha berkep penerlu asas

Pengguna berhak kep arap ru penehidmat asas ha jamen sinui de menuas ku duniak. Penerlu asas adeh termuj caknak de cukup ru selamat, penakei, deg menudah senihat ru penedidek.

2. Hak ha berkep senelamat

Pengguna bilindong ju penepruses ru penemasar arap serte penehidmat de boleh bahaye pengguna.

3. Hak ha berkep maklumat

Pengguna hodloh biog maklumat de cukup ru tepat ha kimudah ui penutos de bijak. Pengguna hodloh bilindong ju pengiklanan, penelebel ru neamal kilek de palsu, lengnon ru peneseleweng.

4. Hak ha ui penileh

Pengguna bipasti kep maklumat langsung ha bebegei arap ru penehidmat. Pengguna hodloh biog peneterang de kep ui penileh kateh ui penutos. Perlu mong jenamen ha penentuk mutu ru penehidmat menuas ru regak de bepatut.

5. Hak ha besuarak

Adeh ha pasti penenteng pengguna kep penetimbang de wajar kateh penegubal dasar kerajaan ru tenindak de deras ru saksamak ju penetadber.

6. Hak ha berkep ganti rugik

Pengguna berhak kikep peneseleseai ha belik arap de rusak atao bebahaye.

7. Hak ha berkep penedidek pengguna

Pengguna berhak kikep penedidek pengguna de cukup ru teneros.

8. Hak ha berkep alam sekitar de sehat ru selamat

Pengguna berhak sui ru bekerjak kateh alam sekitar de berseh ru sehat serte bebas ju jenim de bebahaye. Hak adeh bipejuang ya pengguna mende kadar pencemar gu jeoi ru unsur alam semule jadi de gu pupus ru musnah.



Ektiviti

1. Secare gu, hasel nanek dailog lenkap de mong ayat tanyak jijoi maklumat nepetek ku kemil.
2. Telas ajeh, tules kateh bob lenateh.


CERNGAI ru BELWAL

Pekerjak De Bor

Kelakuk De Buleh Hijoi



Hiui tenuntot de mentol
telas belik nanek arap.



Gunak menudah ku tempat
kerjak ha neuros kerjak taleh.



Kitulak rasuah kateh
sebarang mentok.

Duniak Lemu Penanei

Kelakuk De Tok Patot Hijoi



Gunak waktu kerjak ha neuros
peribadi.



Gunak tempat kerjak ha
neuros peneniage.



Kibelik sijil cuti.

Ektiviti

1. Jijoi gambar ku kemil, nyate penenteng bekelakuk jujur semase bekerjak?
2. Kateh gu, tanyak nu kawat hek ma ikenenjip amen bekelakuk jujur semase hiui nunanek tugas?
3. Bincang nanek penetules cerpen bekenaet kelakuk de bor.



Ma Ajeh Integriti?

Ma ajeh integriti? Ku belok-belok taleh senalo bibuwal ha gek integriti kukenalag mai jengoi, pekerja sektor awam ru swasta, organisasi ru ku kampug jugak tok tekecuali. Jadik ma iceti mentol integriti?

Integriti imentol beasal ju istilah Bahasa Inggeris beceti neutoh ju rimdij sengik de bor. Kateh Bahasa Melayu, ilei kijuros nu ala penewatak nuurag. Ceti integriti joi Kamus Dwibahasa *DBP* ialoh jenujor ru tenulus, kesempurnaan ru neutoh.

Ju ceti de biberkep ju kamus ku kemil, integriti mongloh sipat jati dirik de kirangkom jugak neikhlas, tenebukak, tenelos, amanah, benar, kicap nu prinsep, tok mudah bipengaroh ru boleh bicap iengrok.

Secare ringkas, integriti boleh bibincang nu nar bahagian iaajeh integriti besabit ru individu, ru integriti ku perinkat organisasi. Amen begei ajeh iumom integriti kirujok nu henimpon kualiti unggul de ujud kukenalag individu ru kualiti adeh beneteras ku prinsip kicap tegoh ku jenujor ru neamal bemoral lasik.

Ku perinkat individu, integriti ialoh kesenelaras ku antare tenindak ru prinsep moral etika ru undang-undang serte kesenelaras ku antare penenteng dirik ru penenteng umom. Sementare ajeh ku perinkat organisasi kicermin kateh penelaksane kod etika, piagam pelanggan atao sistem ru pruses kerjak serte penepatan nu neamal bor. Kod etika bekenaet bitegas, biulang ru bihayat ya anggote lei jadik beniasak ru penyudah kijadik budaye organisasi.

Secare ideal integriti samak mong ku perinkat individu ataopen organisasi iceti kod tinkah lakuk. Amen rimdij mai nailaksane kod adeh ru bor joi lunas-lunas de bitetap ya agame ru masarakat betamadun, nescaye masarakat atao negare an maju ru betamadun. Isual, yama integriti adeh terik bicapei?

Mong jeoi kes de kijadik bukti yama integriti terik bicapei malah masalah tiktok integriti lekat jadik masalah utame nu negare. Hik senalo cerngai begebek nuurag pejawat awam hodpen swasta kikit rasuah ha menudah nunanek pruses de kilibat penenteng umom. Rasuah ha berkep tender, rasuah ha putong benares, rasuah ha perwer ju tenindak henukom ru begebek nej. Ku nanek tahap neamal tok beintegriti rah hiog ru hiterimak rasuah adeh na jadik nuengleg ju budaye de biamal ya senebilag ahli masarakat.

Secare ringkas, boleh hik beh serengkol integriti kirujok nu care hik betingkah lakuk. Ma tenuju hik ui ajeh ru adeh? Begebek ru iniat? Ru lebeh penteng ialoh care atao kaedah ha capei tenuju ru niat ajeh hodloh biui ru betol. Iceti betol ialoh hijoi neajar agame ru hipatoh undang-undang.



Ektiviti

1. Jijoi nepetek ku kemil, bacak ru kernal begebek banse ayat.
2. Og cenadang engkek, yama hik hod amal nilei integriti?



Dil Gejale Rasuah

Dill

Lilei
-mase nugar lilei ru
kerjaye an tejejas

Peringak
-peringak an
naitanggong selsel

Masarakat
-masarakat an
nyep penecayak nu
penetadber negare

Negare
-imej negare tejejas



Care Banteras

Tenindak
undang-undang nu mai
de kiog ru mai de kikot

Hicap tegoh nu neajar
agame atao penecayak

Terap nilei-nilei murni
ju sekulah rendah

Beh motivasi ru
ceramah ha neamal
nilei bor ru integriti nu
rimdij perinkat umur

Duniak Lemu Penaneu



- Ektiviti**
1. Bincang isik ku kemil ru beh nanek penetules bekenat gejalé rasuah kateh gu.
 2. Beh nanek sajak bekenat dil benurok gejalé rasuah ru mendeklamasi kateh kelas.

3.5.1
5.2.3



Jenim

Hek et nu pejabat pos ha bayar bil. Semase hauri benayar, petugas kaunter tok kiperjug lebeh duet de cukup nu hek.

Care hauri ektiviti:

1. Ektiviti adeh buleh biui kateh nik gu
2. Gu petame bihod enai beh lenakon ru naipamer kelakuk behemah jijoi jenim de biog.
3. Gu kedue bihod enai beh lenakon ru naipamer kelakuk tok behemah jijoi jenim de samak.
4. Gu ketiga bihod enai bandeng ru bize kelakuk de biperneng ya gu petame ru kedue gunakan peta buih begande.



Ektiviti

1. Beh lenakon jijoi jenim de biog.
2. Beh memerip ayat gunakan engrok eknej ha semanj maap ha kelakuk tok behemah.
3. Og peneterang ibernor amen bekelakuk supan jijoi jenim tersebut ru perneg kateh kelas.



Etika Beniage



Duniak Lemu Penanei

Tok lenlod pelanggan

Jual arap de bor

Dek tandak regak nu arap

Tok berencip arap ha perhuj regak

Sukat ru timbang ru betol

Jual caknak de behasiat ru tok kimudarat pelanggan

- Ektiviti**
1. Beh ayat perintah jijoi jenim de biog ku kemil.
 2. Hurei sikap de perlu biamal ya peniage.

5.3.2
3.1.5



KENUKOH

Lenateh 

Situasi 1



Semase penekemah perdane, hek tejumpak camag duit nuurag peserte. Patotka hek perjug nu isengoi? Og ikayat.

Situasi 2



Semase hek muj kem Pusat Latihan Khidmat Negara, hek panei mong kawat hek kihol tok kisemanj. Sanggopka hek lapor nu pegawei kem? Yama?

Situasi 3



Hek betugas ku pintu meknuj stadium bula sipak. Tiket ya dij bijual. Mong nuurag kiog jeoi jerengkeh kaha muj nu stadium. Mong ka hek an og ilei kimuj? Og ikayat.

Situasi 4



Semase hek nu penamer rekacipte perinkat kebangsaan, hek ru kekawat tok sengaje hek cereh nanek arap penamer. Ma tenindak de patot hek ru kekawat kenak ui? Peterang.

Ektiviti

1. Og jenawab engkek ha nujap jenim ku kemil.



CERNGAI ru BELWAL

Penecapei Malaysia

Malaysia berupe nanek negare de na kicapei jenaye de luar biase kateh pelbegei bidang bebanding negare-negare kilek ku Asia Tenggara. Jenaye de bicapei kiharum muh Malaysia ku mat duniak. Hal adeh kiternyul bahawe rakyat Malaysia mampuk besaeng ru negare maju de kilek.

Duniak Lemu Penanei

Antare Penecapei Malaysia



Penetani



Infrastruktur



Tenenbot



Penelancong



Ektiviti

1. Jijoi maklumat ku kemil, bincang secare gu, ma penecapei de bicapei Malaysia kateh bidang de biog. Telas ajeh, bentang ku kelas.
2. Selaen jenaye ku kemil ajeh, og ru hurei ma penecapei kilek de bicapei ya Malaysia?



Kuala Lumpur Mengkah Belik-belah



Kuala Lumpur na biiktirap sebegei **mengkah** belik-belah keempat ku duniak nar noh iaajah tahut 2012 ru tahut 2013 jijoi hasel kaji selidek de bibeh ya *Cable News Network* (CNN). Ku tahut 2015 pulak, Kuala Lumpur bipileh sebegei pusat belik-belah ku nar de bor ku duniak. Telas ajeh, tahut 2017 Kuala Lumpur biiktirap sebegei pusat belik-belah de bor ku rantau Asia jijoi kenaji de bibeh ya sarikat penelancong *online* tekenal ku duniak. Hasel kenaji ajeh, Kuala Lumpur bejaye kiatasi bandar-bandar tekenal ku Asia rah Tokyo ru Beijing. Kenaji adeh kibukti bahawe Malaysia berupe nanek negare de na kicapei tarap negare maju setandig negare maju de kilek ku duniak.

Penenilei ru markah de biog ha peneiktirap adeh jijoi memerip kategori iaajah:

1. Menudah ha ku was sekitar rah kualiti tenenbot awam ru menudah teksis.
2. Nilei de mong rah tawar-menawar, jenual murah ru regak purate nu jap arap.
3. Kepelbegei rah benilag jenama, kategori belik-belah, kedei-kedei mewah ru gerei-gerei penasar.
4. Kenenjip rah ibernor bandar, kualiti ru henias kedei, renamah ru cenepak jurujual, penileh tempat caknak, kepelbegei caknak ru peneinap.

Selaen ajeh, Malaysia jugak mong memerib pusat belik-belah de tesenarei sebegei paling entoi ku duniak rah One Utama, Mid Valley Megamall, Sunway Pyramid, Berjaya Times Square ru MyTown Mall.

(Bipetek ju laman sesawang <http://www.wanista.com>)



Info

Mengkah belik-belah ialah nu buah atao jeoi benebangun de kimentok nu buah kompleks kedei peneniage.



Ektiviti

1. Bacak nepetek ku kemil ru peterang isik-isik penteng kateh nepetek.
2. Og cenadang tempat-tempat belik-belah de kilek ru og ikayat yama tempat ajeh bor?



Peranan Malaysia kateh Pertubuhan Bangsa-Bangsa Bersatu



Peranan Malaysia kateh Pertubuhan Bangsa-Bangsa Bersatu (PBB)

Ju sengik selesai konplik antarabangse

- sertei penasok pendamai ku kerop panji-panji PBB ha dij perag saudare ku Congo
- kiwakel penasok pengaman PBB nu Namibia ha bantuk negare ajeh kicapei merdeka
- kingeng penasok pemerhati ku sempadan Iran-Iraq ru Kampuchea

Ju sengik ekonomi

- kijadik ahli Bank Dunia
- matlamat penetuboh Bank Dunia, kibantuk negare ahli ju sengik kewangan kateh kiberkus ekonomi
- paedah kijadik ahli, permuj pelabor-pelabor aseng, kibasmi henajap luar bandar ru sedie peluang kerjak

Ju sengik sosial

- perangi gejala salah gunakan dadah
- kerjaksamak kateh bidang kiperhol caknak ku kerop agensi Pertubuhan Makanan dan Pertanian (FNO), kerjaksamak kateh bidang Kesihatan dan Perubatan (WHO) ru kerjasamak kateh bidang Sains dan Teknologi (UNESCO)



Ektiviti

1. Jijoi isik-isik penteng de biog, beh nanek kenarag ha peranan Malaysia kateh PBB.
2. Kek maklumat tenamah kateh Internet atao bob renujok peranan Malaysia kateh PBB.



Info

PBB bituboh secare resmi ku tahun 1945.

Mong empat matlamat piagam PBB:

1. Kijamen neaman ru senelamat duniak.
2. Kigalak henubog berbor antare negare anggote.
3. Bekerjaksamak ha selesai masalah antarabangse.
4. Kijadik pusat ha penyelaras tenindak negare anggote.



SENI ENGROK



AUDIO 30

Adeh Negare Eng

Kupadeh sejarah tenurun bilakar
 ku padeh jugak eng ngbiperyos
 jer berkus eng tecoret
 kicipte cerite sinui
 kiajar kenenjip jadik raknak
 syukur eng ngjadik kenon bumik hek

Adeh tik saruk bihip eng
 ku padeh takdir hik
 janyik bibeh ha sui besamak
 alau pebegei bangsak
 alau bebize agame
 alau jeoi budaye
 sengik ruwai hik besatu
 bijagak bumik rah jagak wenares

Negare eng
 neunik hik
 besatu hik
 ikukoh hik
 nyiknyuk kisah bireko
 nyiknyuk berakpok bicipte
 adeh cerite nyate
 ha teros tepahat ku ruwai
 selagak nadik bedenyt.

Malaysia eng,
 alau lasik eng ngheg
 tok eng ngsip ha perjug
 bepaleng tadah tok mungkin
 adeh janyik eng
 terosloh kitujuk jaye
 terosloh kicipte muh
 terosloh gemilang seleneu



Info

Gaye bahase:

1. Anafora - peneulang engrok ku ngar bares.
 Cuntoh - kisah hik...
Kisah sedeh...
2. Epifora - peneulang engrok ku mol bares.
 Cuntoh - Adeh sinui hik
 Jagak wenares hik
3. Personifikasi - peneurag.
 Cuntoh - selak jeer kigawej.
4. Simile - penelambang de bigunak nekate rah, begei, macam.



Ektiviti

1. Deklamasi sajak ku kemil ru og iceti.
2. Kernal unsur bahase de mong kateh sajak ku kemil adeh.



Lenateh

Ayat Penyate Ku Ayat Sensual

1. Ayat penyate: PBB ialoh nanek penetuboh de bituboh ku tahut 1945.
Ayat sensual: _____
2. Ayat penyate: Hik an betulak nu Kuala Lumpur ku pukul 8 pegelap henlep.
Ayat sensual: _____
3. Ayat penyate: Eng an betulak nu kampug ngtebot bas.
Ayat sensual: _____
4. Ayat penyate: Pusat belik- belah One Utama ru Mid Valley teletak ku Kuala Lumpur.
Ayat sensual: _____
5. Ayat penyate: Keral de pakei tali leher ajeh ialoh bah eng.
Ayat sensual: _____
6. Ayat penyate: Malaysia kijadik tekenal mende penebangun de pesat kateh pebegei bidang.
Ayat sensual: _____
7. Ayat penyate: Care ha pupok sengik haknuk nu negare ialoh hik hurmat lambang-lambang negare.
Ayat sensual: _____
8. Ayat penyate: Menang eng hunen kikerjak ku Johor Bahru.
Ayat sensual: _____
9. Ayat penyate: Wak Atie kigemar berajal subjek Sejarah.
Ayat sensual: _____
10. Ayat penyate: Rimdij anggote pulis de telibat kateh kenawal senelamat ajeh ialoh 120 urag anggote.
Ayat sensual: _____



Ektiviti

1. Beh ayat sensual ru gunak kate sensual de betol. Genunak kate sensual hodloh sesuei ru nekate atao rangkei kate de begares.
2. Beh limak ayat penyate gunak nekate de biog ku kerop adeh:

a) Tenenbot	b) Belik-belah
c) Jenaye	d) Senumbang
e) Kerjaksamak	



Info

Ayat penyate ialoh ayat de biucap ru iceti hiui nanek penenyate.

Ayat sensual atao ayat tanyak ialoh ayat de bigunak ha tenuity tenanyak nunanek pekare.



KENUKOH

Lenateh

Duniak Lemu Penanei

Masarakat bebilag kaom

Rakyat de bebudi bahase

**Neistimewe Malaysia
kitarek pelancong**

Kepelbegei caknak

Kazanah alam de tok tenilei



Ektiviti

1. Jjoi maklumat ku kemil beh neulas de cengreg antare 80 nu 100 nekatte.

INFO BAHASA

Penegunak *neimboh per...* kateh Bahasa Semai

Neimboh per... kateh Bahasa Semai bigunak kateh prasa kerjak, kateh Bahasa Melayu kijadik prasa tenerbit de kigunak neimbuh *memper...an/me...an/meng...an*. Cuntoh:

Kata Dasar	Bahasa Semai	Bahasa Melayu
a. muj	per muj	memasukkan
b. sot	persot	mengeringkan
c. neng	per neng	memperlihatkan
d. log	per log	memakaikan
e. gej	per gej	mempercepatkan
f. mong	per mong	mengadakan
g. lei	per lei	menyampaikan
h. hol	per hol	mengeluarkan
i. huj	per huj	menaikkan

Penetetapkan Neije

Kateh Bahasa Semai kate de imol ru hurop vokal 'a' bitetap jijoi suku kate. Amen nar suku kate, ku mol kate dasar bidek hurop 'k'. Manakale, kate de nik suku kate bidek hurop 'e'. Tenetap adeh pen tok kilibat kate dasar Bahasa Semai. Alau begehharok pen, mong ikecuali ha memerip kate ju nar suku kate mende neije nekate adeh jijoi senembot Bahasa Semai. Cuntoh:

Bahasa Melayu	Bahasa Semai
a. kata	kate
b. masa	mase
c. daya	daye
d. cara	care
e. serta	serte
f. meja	mije
g. warga	warge

Neije kate peninyap Bahasa Melayu

Kateh Bahasa Semai neije kate peninyap Bahasa Melayu de mong neimboh rah per..., ter..., ru ber... biejje ru kigugur hurop 'r'. Cuntoh:

Neija kateh Bahasa Melayu	Neije kateh Bahasa Semai
a. bersukan	besukan
b. bersetuju	besetuju
c. perluas	peluas
d. perkenal	pekenal
e. terlibat	telibat
f. terjejas	tejejas

GLOSARI

Awat sentet iceti muh nubanse awat de mong irebug hik kenjip ceet atao bicereg rebug ceet

Berei caknak de bicak buje tok bisubai

Beril had

Ce pengorek iceti menatag de kigenmar kurek capeh jehuk

Centag simpang

Cepit picet atao urut

Deg danem deg sementare

Dendep et beintei ku kateh serag

Ej kihod mai bijoi iengrok

Ensop giknei pitak cep atou sarang

Ente lauk

Gengsag runggen

Gepgep gua

Gesuk batu

Gu semakin

Haj tibak-tibak

Hekheg kihog suwig

Henlep huper

Imol petame, depan

Kapog getek

Karog nubanse peringak tabeg

Kelong-kelong nanek alat hacap kak

Kerek mur atou hairan

Kerkor mai bicah ru bigik jehuk bibeh selai

Kor atou cetak

Mamok nubanse telei serag

Mengkah syurga

Nandang tengloh

Ngak nubanse cep kaler belak

Ngsar serenlog janyik hod hik tepati amen tok hitepati an belakuk pekare de niknij

Pelcos entoi ket

Penalik kep penyakit terik ha bor

Pengsol alat musik de bitohol ju moh

Pungka rumpun

Selnel selsel

Sin selesema

Tentot selurok

Terayel lunkang

Weswes cerei

Yap belwal

Yekyap bekate-kate/pedir



Senarei Bob

Abdul Rahman Kamil Abu Naim, 2015. *Kata Tugas*, Kuala Lumpur: Dewan Bahasa dan Pustaka.

Ahmad Ba Abdullah et al., 2013. *Buku Teks Bahasa Semai Tahun 4*, Kuala Lumpur: Dewan Bahasa dan Pustaka.

Aidaliana Alang, Azura Ngah Dian, Wak Kartinah Bah Goli, 2017. *Buku Teks Bahasa Semai Tingkatan 2*, Kuala Lumpur: Dewan Bahasa Dan Pustaka.

Bahagian Pembangunan Kurikulum. *Draf Bob Tatamengwal Engrok Semai*, Kuala Lumpur: Kementerian Pendidikan Malaysia.

Dino Itam, Maslinda Panjang Ali. Saadiah Alang Ya, 2014. *Buku Teks Bahasa Semai Tahun 5*, Kuala Lumpur: Dewan Bahasa dan Pustaka.

Goh Cheng Leong, 2010. *Atlas Sumber dalam Geografi Manusia*, Kuala Lumpur: Institut Terjemahan Negara Malaysia.

Kamus Trilingual Semai-Melayu-Inggeris, 2004. Kuala Lumpur: Pusat Perkembangan Kurikulum, Kementerian Pendidikan Malaysia.

Mazlina Alang, Belinda Panjang, Vok F.K., 2015. *Buku Teks Bahasa Semai Tahun 6*, Kuala Lumpur: Dewan Bahasa dan Pustaka.

Nik Safiah Karim et.al, 2010. *Tatabahasa Dewan*, Kuala Lumpur: Dewan Bahasa dan Pustaka.

Rasila Yas, Shaemas Mat, Suhaimi Husin, 2016. *Buku Teks Bahasa Semai Tingkatan 1*, Kuala Lumpur: Dewan Bahasa dan Pustaka.

Shamsul Yusli Mohamad Yusop et.al., 2015. *Buku Teks Bahasa Malaysia Tingkatan 2*, Kuala Lumpur: Dewan Bahasa dan Pustaka

INDEKS

- Abdul Latif Ramly 104
Amran bin Anjang 86
ayat
 dasar 191
 ektip 71
 majmok 149
 penyate ku ayat sensual 179
 pesip 71
 sahre 30
 seru 155
 tanyak 173
 tunggal 149
- bijih timah 74
cep jawir 116
- Datuk Dr. Sheikh Muszaphar Shukor Al Masrie bin Sheikh Mustapha 91
Dr. Ang Kean Koo 104
- ekopenelancong 115
engrok
 benilag 35
 edjektiv 53
 ernor 114
 gande 137
 gantik muh ternyul 24
 genanti muh 11
 genanti muh tok tentu 17
 hubug genabung 65
 kerjak 59
 majmok 132
 muh 5
 napi 161
 napi 96
 neimboh 125
 penegas 107
 penguat 89
 peninyap 101
 sendi muh 47
 seru 83
 tenayak 78
- gengsag
 Mayin Jo-oh 69, 131
 Sumazau 38
- herbe 139-144
- Ir. Mahat a/l Mat Dong 110
- J. Murni bin Mohamad 105
Jepun 76
Jis Moyang 131
Johari bin Alwi 113
- Kampung Orang Asli Paya Pelong 128-129
kate gande 137
kemere 29
- Lee Thiam Wah 112
- Mahat a/l China 109
Mai
 Bidayuh 37
 Iban 37
 Melanau 37
- Mejar Dr. Faiz bin Khaleed 91
Mohamad Ridzuan Mohamad Puzi 104
Muhammad Ziyad Zulkefli 104
- nilei murni 2
- Orang Ulu 37
- Pak Kadok 67
Patug Bujang Bireg 128-129
peneternak kak keli 117
penjudoh benilag 41
Pertubuhan Bangsa-Bangsa Bersatu 177
pola ayat 143
prasa
 edjektiv 119
 kerjak 119
 muh 119
 sendi muh 119
- Puteri Gunung Ledang 66
- Rukun Tetangga 166
- Sekolah
 Bestari 152
 Harmoni 15
 Selamat 13
- sewang 4
Suhainirus binti Sulim 87
sukan 103
 paralimpik 103-105
- Tapah 67
Tasik Chini 68
Tenage
 Biomass 121
 geoterma 121
 mat jis 121
- Tenage pinui 121
Tugu Peringatan
 Jepun 73
 Kubu Perang Kampar 73
 Perang Dunia Kedua Jepun-Australia 73
 Petempuran Keroh 73
- zat caknak 101

Dengan ini, **SAYA BERJANJI** akan menjaga buku ini dengan baiknya dan bertanggungjawab atas kehilangannya, serta mengembalikannya kepada pihak sekolah pada tarikh yang ditetapkan.

Skim Pinjaman Buku Teks

Sekolah _____

Tahun	Tingkatan	Nama Penerima	Tarikh Terima

Nombor Perolehan: _____

Tarikh Penerimaan: _____

BUKU INI TIDAK BOLEH DIJUAL